















原刻景印  
叢書菁華



藝文書印館印行

彙編類  
月河精舍叢鈔

(九)



清 賈書輯





讀書  
雜誌



民國六十一年  
國立中央圖書館  
景印



讀書記  
卷之十一  
齊

光緒戊寅歲  
吳興丁氏刊





讀書雜識序

道光丁未秋客杭時長洲陳碩甫先生假館振綺堂汪氏校刻書籍汪氏所藏大唐類要為曝書亭舊物予借觀於陳先生先生曰是書唐樓勞氏過鈔副本季言校正處最精確蓋訪之旋歸而道出唐棲始識勞氏諸羣從長青主次巽卿幼季言見而知為篤實君子為篁士先生之哲嗣篁士先生博覽多聞撰折衝府考未脫稿季言續成之刊行為世所稱故學有本源季言喜予至出手校本元和姓纂大唐郊祀錄北堂書鈔蔡中郎集文

苑英華及唐宋各家文集示予皆丹黃齊下密  
行細書子歎其引證博而且精近人所未易臻此  
者遂相與訂交焉子家去唐樓百里自是郵筒往  
復一月數至季言嗜收書與子同癖遂互相借錄  
率以為常壬戌癸亥之間避寇於鄉間青主偕巽卿  
季言倉卒扁舟至雙溪就子僦居一室季言著述  
在行篋中雖流離遷徙間猶自彙萃手寫不  
輟俄而警至又偕予至同里備嘗艱苦而季言竟以  
憂鬱對致病數月卒易簣時以生前叢殘手稿  
十數冊付予云平生精力在此但隨得隨錄未免



其緒為憾事寂寞身後若為之排比成書可乎予  
含淚而應之時甲子四月事也于今十四年矣然  
當時未遑檢閱迨冠平各歸故里行李蕭索祇  
以殘書數簾自隨丙寅丁卯間巽卿數過予荅上  
亂後重逢頗見意興顏唐抱滄桑之感若不忍啟  
視篋中舊物語次及昔日文酒風流未嘗不潸然  
淚下也豈意不數年而巽卿耗音又至耶巽卿精  
於校讎之學兼善詞曲惜所著散佚無存季言所  
著難存而殘缺失次驟難窮其端委嘗撫編三復  
期不負故人之託而後可適青主促子董理踵成其事

爰發篋視之悉殘篇斷簡窮數年之力綴輯成編  
為讀書雜識十二卷又唐御史臺精舍題名考三  
卷即官石柱題名考二十六卷為仁和趙星甫太史  
鉞創稿季言續補成之予亦編纂成書季言習  
諸史而尤熟於唐代典故錢少詹以後一人而已後  
之人讀是書者自能辨別青主素不治生產兵燹  
後僑寓荻岡家道日益中落然能竭蹶籌資源、  
接濟以終剗剗之後可謂篤於友于之誼者矣光緒三  
年丁丑九月丁寶書序

亡弟季言司訓事畧

季言司訓檢之季弟也家世藉仁和居唐棲先君諱某

字笙士少嘗問字於武進臧在東先生

鏞堂

之門故學有

根柢嗜收書恣意流覽與歸安嚴脩能茂才

元照

德清徐

新田明經

養原

爲問難之友脩能沒所著爾雅匡名爲付

刊行世

先君熟諳唐代典制著有唐折衝府考敝帚稿

畧其折衝府考未及寫定子格季言爲校補成書同邑趙

星甫太史

錢

序而刊之季言幼而聰穎年甫四歲出就外

傳受經於同里朱進士

以升

質旣敏慧又勤於誦習年十

二三諸經皆已卒業素性沈靜寡言笑已有成人之度焉

忽得咯血疾醫家皆謂宜靜攝歛神勿過用心遂令靜居  
一室屏棄一切惟期於適性怡情爲消遣歲月計季言廼  
於牀第間竊閱漢唐諸史通鑑會要諸書三年而病愈而  
史學亦均能融會貫通矣年十八就童子試受知於學使  
者桐城姚公公屢許爲遠器其時耆儒名宿如錢唐嚴厚  
民上舍燕仁和趙星甫太史錢孫兩人學博同元長洲陳  
碩甫徵士與皆相與論交爲忘年友時趙星甫方撰唐郎  
官石柱題名考唐御史精舍臺題名考趙鉞字星甫仁和  
人嘉慶十六年辛  
未進士選翰林院庶吉士散館選湖北咸甯縣知縣改授  
江蘇溧水縣知縣陞泰州知州道光二十九年卒年七十  
二屬稿未半自顧年近衰邁未及成書因將稿本託付季

言俾續成之季言一諾無辭悉力考核用功雖寒暑無間  
後因粵氛日熾然未嘗不勤加搜輯以期毋負故人之諄  
屬也又嘗欲著登科記創稿數十緡聞大興徐星伯侍御  
已有成書遂中輟旋丁父憂哀毀躋踊有過於人居喪盡  
發先人所藏書徧讀之於是其學益邃矣其平居閱書時  
每置空冊於案間遇有疑義輒筆諸上方暇時緡閱諸書  
互相考証必至精審而後已閱十餘年而其冊已成巨帙  
皆密行細書有見之者無不歎其精確尤勤於校書嘗鐫  
一小印曰實事求是多聞闕疑凡所校之書必鈐其印於  
卷端蓋以此爲讀書之旨也其所校如元和姓纂大唐郊

祀錄蔡中郎集及唐宋諸家文集補正訂訛一以實事求是爲主又嘗編輯宋洪文敏公集尤延之集皆能博搜廣採無漏畧嘗三試秋闈終懷楚璞廼爲戚友所迫入貲爲校官非所願也繼遭母喪哀毀一如父喪時自父母棄養居恒常忽忽不樂若有所失而舊病又復間作矣然猶力疾手寫著述未嘗輟業旋寇氛益熾唐棲當孔道不遑甯處廼避地鄉僻然未久安最後遷於吳江之同里自顧所志未遂家室飄零家藏圖書散失殆盡憂能傷人病遂不可爲矣同治三年甲子四月二十五日歿於同里寓舍距生於嘉慶庚辰二月初一日年僅四十有五無子妻某氏

相繼而亡季言歿後十年其友丁君葆書篤於友誼因檢之請爲之編次遺著得讀書雜識十二卷唐郎官石柱題名考二十四卷唐御史精舍臺題名考三卷行將壽諸梨棗以慰其汲古好學之志嗚呼季言藉此以傳耶其書而苟傳耶季言爲不死矣光緒四年仲冬月仁和勞檢書於菰城南上堡寓齋





讀書雜誌卷第一

仁和勞格著

歸安丁寶書述

史記六國表

齊湣王二十三年與秦擊楚使公子將大有功今本脫

公字徐廣田敬仲完世家注引表有公字今據增案秦

本紀昭襄王八年使將軍辛戎攻楚取新市齊使章子

魏使公孫喜韓使暴鳶共攻楚方城取唐昧以上本紀呂氏

春秋似順論處方齊令章子將而與韓魏攻荊荆令唐蔑將

而應之章子練卒以夜奄荊人果殺唐蔑以上呂覽史記公

子二字當是章子之誤

秦本紀八年當依表作六年

### 熊氏後漢書年表

建初八年尙書令張敏爲司隸校尉明年遷案敏爲司

隸校尉在和帝永元九年熊氏兩見殊誤

說見諸以敦年表校補三

今審定建初八年司隸校尉當是華松北堂書鈔

六十

御覽

二百五十

引謝承後漢書曰華松擢爲司隸校尉奏馬

氏三侯考范書馬廖傳建初八年有司奏遣馬廖防光

就封有司蓋卽華松華松范書無傳東觀漢記

二十作梁

松梁當作華又藝文類聚

六書鈔

七十

引謝承後漢書

華崧爲河南尹當卽其人

錢氏後漢書補表

此書義例精密證引詳洽誠遠出熊氏補表之上然詳

考諸書則錢表亦不免有漏畧者今條繫之以補於後

功臣表有雍門侯終利恭見元和姓纂

姓纂云漢有雍門侯終利恭下

邳人廣韻引東觀漢記終利恭

吉陽亭侯百里嵩見通志氏族畧

氏族畧云

後漢徐州刺史吉陽亭侯百里嵩陳留人案百里嵩范書無傳謝承書有

陽平亭侯崔烈見

摯虞文章志

世說文章篇注引云烈字威考高陽安平人駟之孫瑗之兄子也靈帝時官至司徒

太尉封陽平亭侯案范書烈傳失載

胡廣孫顥襲爵安樂鄉侯見蔡邕議

郎胡公夫人哀讚

哀讚云孤顥少拜侍中襲先公之爵議郎名寧廣長子范書廣傳失載顥

名樂陽亭侯昱思見無名氏劉鎮南碑

碑云南鄉太守樂陽亭侯昱思

案思當是又廚亭侯趙戒謚文侯見華陽國志戒孫謙

以車騎將軍奉大駕西幸封洛亭侯討白波賊有功封

侯

疑脫卹字

蓋由亭侯進縣侯也今表失載其初封事公卿

表之建初三年廷尉董昆見會稽典錄

原本北堂書鈔政術部引云董

昆字文通餘姚人建初三年遷廷尉持法清峻閉門不發私書

永建六年陽嘉元年太

常孔扶將作大匠胡廣見述征記

御覽禮儀部十三引曰太學在國子學東

二百步學堂裏有太學讚碑記曰建武三十七年立太

學堂永建六年制下府繕治并立諸生房舍千餘間陽

嘉元年畢刊於碑有太尉龐參司徒劉琦太常孔扶將

作大匠胡廣荅記制則是年胡廣爲將作大匠然考范

書胡廣傳自尙書郎五遷尙書僕射或以廣是時官

尙書僕射蓋据陽嘉元年正月立梁王后而云然

四

年將作大匠馬憲見洛陽伽藍記

伽藍記二云陽渠石橋銘曰漢陽嘉四年

將作大匠  
馬憲造

後書劉表傳蒯越等以說劉琮降曹操侯者十五人

三國

志錢表於蒯越韓嵩傳吳外僅云列侯十二人名地俱  
闕考襄陽耆舊傳有蔡瑁爲魏武從事中郎司馬長水  
校尉漢陽亭侯蔡瑁當卽十二人之一

又西鄂都鄉侯呂某熊表本闕錢据隸釋

十九魏橫海將

軍呂君碑增補呂君名字皆刊剝初以國志徐晃傳有

將軍呂常疑闕字卽常字今考之寶刻叢編

三引碑始

知呂君諱朗字義先表僅云呂某錢亦未之詳考耳

褒成侯孔志諡元成侯見東家雜記下



中平三年延尉河南吳整

蔡邕太尉橋公碑故吏司徒博陵崔烈廷尉河南吳整等

考表中平二年三月延尉崔烈爲司徒四年四月爲太尉則吳整爲廷尉當在中平二三年間諸以敦曰吳整

當是代崔烈者

公卿表章帝建初元年大司農恆農劉寬文饒 范書

本傳寬當桓靈時亦未嘗爲大司農當考

鄭康成別傳

玄以永建二年七月戊寅生八九歲能下算乘除

太平廣記二百

五年十一二隨母還家正臘會同列十數人皆美服盛飾

語言閑通玄獨漠然如不及母私督數之乃曰此非我志

不在所願也

後漢書本傳注

少好學書數十三誦五經好天文占

侯風角隱術

世說德  
行篇注

年十六號曰神童民有獻嘉禾者欲

表府文辭鄙畧玄爲改作又著頌一篇侯相高其才爲修

冠禮

太平御覽  
穀部三

年十七在家見大風起詣縣曰某時當有

火災宜祭燿禳廣設禁備時火果起而不果害智者異之

年二十一博極羣書精厯數圖緯之言兼精算術遂去吏

師故兗州刺史弟五玄先就東郡張恭祖受周禮禮記春

秋傳周流博觀每經歷山川及接顏一見皆終身不忘扶

風馬季長以英儒著名玄往從之參考同異季長右戚嫚

於待士玄不得見住左右自起精廬旣因紹介不得通時

涿郡盧子幹爲門人冠首與盧子幹相善季長又不解部

裂七事玄思得五子幹得三季長謂子幹曰吾與汝皆弗

如也季長臨別執玄手曰大道東矣子勉之後遇黨錮隱

居著述凡百餘萬言

德行篇注

任城何休好公羊學遂著公羊

墨守左氏膏肓穀梁廢疾玄乃發墨守鍼膏肓起廢疾

藝文

類聚經典部

休見而歎曰康成入吾室操吾戈以伐我乎

御覽學部

四 大將軍何進辟玄乃縫掖相見玄長八尺餘須眉美秀

姿容甚偉進待以賓禮授以几杖玄多所匡正不用而退

袁紹辟玄及去饒之城東欲玄必醉會者三百餘人皆離

席奉觴自旦及暮玄飲三百餘杯而溫克之容終日無怠

德行篇注

建安元年自徐州還高密道遇黃巾賊數萬人見玄

皆再拜

御覽禮儀部廿一

獻帝在許都徵爲大司農行至元城卒

德行

元卒遺令薄葬自郡守以下嘗受業者衰經赴者千

餘

御覽禮儀部三十四

玄有子爲孔融吏舉孝廉融之被圍往赴爲

賊所害有遺腹子以丁卯日生而玄以丁卯歲生故名曰

小同

魏志高貴鄉公紀注

國相孔文舉教高密縣曰公者人德之正

號不必三事大夫也今鄭君鄉宜曰鄭公鄉

御覽州郡部三

## 宋書

## 州郡志三

鄆州江夏太守灊陽子相晉惠帝世安陸人朱伺爲陶侃  
將求分安陵東界爲此縣 符瑞志 中 晉簡文帝咸安二

年正月甘露降隨郡潏陽縣界則潏陽東晉屬隨郡又  
初學記引續晉陽秋云隋郡上甘露降潏陽縣

林邑傳

檀和之封社縣子食邑四百戶

禮志二 孝建三年八月

戊子有司奏雲杜國解稱國子檀和之所生親王求除  
太夫人云云則社縣子當是雲杜縣子之誤傳脫雲字

又誤杜爲社

南史封雲杜縣子

元凶弒立以檀和之爲西中郎將雅州刺史 州郡志無  
雅州元凶劭傳作雍州是

世祖卽位以爲右衛將軍孝建二年除輔國將軍豫州刺

吏不行復爲右衛散騎常侍三年出爲南兖州刺史坐酣  
飲黷貨迎獄中女子入內免官禁錮其年卒 本紀孝建  
二年四月壬午以豫章太守檀和之爲豫州刺史八月  
甲申以右衛將軍檀和之爲南兖州刺史則和之爲南  
兖州在孝建二年非三年也傳誤又考本紀三年三月  
癸丑以西陽王子尙爲南兖州刺史則和之免官當在  
三年

元凶傳

前右衛率檀和之戍石頭 林邑傳作左衛率

向彌傳



東揚州刺史顏立

立當從南史作竣

劉懷慎傳

始參高祖鎮軍騎將軍事 騎上脫車字

劉懷肅傳

僞征東將軍馮該戍夏口東岸 晉書桓元傳作鎮東臨

川武烈王傳作鎮軍

孟山圖據曾山城 道規傳揚武將軍孟山圖據魯城

桓仙客守月壘 道規傳作偃月壘此脫偃字

王懿傳

寧朔將軍劉遵考 本傳自建威將軍隨高祖北伐此云

盜朔不合

檀祇傳

左將軍歆第二弟 歆當作韶

加振武將軍隸振武大將軍道規追討桓元 道規傳時  
爲振武將軍無大字疑上振武將軍字有誤

使持節雍梁南北秦四州荊州之河北諸軍事後將軍雍  
州刺史關中侯趙倫之 河北疑沔北之誤關中當從本  
傳作關中

朱齡石傳

河間太守蒯恩 袁豹傳同蒯恩傳晉書譙縱傳俱作蘭

陵

靈朔將軍臧熹 袁豹傳作龍驤案下文亦作龍驤

劉鍾傳

徐赤軍違處分敗於南岸 赤軍當從本紀作赤特

封安縣五等侯 据南史安下脫上字

前軍將軍道憐留鎮東府 前軍當從道憐傳作中軍

長沙景王道憐傳

故將軍青州刺史龍陽縣開國侯鎮惡 据本傳將軍上

脫左字

臨川烈武王道規傳

劉遵字慧明臨淮海西人 南史作淮南誤

率寧孟龍驤將軍孔隆及羊穆之等追索度眞斛斯蘭

寧孟當是寧遠將軍孟龍符傳誤脫五字耳然据龍符傳時已除建威將軍非寧遠也斛斯蘭龍符傳作斛蘭使持節散騎常侍都督江州豫州西陽新蔡晉熙四郡軍事征南大將軍開府儀同三司江州刺史永修縣開國公道濟 江州下脫荆州江夏四字道濟傳作江州之江夏

亦脫荆州二字

見考異

營浦侯遵考傳

以本號爲彭城沛三郡太守 三疑二

出爲使持節督雍梁南北秦四州荊州之南竟陵順陽襄陽新野隨六郡諸軍征虜將軍寧蠻校尉雍州刺史襄陽新野二郡太守 南下脫陽字

庾悅傳

祖義吳國內史父淮西中郎將豫州刺史 義晉書作義淮當作準

袁豹傳

輔國將軍索綽 通鑑義熙九年以敦煌索邈爲梁州刺史卽是

孔琳之傳

父殿光祿大夫

晉書孔沉傳子厥吳興太守廷尉厥子

琳之殿字誤

范泰傳

與右僕射袁湛授宋公九錫 本紀作左僕射

臧熹傳

隨何無忌府轉鎮南將軍 將軍當作參軍

魯爽傳

督司州陳留東郡濟陰濮陽五郡諸軍事征虜將軍司州刺史至汝南加督豫州之義陽宋安二郡軍領義陽內史將軍刺史如故北鎮義陽元嘉二十八年也 州郡志元



嘉末僑立司州於汝南尋亦省廢明帝復於南豫州之  
義陽郡立司州據此傳則文帝時司州已嘗僑治義陽  
特明帝已後遂爲治所耳司州旣已僑治例必加督他  
州之實郡司州下當脫口州二字又五郡實止四郡考  
陳留東郡濮陽三郡志屬兖州濟陰志屬徐州上口州二字未知  
卽豫州否又司州僑治汝南則汝南當在所督郡內疑  
陳留上脫豫州之汝南五字又州郡志宋安縣孝武大  
明八年省義陽郡所統東隨二左郡立爲宋安縣屬義  
陽明帝立爲郡後省據此則文帝已有宋安郡矣

沈田子傳

十一年復從討司馬休之領別軍與征虜將軍趙倫之參  
征虜軍事振威將軍扶風太守 倫之下有脫文

### 索虜傳

毛德祖滎陽南武陽人也 晉書毛寶傳滎陽陽武人徐

督司州之河東平陽河北雍州之京兆豫州之潁川兖  
州之陳留九郡軍事滎陽太守將軍如故 今數之只

六郡

晉書德祖傳  
督九郡軍事

### 北齊書

### 張保洛傳

尉擣代人也大寧初封海昌王子相貴嗣 元和姓纂司

空長樂公尉遲長命生破侯相貴破侯北齊尙書令周

汴州刺史黃源公相貴左僕射海昌王則相貴是長命

子非標子也案長命傳云太安狄那人

太安郡地形志屬朔州此云代

人統言

卒于幽州刺史贈本官加司空諡曰武壯子興

敬

北史長命傳作興字敬與錢云恭連猛傳作興慶齊書作興敬蓋避齊廟諱此作敬興轉寫誤倒耳

無

破侯相貴名則尉標別是一人姓纂似誤合爲一考金

石錄北齊廣業王大安樂寺碑跋尾云廣業者王尉葛

命之子破侯也碑云魏末離亂葛命嘗營護此寺其後

破侯與其弟興敬復加營葺故立此碑破侯嘗仕爲中

書令尙書左僕射尙書令錄尙書事封廣業王官甚顯

而史無傳

以上俱金石錄

据此則標與長命當卽一人無疑標

蓋長命之名也北史又云標太寧初位司徒考世祖本紀亦無尉標拜司徒之事蓋卽長命贈官唯司徒與司空小有不合耳長命封長樂公破侯在周時所歷官爵史皆未及此及北史分尉標長命爲二殆未悟標之卽長命歟

舊唐書

憲宗紀

永貞元年九月丁丑前戶部侍郎蔡弁卒

舊儒學傳蘇

弁貞元二十一年卒於家

文宗紀

太和八年十月祕書監崔威卒 据舊書文苑傳當作咸

開成四年七月以刑部侍郎高鐔爲河南尹 傳作高銖

是

德宗紀

建中元年二月右補闕柳冕巴州司戶 案冕當作冕新

書柳冕傳歷右補闕史館修撰坐善劉晏貶巴州司戶

參軍

貞元十四年九月乙卯以同州刺史崔宗爲陝州長史陝

虢觀察轉運使

會要

七十

贈陝州大都督崔宗諡成案

宗當作淙新書宰相世系表二博陵二房崔氏嚬子淙

字君濟同州刺史又呂衡州文集

五

贈陝州大都督博

陵崔公

淙

行狀陸宣公集

四

優卹畿內百姓并除十縣

令詔崔淙可華原縣令兼御史可證舊紀作宗之誤

貞元十六年八月癸酉以河中尹王

元空

爲潭州刺史湖

南觀察使

案王字下有脫文新書方鎮表貞元十六年

復置河中節度使是時杜確鎮河中當是書杜確由觀

察改節度王字疑誤

肅宗紀

天寶十五載裴冕新授御史大史

舊傳中丞是

乾元二年貶東京留守號王巨以陝州刺史苛政也 舊

傳作遂州

乾元三年太子賓客平章事張鎰爲左散騎常侍 平章

事三字衍

代宗紀

大歷七年二月甲寅以兵部侍郎李涵爲蘇州刺史兼御史中丞充浙西觀察使 傳云六年正月誤中丞作大夫

大歷八年

二十頁廿五行

甲子御史大夫李栖筠彈吏部侍郎

徐

下接廿一頁十五行

浩薛邕違格并停知選事云云

至廿二頁五行

戊

子詔

止

戊子詔

接廿頁廿六行

京五品以上云云

至廿一頁十五行

丁



卯幽州

止

丁卯幽州

接廿二頁五行

節度朱泚云云

校正錯簡如右

合鈔本次序與此相同惟移丁卯幽州節度朱泚加檢校戶部尚書封懷安郡王廿字於徐浩薛邕云云上以致文理不接案舊朱泚傳大厯九年就加檢校戶部尚書賜實封百戶可証非在八年也

盧齊卿傳

雍州長史薛季旭

新傳會要作季昶是

潘好禮傳

左遷温州別駕卒

新傳同會要

三

開元十二年爲温州

刺史致仕

李建傳

德宗用爲右拾遺 新書壁記俱作左

鄭處誨傳

處誨族父朗爲定州節度使時處誨爲工部侍郎明年

中大

十一年朗自定州鎮宣武明年

大中年二年

處誨轉刑部侍郎其

年秋授浙東觀察使後五年朗卒處誨繼爲汴州節度使

案嘉泰會稽志

二

鄭處誨大中十二年七月自刑部侍

郎授浙東觀察使

題名記太子賓客疑涉鄭祗德而誤

而鄭朗卒于大中

十一年十月

據舊傳

年月不合考舊宣宗紀大中九年三

月以吏部侍郎鄭涯爲義武軍節度十一年八月義武

軍節度使鄭涯爲宣武軍節度使時正相同則傳中朗字俱當作涯字涯以咸通二年十一月自山南東道節度使加同平章事

見通鑑

或處誨詩中稱涯爲丞相史臣

因誤以爲朗爾

又案傳云後五年朗卒則涯之沒當

在咸通四年間

世系表涯澤州刺史利用子處誨興元節度使澣子俱出北祖房正是族父行

### 王正雅傳

宋申錫事起正雅與京兆尹崔綰上疏請出造事者付外

考驗 綰當作瑄

### 杜審權傳

大中十一年正拜禮部侍郎其年冬出爲陝州大都督府

長史陝虢都團練觀察使加檢校戶部尚書河中尹河中

晉絳節度使懿宗卽位召拜吏部尚書三

沈云三字誤

以本官

同平章事

新傳宣宗時入翰林爲學士累遷兵部侍郎學士承旨懿宗立進同中書門下平章事與舊傳

不同

考舊宣宗紀大中十一年九月以中散大夫禮部侍

郎上柱國賜紫金魚袋杜審權爲陝州長史兼御史大

夫陝虢都防禦觀察處置等使十三年春正月以陝

虢觀察使杜審權爲戶部侍郎判戶部事懿宗紀大

中十三年十二月以戶部侍郎翰林學士杜審權檢校

禮部尚書河中晉絳節度等使咸通元年二月以河中

節度使杜審權爲兵部侍郎判度支尋以本官同中書

門下平章事

舊傳同

新紀大中十三年十二月甲申翰林

學士承旨兵部侍郎杜審權同中書門下平章事

宰相表同

又考重修承旨學士壁記杜審權大中十二年

有脫字

自

刑部侍郎充其月二十八日轉戶部侍郎知制誥承旨

十三年八月二十九日加通議大夫兵部侍郎知制誥

依前充承旨其年十二月三日守本官同平章事

與新書正

合

案懿宗授杜審權平章事制結銜稱翰林學士承旨

通議大夫守尙書兵部侍郎知制誥上柱國賜紫金魚

袋制畧云甘棠廉問眾著謳謠秋卿恤刑事無枉撓先

皇帝藉其令譽擢處禁林逮余建統屢承密旨每多宏

益彌見愼修旣彰已試之能宜懋殊常之寵又授杜審  
權鎮海軍節度使制紹蔽芾於謳謠盡削成於法理先  
皇帝知其可用召入內庭果能新耳目之見聞備肺腑  
之待遇朕初登寶位素挹嘉猷遽行制書首列台席並大  
詔令其於審權踐歷敘述甚詳則杜自禮侍拜陝號自陝  
號爲刑侍遂入翰林充承旨因卽入相初無鎮河中之  
文舊書紀傳俱誤新傳亦失載陝號一節

劉瞻傳

咸通初升朝累遷太常博士劉瑑作相以宗人遇之薦爲  
翰林學士轉員外郎卽中正拜中書舍人戶部侍郎承旨

出爲太原尹河東節度使入拜京兆尹復爲戶部侍郎翰林學士十年以本官同平章事加中書侍郎兼刑部尙書集賢殿大學士 新傳累遷太常博士劉瑑執政薦爲翰林學士拜中書舍人進承旨出爲河東節度使咸通十一年以中書侍郎同中書門下平章事與舊傳合考重修承旨學士壁記劉瞻咸通六年十月八日自太常博士入其月二十六日加工部員外郎依前充七年三月九日授太常少尹出院又咸通八年十一月二十二日自潁州刺史不赴任再入召對其月二十六日三殿召對賜紫九年五月二十六日拜中書舍人依前充九月



十二日遷戶部侍郎知制誥承旨十月十七日以本官  
同中書門下平章事則瞻止出爲太原少尹無拜太原  
尹河東節度之文與兩傳不同考北夢瑣言三劉瞻授  
河中少尹有命徵入以水部員外知制誥相次入翰林  
以至大拜與壁記大致畧同資治通鑑考異二十引玉  
泉子聞見錄劉瞻爲太原亞尹鄭從讜爲節度使据舊  
紀從讜節度河東在咸通七年三月壁記瞻授少尹正  
是同時可證非誤吳鎮糾謬九疑瞻無爲河東節度使  
一節雖未考之舊書有入拜京兆尹戶部侍郎翰林學  
士一節因疑紀表與傳不合然瞻未鎮河東壁記年月

甚明實足爲證惟壁記瞻相在咸通九年十月十七日則字有脫誤新紀宰相表瞻入相在咸通十年六月癸卯按長曆十年六丁亥朔十七日正是癸卯壁記當作十年六月脫二字耳舊鄭畋傳咸通中令狐綯出鎮劉瞻鎮北門辟爲從事下又有五年云云如果劉瞻鎮太原則當在五年之前然据懿記鎮河東者大中十三年爲裴休咸通元至四爲盧簡求四年爲劉潼不應又有劉瞻或疑是劉潼之誤因下文有劉瞻作相云云因亦誤作瞻耳

# 楊涉傳

乾符四年自刑部侍郎改吏部侍郎 紀作乾寧是

新唐書

宰相世系表

豆盧氏本姓慕容氏燕王皝弟西平王運生尚書令臨澤  
敬侯制制生右衛將軍北地愍王精降後魏北人謂歸義  
爲豆盧因賜以爲氏居昌黎棘城二子醜勝醜孫萇萇子  
永恩勝子魯元 案庾信豆盧永恩神道碑云本姓慕容  
燕文帝皝之後又慕容甯碑永恩之兄云公皝之苗裔考北  
史僭僞傳運孫爲慕容永非慕容精也此云運孫其誤  
一又魏收魏書盧魯元傳云曾祖副鳩仕慕容垂爲尚

書令臨澤公表既脫去鳩字又誤副爲制易公爲侯名

既不同爵亦互易其誤二又元和姓纂

五十侯

通志

氏族畧五

皆云北地王精之後入後魏道武賜姓豆盧氏

北史豆盧甯傳

隋書豆盧勣傳同

北史又云高祖勝以燕王始初歸魏授長樂

郡守賜姓豆盧氏

周書同

或云北人謂歸義爲豆盧因氏

焉又云避難改焉未詳孰是案通鑑

晉紀三十一安皇帝甲

隆安

元年三月辛亥夜趙王麟以兵劫左衛將軍北地王精

使帥禁兵弑慕容寶精以義拒之麟怒殺精則精無降

魏之事當依諸書以爲精後爲是表云精降後魏其誤

三又永恩碑云自天市星妖連津兵覆尙書府君改姓

豆盧筮仕於魏甯碑云曾祖尙書府君因魏室之難改  
爲豆盧氏据碑則當以爲避難改姓者爲是表云北人  
謂歸義爲豆盧則與魏以忠貞爲賀若之義畧同何以  
孝文改姓時一改姓盧一仍舊姓乎此以知表所云者  
不足信也又周書北史甯傳皆云寧高祖勝元和姓纂  
云北地王精生猶醜表無猶字猶醜曾孫萇萇寧永恩之父表云醜  
孫萇說亦不合其誤四又永恩碑云祖代左右將軍魏  
文皇帝直寢甯碑云祖仕魏文成皇帝此疑脫成字父長少以雄畧知名  
不幸早世周書萇梁元鎮將表失書代一世又以長爲萇北史隋書  
亦作萇其誤五凡此數科皆吳縝糾繆所未及然据慕容

甯碑知諸書以爲北地王精之後者亦未可深信案甯  
碑云高祖侍中使持節都督中外諸軍事太保錄尚書  
北地王慕容超之世蕃屏王室詳之燕錄可得稱焉考  
晉書慕容超載記超以慕容鍾都督中外諸軍事錄尚  
書事與碑正合鍾封北地王見通鑑晉紀隆安五年据  
碑則豆盧氏當是鍾後非精後也魏書太祖紀登國十  
年有北地王世子鍾  
葵疑是  
精子近人注庾集者或以爲北地當作北海或以爲  
卽桂陽王鎮誤更甚矣然載記又云鍾奔姚興拜始平  
太守歸義侯不云奔魏疑鍾奔魏當在晉滅姚秦之時  
但史失載耳北史周書又云勝以燕皇始初歸魏案古

以皇始紀元者唯符秦高祖及後魏太祖二君慕容諸  
帝無有年號皇始者燕字疑是魏字之訛皇始初年正  
道武定中山之時也隋書豆盧勣傳北地王精後中山敗歸魏又金石錄二  
七唐駙馬都尉豆盧建碑云九世祖萇在魏賜姓豆盧  
氏封北地王据表則萇是建七世祖非九世祖疑碑誤  
萇封北地王史亦失載

永恩 恩碑云恩字永恩

承業領軍將軍 舊書豆盧欽望傳父仁業高宗時爲左

衛將軍金石錄

四目

有唐右衛將軍豆盧承基墓誌

永徽元年

二月京兆金石錄及萬年宮銘碑亦作承基表作承業舊



傳作仁業並避玄宗諱改唐會要載昭陵陪葬人名有仁業又有承基亦謬領軍舊傳作左衛墓誌作右衛未詳孰是寶刻叢編六有大將軍芮國公豆盧行業碑疑是寬子卽承基

靈昭宣州刺史

欽望子

姓纂云欽肅生靈昭

欽肅弟

欽爽光祿少卿

姓纂作欽爽

器桑泉令

參右衛將軍

回京兆少尹

友萬年令

俱靈

昭子

姓纂云靈昭生參回器友右衛作右威衛

貞松宗正卿中山公

寶刻叢編有唐金州刺史盧貞松

碑疑卽此人也

建駙馬都尉 錢少詹曰唐會要作達建平主婿不當名  
建恐當以達爲正按金石錄通志金石畧載建碑皆作  
建錢說未確

方則

子

元儼

孫

至靜

姓纂云方則生楷楷生元儼此脫

楷一代至靜作志靜

魯元後魏太保襄城公

魏書北史作盧魯元不云豆盧

沈炳震訂譌極詆此表之謬錢少詹以爲豆盧單稱盧

氏當是孝文遷洛時所改字文泰復代北舊姓故豆盧

寧仍稱本氏案舊書豆盧欽望傳祖寬高祖以寬曾祖

萇魏太和中例稱單姓至是改寬爲盧氏後又復姓爲

豆盧氏則豆盧改姓史有明文惟魏書官氏志失載耳

子騫監察御史

陸渾

別行高子騫五格

姓纂云子騫生陸渾

與表不合

讓

中空一格

挹

子鄭麟

姓纂云讓曾孫挹鄭麟作鄭廊

順

別行與子讓字並靜

姓纂云鄭生靜

襄陽杜氏陝州司倉參軍參謀子淪水部郎中澧州刺史

元和姓纂淪作倫是韓愈贈太傅董公行狀貞元十二

年八月上命杜倫自前殿中侍御史爲檢校工部員外

郎宣武軍節度判官

昌黎先生集三十七

南祖崔氏宣宗相慎由

長子

昌遐字貽休太子賓客

次子盾字

垂休相昭宗 舊傳肩字昌遐則是肩字非兄新書姦

臣列傳下則字垂休與表合然傳又云世言慎由晚無

子遇異浮屠以術求乃生肩云云沈炳震据此疑肩無

兄似是表誤案文苑英華

三百九十九

薛廷珪授峽州刺史

崔昌遐祕書監制畧云昔以令季作鎮衡湘願分使符

出守荆楚輟自祕府委之夷陵二天方惠於疲人三入

復蘇於旱歲亟陳章表牢執撝謙以爲手足秉鈞固絕

饑寒之患簪纓委地宜均休戚之懷且惜分飛懼妨賢

路云云考宰相表肩罷相鎮武安在乾寧三年七月復

相在是年九月据制云云蓋肩旣罷相昌遐自祕書監

出刺峽州盾復相後昌遐復自峽州入爲秘書監也据  
此則昌遐是盾兄非字明矣至浮屠之說見北夢瑣言  
四僅云崔慎猷廉察浙西術士言有貴子及誕允日卽  
瓦棺寺僧一說云是終南山僧以上亦不云晚無子也  
惟南部新書丁崔慎由鎮西川四十無子終南翠微寺  
僧卒遂生盾與傳頗合然慎由未嘗鎮西川小說傳聞  
本不足據

### 宗室世系表

小鄭王房憲宗相夷簡子匡文不詳歷官 案袁本讀書  
志作匡父以字形相涉而訛提要因之諸書亦有作父

者當以作匡文爲是舊書禮儀志五中和元年夏四月

有司請享太祖以下十一室於成都府詔公卿議其儀

太子賓客李匡父等建議同異唐會要十六同郡齋讀書志三

資暇三卷右唐李匡文濟翁撰序稱世俗之談類多訛

誤雖有見聞嘿不敢證故著此書直齋書錄解題十資

暇集三卷唐李匡文濟翁撰陸游跋作匡文王楙野客叢書作李正文新書

藝文志李匡文兩漢至唐年紀一卷昭宗時宗正少卿又李匡

文天演源派譜一卷唐偕日譜一卷玉牒行樓一卷皇

孫郡王譜一卷元和縣主譜一卷家譜一卷又李匡文

資暇三卷書錄解題八李氏房從譜一卷唐洛陽主簿

李匡文撰時爲圖譜官又聖唐偕日譜一卷前賀州刺史李匡文撰序言前守職圖籍日撰天演源派譜統務在省畧直取相承一葉旁附首分諸房今特從聖唐以來列聖下諸王

### 李景讓傳

大中年進御史大夫爲大夫三月蔣伸輔政景讓名素出伸右愧艱不能平見宰相自陳考深當代卽拜西川節度使案蔣伸輔政新紀在大中十二年十二月

宰相表同

景讓

鎮西川在十二年七月十四日

見東觀奏記下

前伸相六月傳

誤

北夢瑣言

五

蔣伸相登庸李景遜尙書西川覽報



狀而歎曰不能伏事斯人也遽託疾離鎮可証伸相在  
景讓出鎮之後

資治通鑑

晉紀二 咸寧四年前司隸校尉傅玄卒 考異曰玄傳曰五

年遷太僕轉司隸景獻皇后崩坐爭位罵尚書免尋卒  
按景獻后崩在四年玄傳誤也格案玄爲太僕在泰始

五年見樂志上景獻后崩於咸寧四年相距十年考異誤認

爲咸寧五年故反以玄傳爲誤

隆安三年殺樂浪威王宙 二年有樂浪王惠奔鄴此

樂浪疑章武之誤

載記亦作樂浪

咸安元年秦以吐谷渾王辟奚爲安遠將軍澠川侯

據載記此楊纂官非辟奚也

咸安元年淮南太守桓伊伊宣之子 案伊桓景子非

宣子也

晉紀 太康四年左僕射下邳王晃亦從駁議 左僕射下

疑脫魏舒右僕射五字帝紀可証

晉紀 太康七年春正月甲寅朔日有食之魏舒稱疾固請

遜位以劇陽子罷 考異曰舒遜位紀傳皆無年月本傳

曰以災異遜位帝不聽後因正旦朝罷還第表送章綬  
按本傳又曰遜位之際人莫知者若今年正旦日食遜

位至它年正旦乃送張綬不得云人無知者蓋止因今者正旦朝罷遂以災異遜位不復起耳格案藝文類聚四十王隱晉書曰魏舒爲司徒九年正月朝會罷還

家奉送張綬

御覽引晉書同

則遜位當在九年通鑑誤也又案

代舒者帝紀亦無明文今考當是石鑒晉書鑒傳曰遷右光祿大夫開府領司徒太康末拜司空又帝紀曰太熙元年正月己巳以尙書左僕射王渾爲司徒三月甲子以右光祿大夫石鑑爲司空蓋舒罷後二年方始真除王渾爾

晉紀 永寧元年十二月潁昌康公何邵薨 劭嗣封朗陵

公非潁昌此誤

晉紀 太原二十年十二月燕建興十年燕以陽城王蘭汗

爲北中郎將代長樂公盛鎮薊 二十一年十一月章武

王宙自龍城還聞有魏寇馳入薊與鎮北將軍陽城王

蘭乘城固守蘭垂之從弟也格案蘭汗燕王垂之舅封

頓丘王非陽城汗字衍

隋紀 開皇十七年虞慶則還至潭州臨桂嶺 胡注慶則

傳作潭州臨桂嶺格案今本慶則傳注嶺當作鎮 陳氏舉正

云兩潭字  
有一誤非

唐紀

開元六年三月乙巳徵嵩山處士盧鴻入見 考異

云舊傳作盧鴻一本紀新傳皆作鴻按中岳真人劉君

碑云盧鴻撰今從之格案困學紀聞載葉石林盧鴻一

草堂圖序并引南齊張融語人自楚越鴻常一耳以證

謂鴻一之義取此而閣潛邱箋注引歷代名畫記盧鴻

讀一名浩然則盧實祇名鴻又大唐新語十元宗徵嵩

山隱士盧鴻酉陽雜俎五時有盧鴻者道高學富隱於

嵩山普寂因請鴻爲文讚歎其會後鴻字凡五見太平

九十二同明雲烟過眼錄載盧鴻草堂十志金石錄目

錄五第九百七十六唐普寂禪師碑盧鴻撰并八分書

開元十二年正月寶刻類編三龍華殿心經盧鴻八分

書李參元題記附

洛

大辯禪師碑盧鴻八分書

上同俱作

盧鴻無一字蓋鴻一名浩然當以歷代名畫記爲正舊傳改名爲字失刪一字因於傳內亦作鴻一耳

唐紀

開元八年正月丙辰褚无量卒 考異曰舊本紀正

月甲子朔皇太子加元服壬申右散騎常侍褚无量卒

按長祿正月甲寅朔甲子十一日也唐祿亦云壬申无

量卒今從實錄格案蘇頲贈禮部尙書褚公神道碑開

元庚申歲正月哉生魄薨

文苑英華八  
百九十六

則實錄是也

唐紀

開元二十三年正月李過折檢校松漠州都督 考

異曰實錄云同幽州節度副大使舊傳云授特進檢校  
松漠州都督按過折雖有功唐未必肯使爲幽州節度  
使今從舊傳格案唐書百官志節度使副大使知節度  
事副使各一人同節度副使十人或以刺史或以軍使  
或以兵馬使或以蕃將兼充故員有十人過折時以都  
督同節度副大使未嘗正授節度使非如知節度事之  
副大使及留後之比也

唐大詔令封李過折北平郡王  
制亦云同幽州節度副大使是

年幽州節度

使乃張守珪

唐紀

昭宗景福元年二月朱全忠奏貶河陽節度使趙克  
裕以佑國節度使張全義兼河陽節度使 考異曰實

錄在正月末云全忠欲全義得河陽乃奏克裕有誣謗

之言而貶新紀云已未朱全忠陷孟州逐河陽節度使

趙克裕今從編遺錄格案舊五代史

唐書武  
皇紀上

大順二年

八月南巡澤潞略地懷孟河陽趙克裕望風送款請修

鄰好則全忠之奏貶克裕以其貳於克用故耳胡注僅

云二鎮時皆屬朱全忠或貶或兼惟其所奏尙未得其

事實也又

梁書  
十五

趙克裕傳自毫鄭二州刺史太祖表爲

河陽節度使檢校右僕射尋移理許田

考證云克裕移  
理許田是書未

明言其故據通鑑則克裕移鎮

因梁祖欲以張全義領河陽也

考是時忠武節度徙治

陳州許州時爲支郡克裕當自河陽節度使貶許州刺



史非移鎮也舊傳當據克裕狀誌之文僅云移理而已

唐紀二 十一 天冊萬歲元年正月韋巨源貶麟州刺史 考異

曰舊紀傳新紀表傳皆作鄜州 案舊書豆盧欽望傳亦作鄜州 統記作

瀛州實錄唐麻作麟州令從之音注曰貞觀五年置麟

州以處生羌屬松州都督府案舊書地理志麟州係羈

縻二十五州之一貞觀五年置西麟州處生羌歸附八

年去西字又云永徽之後生羌相繼忽叛屢有廢置儀

鳳二年復加整比羈縻三十八州已無麟州之名巨源

罷相不應遠刺是州疑當以鄜州爲是

讀書雜識卷一 終

勞檢丁士諤校字

讀書雜識卷第二

仁和勞格著

歸安丁寶書述

漢禮器制度

祝狀如漆筩中有椎將作樂先擊之鼗如小鼓長柄旁有

耳搖之使自擊

禮記王制正義

壺大一石瓦甒五斗

禮記禮器注正義漢禮器制度文

禁如今方案隋長局足高三寸

禮記禮器注正義按漢禮器制度而知

璧罍垂五采羽於其下樹於簋之角上

明堂位注正義按漢禮器制度而知

籥如笛三孔

少儀注正義案漢禮器知之

春牘以竹大五六寸長七尺短者一二尺其端有兩空髹  
畫以兩手築地應長六尺五寸其中有椎雅狀如漆筭而  
弇口大二圍長五尺六寸以羊韋輓之有兩紐疏畫

周禮  
笙師

注疏云此皆約漢法知之而言禮樂記正義引雅狀以下云並以漢時制度而知

池以竹爲之如小車笊衣以青布

禮記喪服大記注正義以漢之制度而知

以銅爲魚縣於池下

喪大記注正義參漢之制度而知

平津館校集本多所漏畧甲午春讀禮記正義得八條

皆孫本所未載者

### 論語鄭注

論語子曰誦詩三百授之以政不達便於四方不能專對

雖多亦奚以爲鄭玄注曰誦習此道不能施用雖多亦何  
以爲也

原本北堂書  
鈔政術部

此注王輯本宋翔鳳輯本俱失采

### 荀子十二卷

荀子卷末劉向敘前有荀卿新書十二卷三十二篇一行  
盧校云案宋本新書下有十二卷三字或疑是三十卷  
皆非也但作三十二篇爲是格案隋志十二卷新唐書  
藝文志兩部子錄  
儒家類荀卿子十二卷又楊倞注荀子二十  
卷楊倞序以文字繁多故分舊十二卷三十二篇爲二  
十卷又改孫卿新書爲荀卿子蓋十二卷是劉向本原  
第不可刪去校語謬甚

淮南子

許高二注

衢本郡齋讀書志淮南子二十一卷慎白名注曰記上今  
存原道俶真天文時側覽宜精神本經主術繆稱齊俗道  
應汜論詮言巨畧說山說林等十七篇季氏書目亦云第  
七第十九亡崇文目則云存者十八篇蓋季氏亡二篇崇  
文亡三篇家本又少其一俟求善本是正之袁本云慎標其首皆曰問  
詰諱作次曰淮南鴻烈自名注曰記上第七十九闕直齋書錄解題淮南鴻烈解  
二十一卷後漢太尉許慎叔重注案唐志又有高誘注今  
本旣題許慎記上而詳序文則是高誘不可曉也

蘇頌校淮南子題序云今校崇文舊書與蜀印本暨臣

某家書凡七部並題曰淮南子注許高相參不復可辨  
惟集賢本卷末有前賢題載云許標其首皆是問詁鴻  
烈之下謂之記上高題卷首皆謂之鴻烈解經解經之  
下曰高氏注每篇之下皆曰訓又分數篇爲上下以此  
爲異崇文總目亦云如此又謂高注更詳于許氏本書  
文句亦有小異然今此七本皆有高氏訓敘題卷仍各  
不同或於解經下云許慎記上或于問詁上云高氏或  
但云鴻烈解或不言高氏注或以人間篇爲第七或以  
精神篇爲第十八參差不齊非復昔時之體臣某據文  
推次頗見端緒高注篇名皆有故曰因以題篇之語其

間奇字並載音讀許於篇下粗論大意卷內或有假借用字以周爲舟以楯爲循以而爲如以恬爲悵如此非一又其詳畧不同誠如總目之說互相考正去其重複共得高注十三篇許注十八篇又案高氏敘典農中郎將下揖借八卷會揖喪遂亡後復補足今所闕八卷得非後補者失其定著外所闕卷但載淮南本書仍於篇下題目注云令今亡許注仍不敘錄並以黃紙繕寫藏之館閣云云格案今道藏本題許慎記與陳氏所見本正同据蘇序高注篇名皆有因以題篇之語訂正今本知高注僅存十三篇其謬稱齊俗道應詮言兵畧人間

泰族要畧八篇注皆無是句又注文簡約與高注頗殊  
與諸書所引許注相合當是許注無疑較晁本少原道  
俶真天文時側覽宜精神本經主術汜論說山說林十  
一篇多人間泰族要畧三篇 高注十三篇不與本作  
十三卷僅据見存殘本而言耳又蘇頌校本於高注所  
闕卷但載本書許注仍不敘錄今本以許注補高本之  
闕者蓋別是一本也

抱朴子缺文

內篇九  
道意

以捕麀

而得者其主未覺有行人見之因竊取麀

而去 原本脫十六字舊校云麀下有脫文風俗通怪



神篇事同文異難用相補姑闕以仍其舊今據太平廣

記補

傅子

嚴可均輯本

樂廣爲河南尹郡中廳前多怪疾後人皆於廊下督郵傳  
中治事無敢在廳事者唯廣處之白日戶自閉二子凱橫  
等懾佈廣使掘墻孔得狸乃絕

藝文類聚六白孔六帖七十六

案御覽

二百五十  
二職官部

引此作王隱晉書正同少有異字耳此事晉

書樂廣傳亦載考廣爲河南尹在惠帝朝休奕卒於咸

寧四年

見資治通鑑

事在傳後類聚六帖俱誤引

魏文帝典論

嚴輯本

姦讒

江充焚豐以負罪而造蠱

羣書治要

案焚豐當作樊

豐後漢書孝順帝紀延光三年中常侍樊豐等構陷太子廢爲濟陰王又載見安思閭皇后紀

汝南許邵與族兄靖俱避地江東保吳郡爭論於太守許

貢坐至於手足相及

御覽四百九十六

案三國志

吳書張昭傳注

引典

畧一條審定是典論之誤

仲長子昌言

嚴輯本

昔趙綰

嚴云舊有白字今刪

不奏事於太后而受不測之罪

羣書治要

漢書竇嬰傳御史大夫趙綰請毋奏事東宮竇太后大

怒曰此欲復爲新垣平耶迺罷逐趙綰王臧而免丞相

嬰太尉蚡昌言所云卽指此也趙綰下白字當有案語  
嚴氏未詳考耳

陸景典語

嚴輯本

孤將興水軍一萬從風舉帆朝發海島暮至沓渚

御覽七百七十

漢書地理志

下

遼東郡沓氏縣應邵曰氏水也音長答

反師古曰凡言氏者皆謂因之而立名吳志陸瑁傳孫  
權欲親征公孫淵瑁上疏諫曰沓渚去淵道里尙遠今  
到其岸兵勢三分云云典語所載疑卽權欲親征時詔  
也胡三省通鑑音注曰沓氏西南臨海渚全祖望云泛  
海至遼沓渚其登涉之所也

袁準正書

嚴輯本

袁子正書曰車

當從後漢書作申

屠剛諫光武以頭軻輪馬不得

前子云光武近出未有得失而頭軻輪此之謂也

御覽七百七十

三車部二

此之句上當有脫文下引又曰輻車卽輦一條審

定是宋書禮志

五

文宋志多襲用傅子文御覽中有脫

簡故誤合於正書耳

袁子正論

嚴輯本

太祖破呂布袁渙在軍中陳羣父子見上拜惟袁渙獨高

揖不爲禮上嚴敬之

御覽五百四十三

案三國志袁渙傳注引

袁氏世紀與御覽同而更詳疑是正論中篇名與家傳

相類

書稱欽哉惟刑之恤又曰宥過無大刑無小此前王明德慎罰之意也昔漢文感緹縈之孝遂去肉刑近則太宗視明堂之圖欲寬背罰于公以陰德救物袁安恥織鞫罪人此前代聖主賢臣欽恤之志也

御覽六百三十  
六引君臣政論

正論末

有此條嚴云君臣疑是袁子之誤案此非正論太宗乃

唐太宗也唐書藝文志

內部子錄  
儒家類

楊相如君臣政理論

三卷疑卽是書危素說學齋稿有君臣政要序略云至正元年九月皇帝御東宣文閣出君臣政要三卷譯而成書以突厥字書之則元時尙有傳本

北堂書鈔

嚴可均校本一百三十九至一百五十五卷已刻

車部一

車惣載篇一

東觀漢記曰屏泥刺欸欸倍乘

范書劉

玄傳注續書刺殺其驂乘此欸疑殺字下欸字衍

謝承后漢書曰峻字伯師下邳徐人也後漢書順帝

紀漢安元年十一月壬午司隸校尉趙峻爲太尉注峻

字伯師下邳徐人也與此正合峻上當缺趙字

自稱益州牧以討恃維分爪牙嚴云此十二字影宋

本連屬上條魏志誤格案華陽國志七劉後主志鍾會

姜維則出同車坐同席將至成都自稱益州牧以叛恃

維爲爪牙

廖本脫自字又脫爲字爪牙作牙爪今從各本

書鈔疑卽引此但上

有說耳討疑叛分疑爲三國志姜維傳與華陽國志  
略同無恃維爲爪牙五字

及葬給節幢麾曲蓋追鋒車鼓吹介士大車皆如魏司  
空陳泰故事 嚴云此二十六字影宋本連屬上條誤  
脫書名人名格案文義當在下葉王隱晉書司徒石苞  
薨賜祕器朝服下蓋誤倒半葉耳今晉書石苞傳載苞  
葬事與此正同疑此引十八家晉書石苞傳文

魏收后魏書曰高光年老高祖悅之 光允字之誤魏  
書有高允傳

天部三

風十

劉歆期交州記

歆期當作欣期

天部四

雪十

汜勝之書云因摩之雜穀種如表飯狀

嚴

云藝文類聚二初學記二御覽十二事類賦三無如表

飯狀句格案齊民要術引汜勝之書作麥飯是也

歲時部一

惣篇

四時代謝

河元  
幹詩

嚴云此疑劉公幹或徐

幹之誤陳禹謨改作何元幹格案下篇

元正  
十一

元正大饗

何元朝  
許都賦

審定是何元幹之誤御覽

五百八十  
七文部三

文士傳何

楨字元幹青龍元年天子特詔作許都賦又何楨見魏

志管寧傳亦作元幹則河元幹亦當作何元幹陳禹謨

本不誤

蔡中郎集

蘭雪堂活字本每頁十四行行  
十三字天聖癸亥平陽歐靜序



卷之一

故太尉喬公廟碑

後書有橋玄傳

子孫之在不十二姓者

周學濂云路史注作不在

子尉郭貞

一本作廷尉後書郭鎮傳子禎亦以能法

律至廷尉當卽其人

卑君

一本作卑居西域傳作卑君

除侯部侯

此句有誤疑是除戊部侯後書西域傳永

元三年置戊部侯居車師後部侯城朱學勤云或是後

部侯之誤

徵拜上谷太守

玄傳云坐事爲城旦刑竟徵再遷上

谷太守與此異案坐事爲城旦卽上文鬼薪公事此係  
爲侍御史時事范書誤屬之爲齊相時下觀下文再遷  
二字自明

蕃縣 上谷郡無蕃縣當是潘縣之誤郡國志上谷郡  
潘縣永元十一年復

循王惺 章帝八王傳勃海王惺謀爲不道貶爲癭陶  
王此云循王惺誤

歷河南太守 玄傳云升前爲南陽太守與此異案後  
漢置河南尹不云太守當從傳爲是

東鼎銘 案藝文類聚引鼎誤海

秋八月 本紀八月後漢紀作十月

毗於天內

藝文類聚職官部三於作佐

二月丁丑

二月中鼎銘作三月通鑑目錄建寧四年

二辛卯庚寅朔三月是辛酉朔丁丑月十七日此云二

月誤

中鼎銘

類聚引中誤鐘

延公登于玉堂前廷

類聚職官部三延作進北堂書鈔廷

作庭

西鼎銘

黃鉞銘

梁州 漢無梁州當是涼州之誤

翻子百固 高句麗傳翻作嗣百作伯當据改

太尉喬公碑

大鴻臚之曾孫 傳云七世祖前碑云高祖此云曾祖  
案曾重也自祖已上皆可謂之曾祖不獨稱第三世祖  
也

河南吳整等 隸續載劉寬碑陰故吏名有故吏廷尉

河南 缺三字 整公脩當卽吳整公脩整字

朱公叔議

益州刺史 後書朱穆傳云追贈益州太守案續郡國

志益州郡屬益州刺史部

以益州之謚 傳云穆父卒穆與諸儒考依古義謚曰貞宣先生此益州疑當作貞宣

一離舛靡 舛當作冒傳云穆自冀州刺史徵詣廷尉輸作左校

而同盟 一本而下有如字誤案古而如二字通用

鼎銘

四月乙巳卒 乙巳前篇作丁巳案通鑑目錄是年三丁丑朔四月是丁未朔丁巳月十一日無乙巳乙巳三月二十九日

權謁者中郎 案當作灌謁者郎中續百官志灌謁者郎中比三百石初爲灌謁者滿歲爲給事謁者錢詹事云灌當讀如權說文夢灌渝卽爾雅釋草其萌蘢蒨大戴禮百草權輿亦卽灌渝之異文是灌有權音也

墳前石碑

王子喬碑

御覽

時序部十八

作王喬錄

乃造靈廟以休厥神云云 隸釋載嘉平四年堯廟碑凡五十六字與此同以碑校之凡缺以歌太思以其疾病八字異文十五字

卷之二

郭有道太原林宗碑

見述 見一作紀文選楊荊州誄注作見

文範先生陳仲弓銘 漢隸字原文範先生陳仲弓殘碑

額題云漢文範先生陳仲弓之碑金石錄云蔡邕書碑

之立在中平三年初學記人部銘作碑有序字

故言斯可象靜斯可効 言斯可下初學記引有法行

斯可樂動斯可八字

陳太丘碑

二子季方元方 文選辨命論注引作元方季方

命世希有繼期特立 選注希有作挺生繼作膺立作

授

汝南周巨勝碑

州舉才 後村詩話引作舉茂才

彭城姜伯淮碑

彭城廣人 後書肱傳云彭城廣戚人此脫戚字

祖祖父皆豫章太守 謝承書曰祖父豫章太守父任

城相也

建安二年四月辛巳卒 通鑑目錄建安二年三庚申

五己未朔四月庚寅朔無辛巳

貞節先生陳留范史雲銘



先生諱丹 後書獨行傳作冉注冉或爲丹

家于成安 漢書安成似當是成安之誤地理志陳留郡有成安縣郡國志無此縣疑中興後并省非汝南之安成也又志潁川有成安縣此上云陳留則非潁川之成安矣

生惠及延 延下疑脫壽河平三字漢書百官公卿表下河平二年北海太守安成范延壽子路爲廷尉八年卒又五鳳元年有大司農延距河平二年已三十一年疑非一人

皆不就 傳云黨禁解爲三府所辟乃應司空命是時

西羌反叛黃巾作難制諸府掾屬不得妄有去就冉首  
自劾退詔書特原不理罪又辟太尉府以疾不行與此  
稍異

玄文先生李子材銘

處士園叔則銘

深總麻部入寘文 後村詩話引深作探麻下有數字

部作剖

卷之三

司空楊秉碑

遷豫州兗州刺史 後書秉傳云頻出爲豫荆徐兗四

州刺史

遷太僕太卿 傳云拜太僕遷太常此太卿乃太常之

誤

在位七載 兼以延熹五年十一月拜太尉八年五月薨首尾僅四年此云七年誤

延熹八年五月丙戌薨 風俗通云六月九日未明太尉楊秉暴薨與此不合

司空臨晉侯楊公碑

鉦車 傳作輕車

漢太尉楊公碑

烈風維而 宋本作淮雨

文烈侯楊公碑

援于光匕之內 光匕疑華光之誤賜傳云侍講於華  
光殿中注洛陽宮殿名曰華光殿在崇光殿北又劉寬  
傳云侍講華光殿注洛陽宮殿簿云華光殿在華光園  
內劉寬碑云勸講於華光之內與此正同

司空文烈侯楊公碑 初學記類聚引此碑並作楊太尉

碑銘按賜雖拜太尉然寔終於司空也

景命有頃 頃舊誤傾文選楊荊州誄作順誤各本皆  
同何陳改傾周學濂云褚淵碑文注不誤

琅邪王傅蔡朗碑

柳規枉措 明刻本作抑頑措枉是

劉鎮南碑

拜刺史莅州永漢元年十一月到官 後書表傳云初

平元年爲荊州刺史與此相差一年

卷之四

太傅安樂鄉文恭侯胡公碑

交趾都尉 交趾當从後書廣傳作交趾

遷濟陰太守 傳云出爲濟陰太守以舉吏不實免復

爲汝南太守入拜大司農則廣又爲汝南太守此失載

遂作司農 傳云漢安元年遷司徒此司農當是司徒之誤

封安樂鄉侯 後漢紀作安鄉侯脫樂字

謚曰文昭 後漢紀作文侯

胡公碑 類聚引作太傅胡廣碑銘

又拜太常邁疾不夷遜位歸爵遷於舊都 傳云爲太常拜太尉延熹二年梁冀誅廣坐不衛宮減死一等奪爵土免爲庶人卽指此也碑失載拜太尉

延和末年 疑是延熹之誤

率禮不迫 毛詩禮作履此同韓詩

故吏司徒許詡 許詡當作許栩後書桓帝紀延熹六年三月戊戌衛尉潁川許栩爲司徒栩字季闕偃人九年四月免又靈帝紀建寧四年七月前司空許栩爲司徒熹平元年十二月罷此當在再爲司徒時也

胡公碑

四月辛酉 前篇作丁酉是也長麻熹平元年三乙卯五甲寅朔則四月當是乙酉朔丁酉十三日無辛酉畢整 後書皇后紀議郎畢整注風俗通曰畢氏鄭大夫畢諶之後漢有畢躬爲北平太守此作畢誤俗本後漢書後漢紀作畢亦誤

惟我末臣頑蔽無聞 文選赭白馬賦注引崔瑗胡公  
碑亦有此語考後書瑗傳漢安初遷濟北相歲餘杜喬  
爲八使徇行郡國以臧獲罪奏瑗徵詣廷尉上書自訟  
得理會病卒据順帝紀遣八使在漢安元年則瑗卒當  
亦在順帝時下距廣卒幾三十年此非瑗作明矣選注  
誤

太傅祠前銘

三邦 傳云廣爲濟陰汝南太守此云三邦未詳邦字  
宜避諱

漢交趾都尉胡府君夫人黃氏神誥



延城大尹 漢書地理志沛郡譙縣莽曰延成亭此云

大尹則王莽嘗置爲郡矣城成二字少異

生太傅安樂侯廣及卷令廣

當作康

而卒 廣傳注引襄

陽耆舊紀廣父名寵寵妻生廣早卒寵更娶江陵黃氏  
生康字仲始與此少異

建寧二年薨 胡碩兩碑皆云建寧元年七月二十一日卒則夫人當薨於建寧元年非二年也考通鑑長厯建寧元年七月丙午朔辛酉月十六日非二十一日又建寧二年六辛未八庚午朔七月當是辛丑朔二十一日正是辛酉則當從神誥作二年爲是

翌日己酉 長祿建寧二年十己巳朔十七日爲乙酉  
無己酉此己酉疑乙酉之誤

濟陽故吏舊民中常侍勾陽于肅等 濟陽當作濟陰  
勾陽當作句陽案廣傳爲濟陰太守故于肅等亦稱故  
吏舊民也郡國志濟陰郡有句陽縣于肅廣傳作丁肅  
太傅安樂侯胡公夫人靈表

夫人生五男長曰整伯齊 此下疑脫仲名字

叔讓郡孝廉 讓一作上案續百官志凡郡國歲盡遣  
吏上計并舉孝廉上郡疑是郡上計三字

議郎胡公夫人哀讚

侍中襲先公之爵 廣傳封安樂鄉侯不載襲爵者之名熊氏錢氏後漢書補表俱失載

卷之五

光武濟陽宮碑 後書光武帝記論注作光武碑文

初生濟陽令 生一作爲雲麓漫鈔引作爲

建武元年六月乙未 乙未光武帝紀作己未通鑑目錄建武元年四戊戌七丁卯朔則五月亦是戊戌朔廿三日爲己未無乙未

九域之陌 藝文類聚帝王部二引九域作九成案類聚是

也光武帝紀亦作五城陌

小臣河南尹鞏瑋 類聚脫南鞏二字案鞏字當在尹  
上郡國志河南尹有鞏縣瑋蓋登人姓尹也後書黨錮  
尹勳傳河南鞏人伯父睦司徒兄頌太尉 族多居貴  
位勳以參建誅梁冀功封都鄉侯與下文先祖銀艾封  
侯歷世卿尹受漢厚恩等語正合則當姓尹無疑

太尉汝南李公碑

兼洞與神契合 文選漢高祖功臣頌注引作明畧兼  
洞此脫明畧二字

位太尉 後書靈帝紀建寧四年三月太僕李咸爲太  
尉胡廣傳注謝承書曰建寧三年自大鴻臚拜太尉後

漢紀熹平三年二月河南尹李咸代段熲爲太尉

熹平四年薨 熹平之誤靈帝紀熹平二年三月太尉

李咸免蓋免後二年而薨袁記熹平五年五月太尉李咸罷又病免與紀不合据碑可證袁記之謬

陳留索昏上里社銘

御覽

禮儀部十一

引索昏作東昏銘作

碑案郡國志陳留郡有東昏縣注引陳留志曰故戶牖鄉有陳平祠則當以御覽爲正史記陳丞相系家索隱亦作東昏

春秋時有也子華爲秦相 原本北堂書鈔

禮儀部八

作秦

有池子華爲丞相

遂相克定天下 書鈔作隨高祖克定天下

封曲逆 下脫侯字

虞延爲太尉司□□公 御覽引無司□□公五  
字後書虞延傳永平三年代趙熹爲太尉八年代范遷  
爲司徒

至嘉平 書鈔引作延熹中是

放字子卿 延傳作子仲

爲尙書 書鈔引作尙書令

召都亭侯 延傳無召字案章懷太子桓帝延熹二年

紀注虞放冤句呂都亭侯此召字係呂字之誤御覽

居處

部引郡國志曰冤句縣昌都城昌都乃呂都之誤

陳留太守胡公碑

其年七月 疑是二年之誤說見神誥

陳留太守胡公碑

建寧元年 元年當作二年說見前

卷之六

荅丞相可齋議

指揮使 下云指使此揮字疑是衍文

幽冀二州刺史久缺疏 本傳節載此疏無臣聞至之難  
共一百九十八字

選幽州刺史 幽下脫冀二兩字

安國徙隸買成都民皆還治其國 本傳作昔韓安國  
起自徒中朱買臣出於幽賤並以才宜還守本邦

難夏育上言鮮卑仍犯諸郡

嘉平六年夏 嘉平當從後書鮮卑列傳作熹平夏作  
秋

中郎蔡邕 當從後書作議郎

猶爲大漢之羞 後書此下有而育欲以齊民易醜虜  
皇威辱外夷就如其言猶已危矣況其得失不可量耶  
昔珠崖郡反孝元皇帝納賈捐之言下詔曰珠崖背畔



今議者或曰可討或曰弃之朕曰夜思惟六十七字戈  
小蓮云少此一段上下文不接

荅詔問災異八事

詣殿金商門 本傳注引洛陽記曰南宮有崇德殿太  
極殿西有金商門楊賜傳注引戴延之西征記曰太極  
殿西有金商門此疑脫太極二字

五月三日有白衣入德陽殿 五行志作五月壬午注  
引風俗通作四年四月所載年月不同

故大將軍梁冀子冀冀子不疑等皆不以罪受戮 一  
本無不字据梁冀傳不疑係冀弟又不疑先卒未嘗受

戮

是歲封后父禁爲平陽侯 是歲本傳注引續志無歲  
字劉攽曰案如上文此處少一歲字又當作陽平侯非  
平陽也

視闇則疾癘 忘無癘字朱學勤云係涉上文而衍鴻  
範五行傳視之不明厥極疾可証

被收時表 本傳注引邕集當錄

及營護故河南尹羊陟侍御史基母班邨不爲用致怨  
之狀 本傳注引云邨不爲召太山黨魁羊陟與邕季  
父衛尉質對門九族質爲尙書營護阿擁令文書不覺

郤被詔書攷胡母班等辭與涉爲黨質及邕頻詣郤問  
班所及郤不應遂懷怨恨欲必中傷郤制曰下司隸校  
尉正處上

卷之七

和熹鄧后諡 後書皇后紀注作諡議

求人之瘼 案此卽詩求民之莫也毛詩作莫作瘼者  
蓋出於三家詩說文繫傳宋書符瑞志引皆作瘼國志  
馬超傳亦云求民之瘼與此合民作人乃唐避諱所改  
有功安居曰喜 後書皇后紀注引蔡邕曰諡法有功  
安人曰熹案諡法解無熹諡有烈諡云有功安民曰烈

與此熹字之諡相同則居字當是民字

爲陳留太守上孝子

平立程未

御覽

果部

引作程末

薦邊文禮

函牛之鼻一曰帝立之鼻 下六字是夾注蓋函牛之

鼎四字一作帝立之鼻呂氏春秋作市巨此云帝立亦

誤

薦皇甫規

愠匈奴之事 姒當作奴

忽奸邪之不散

類聚

治政部

引邪作猾

卷之八

表太尉董公可相國

讓尚書乞在閑冗

巴郡太守謝板

董□

御覽

服用部五十九

引作薰鑪

黎賜 疑作黎陽黎陽瓠子俱地名

宗廟祝嘏辭

三月丁亥 獻帝紀作二月通鑑目錄初平元年二辛

未朔丁亥月十六日

三月丁巳 帝紀作乙巳案二辛未朔三月是辛丑朔

乙巳月五日

宗廟迭毀議

孝章皇帝

下疑脫孝安皇帝四字

孝明以下

續祭祀志作孝和是

穆帝敬宗恭宗之號

志無敬宗恭宗四字有威宗二

字案恭宗安帝廟號敬宗順帝廟號恭宗不應在敬宗  
下此誤威宗桓帝廟號此脫宜從志補

上元加服與羣臣上壽

謹奉生頭

雲麓漫鈔

三

引作生牛一頭

奉賀錄換誤上章謝罪

故河內太守王臣等 王臣當作王匡英雄記匡字公

節太山人也輕財好施以任俠聞爲袁紹河內太守

讓高陽侯印綬符策 原本北堂書鈔

儀飾部二

引作雜章

詔制

原本書鈔引作制詔是也案文選潘元茂冊魏

公九錫文注引獨斷曰制詔王者之言必爲法制詔猶告也

范正不亡禮讓

范正疑是范丐之誤

散怠增歎

增歎一作葺闕疑當作闕葺

晏嬰

□□□之邑

晏嬰一作辭邯二字邯當作邯

鄧臣汝南

後書鄧晨傳爲汝南太守興鴻卻陂數千

頌曰汝土以殷魚稻之饒流衍它郡此臣當作晨

伍瓊 後書獻帝紀初平元年二月庚辰董卓殺城門校尉伍瓊疑卽是人又見董卓傳

晨之鹵田 晨當作曩

卷之九

京兆樊惠渠頌

郡掾吏張玄祠堂碑銘

袁滿來碑銘

遇目能誠 誠當作識

童幼胡根碑銘



君子曰 野客叢書二引作君子也

司馬袁公夫人馬氏碑銘

濟 北相崔君夫人誄

卷之十

明堂月令論

御覽

居處部十二

引作明堂月令記

宗嗣

朱學勤

云隋書牛弘傳作宗祀

爾視

視當作雅

周官有門闥之學

文選王元長三月三日曲水詩序

注引作闥門

月令問荅

此與明堂月令論有陸堯春本蔡雲本

外傳

胡廣黃瓊頌

邈乎莫與爲二 邈乎文選顏延平皇太子釋奠會作

詩注引作邈猗與爲作參其又西征賦注引參其二也

上漢書十志疏 藝文類聚六十引作徙朔方上書續漢

書律厯志注作戍邊上章案續志注是獨斷凡羣臣上

書於天子一曰章章者需所稱稽首上書謝封陳事詣

闕通表也

述行賦 後書本傳校

短人賦 初學記人部古文苑三校

飲馬長城窟行

御覽

文部校

篆勢

張懷瓘書斷

上

作大篆贊小篆贊藝文類聚作篆

書勢

隸勢

書斷

上校

釋誨

當据本傳類聚校

帝猷顯丕

當作丕顯

伯翳綜聲於鳥語

朱學勤云鳥語秦風譜正義引作

語鳥

補遺

歐本所無

陳政要七事

後書邕傳

御覽啓

正交論

後書朱穆傳論注

徵部三引作封事

厓元議

續漢書律厓志中

命論

續漢書律厓志中注

京兆尹樊陵碑

類聚

郡部續漢書郡國志注

陳球後碑

隸釋十記曰下相

御覽文部五引述征城西北漢太尉陳琳

華歆等六十人其一碑陳登碑文並蔡邕所作

劉寬

後碑

隸釋十一

金石錄云不知何人所爲案文選五十

劉寬碑

司空袁逢碑

類聚職官部三

荊州刺史度侯碑

類聚職官部六

伯夷叔齊碑

續漢書五行志注類聚人部廿一

翟先生碑

類聚人部二十一

太尉陳公贊

類聚職官部二

銘論

御覽文部六

祖德頌

類聚

陳留太守行小黃縣頌

類聚職官部六

考城縣頌

類聚職官部六

九

疑山銘

類聚山部古文苑

樟銘

類聚雜器物部

警枕銘

北堂書鈔服古

衣箴

書鈔衣冠部三

祖餞祝

御覽方術部十七

九維文

類聚人部

十九古

焦君贊

類聚人部古文苑六  
雕菰樓集有焦君贊考

讓辟申屠蟠

後書申屠蟠傳

女誠

御覽人部

筆賦

文房四譜二

彈琴賦

初學記樂部下

樂部四

彈碁賦

類聚巧藝部十二

御

胡栗賦

類聚菓部下作傷故

栗賦古

團扇賦

書鈔服飾部三

漢津賦

協和昏賦

柳

賦 溫泉賦

羽獵賦

觀舞賦

終南山賦

並古文苑三

青衣賦

類聚三十五

古文苑三

初學

廣連珠

御覽人部

荅元式

詩

類聚人部十五

翠鳥詩

類聚鳥部下

增考

東巡頌

古文苑三 據類聚三十九 初學記十三 乃班固所作 明輯本誤入 當刪

琴賦

古文苑三 初學記樂部下 此係傅毅所作 明輯本誤入 當刪

尤本文選

一百一詩注新序孫叔敖曰府庫之藏金玉筐篚之橐簡

書

御覽

八百一十一

引作公孫敖是也漢書藝文志有伯象先

生一篇應劭曰蓋隱者也故公孫敖難以無益世主之

治

廿五劉越石荅盧諶詩注王隱晉書初辟太尉隴西秦王府

未就當作隴西王泰晉書劉琨傳太尉高密王泰辟爲

掾泰初封隴西

三十傳季友爲宋公修張良廟教注引孫綽桓玄城碑曰

俯仰顯默之際優游可否之間玄城當作宣城藝文類

聚五載桓宣城碑可証惟不著撰人

三十七勸進表注何法盛晉書胡錄曰建興四年劉載使劉

曜寇長安 陳云載聰誤胡云是也各本皆誤蒙案晉書

載紀聰一名載

注傅暢諸公讚葛蕃傳檄平陽 葛蕃疑荀藩之誤晉

書有傳

四十六王文憲集序以公爲侍中尙書令鎮國將軍 南齊

書本傳作鎮軍是南史案百官志無鎮國軍號

注謝承後漢書曰桓礪郗營氣類 礪郗當從求通親

親表注作礪鄙

四十三國名臣序贊羊秀衛公誄曰仰晞遐風重暉冠世

勸進表注作牽秀是也暉作輝

四十晉紀總論干寶晉惠紀曰石冰畧揚州揚州刺史蘇

峻降蘇峻二字誤晉書太安二年七月張昌別帥石冰

寇揚州刺史陳徽與戰大敗諸郡盡歿

讀書雜誌卷第二

終

勞檢丁士諤校字





讀書雜識卷第三

仁和勞格著

歸安丁寶書述

晉書校勘記

上稿本  
缺首尾

天文志中

此志有盧學士文弼校本刊於羣書拾補初集凡盧氏所舉正者概不著錄

少帝正始四年五月丁丑朔日有蝕之 國志齊王紀失

書曰宋志無此食考長祿是年四壬辰朔六辛卯朔五

月是壬戌朔丁丑月十六日不當食

六年四月壬子朔日有蝕之 齊王紀無此食案四月辛

亥朔非壬子也

宋志無  
朔字

十月戊申朔又日有食之 宋志作戊寅朔誤盧學士云

當是庚申朔亦非

元帝景元三年十一月己亥朔日有蝕之 宋志作三月

以長麻考之則宋志誤也

長麻三壬寅朔十己巳朔則十一月是己亥朔

太始七年十月丁丑朔日有蝕之 宋志無此食有五月

庚辰日食

惠帝元康九年十一月甲子朔日有蝕之 宋志作十月

誤

成帝咸和六年三月壬戌朔日有蝕之 宋志無此食

九年十月乙未朔日有蝕之是時帝旣冠當親萬機而委

政大臣著君道有虧也 案是年十月辛丑朔非乙未朔  
盧云此因下咸康元年十月乙未朔誤衍是時已下二  
十字當移於下條

義熙十年九月丁巳朔日有蝕之 宋志作己巳誤

十一年七月辛亥晦日有蝕之 宋志脫十一年二字

元帝太興四年二月癸亥日鬪三月癸未日中有黑子辛  
亥帝親錄囚徒 宋志無日鬪三月癸未六字二月作三  
月案是年二庚寅四己丑朔則三月是庚申朔癸亥三  
月四日當從宋志爲是辛亥上脫四月二字

明帝太寧元年正月己卯朔日暈無光 宋志作己丑朔

考長祿永昌元年閏十二

二疑當作一

己卯朔太寧元年三

戊寅朔則正月當是己卯朔宋志誤也

成帝咸和九年七月白虹貫日

宋志無

下咸康二年白虹貫日宋志無

穆帝升平三年十月景午日中有黑子大如雞卵少時而

帝崩 長祿三年十乙卯朔無景午四年十庚子朔丙午

午月之七日三年疑是四年之譌

太和六年三月辛未白虹貫日

宋志作二月誤

長祿二年庚子朔

則三月是庚午朔辛未月之二日

簡文咸安二年十一月丁丑日中有黑子 長祿十庚申

十二己未朔十一是庚寅朔無丁丑

義熙元年五月庚午日有彩珥 長厯五辛巳朔無庚午

孝懷帝永嘉五年三月壬申景夜月蝕既丁夜又蝕既

宋志作丙申夜月蝕既丁酉夜又蝕既無壬申二字考

長厯二戊子五丁巳朔三月是戊午朔無丙申丁酉

青龍二年十月己

一作乙

丑月又犯填星 宋志作十一月

乙丑案十月壬子朔無己丑十一壬子朔無乙丑下有

戊寅則乙丑是也

本紀作乙丑

咸康六年四月甲午月犯太白 宋志作甲子案四月己

巳朔無甲子

太安三年正月己卯月犯太白 案正月己亥朔無己卯

元帝太興二年十一月辛巳月犯熒惑 案十一戊戌朔  
無辛巳

成帝咸康元年二月乙未太白入月四月甲午月犯太白  
二月己亥朔無乙未四月戊戌朔無甲午

興寧二年正月乙卯月掩歲星在參 宋志作三年

十二年帝殺悅於市 宋志作十三年

十三年十一月戊子辰星入月在危 宋志作十二月案

十二丙戌朔戊子月之三日

隆安四年六月乙未月又犯填星 宋志作己未案六月  
庚辰朔無己未

三月景辰劉裕起義兵 三月當作二月

齊王冏兵敗夷滅又殺其兄上軍將軍寔 案寔是冏弟

非兄也志誤

元帝太興二年七月甲午歲星熒惑會于東井 宋志無

案七月庚子朔無甲午盧學士云當是衍文

三年六月景辰太白與歲星合于房 通鑑目錄作二月

成帝咸康三年十一月乙丑太白犯歲星于營室 十一

月癸未朔無乙丑

穆帝永和四年五月熒惑入婁犯填星其年石季龍死

其年當作明年



六年三月戊戌熒惑犯歲星 三辛丑朔無戊戌

七年三月戊子歲星熒惑合于奎 三丙申朔無戊子

太元十七年十二月癸酉填星去 十二月癸巳朔無癸

酉

義熙三年二月癸亥熒惑填星太白辰星聚于奎婁 二

月辛未朔無癸亥

六月辛卯熒惑犯辰星 宋志作八月

十四年十月癸巳熒惑入太微 十月癸亥朔無癸巳

天文志下

黃初五年十月乙卯太白晝見 宋志作十一月辛卯

青龍三年三月辛卯月犯輿鬼 宋志作二年

四年閏正月己巳填星犯井鉞 宋志作閏四月乙巳誤

景初二年五月乙亥月又犯心距星及中央大星 案五

月辛卯朔無乙亥當从宋志作己亥

正始三年二月太尉滿寵薨 本紀在三月

五年二月曹爽征蜀 宋志作三月誤

甘露元年七月乙卯熒惑犯東井鉞星壬戌月又犯鉞星

七月乙亥朔無乙卯壬戌

九月丁巳月犯東井 九甲戌朔無丁巳

於是遣督護喬球率眾救彪 宋志作高球

十一月廢弘自立 宋志作十月誤

咸康元年八月戊戌熒惑入東井 宋志作戊辰案八丙

申朔無戊辰

四年五月戊戌熒惑犯右執法 宋志作戊午案五庚辰

朔無戊午

六年三月甲辰熒惑犯太微上將星 宋志作甲寅

四月景午太白犯畢距星 四月己巳朔無丙午

六月乙卯太白犯軒轅大星 六月戊辰朔無乙卯

七年八月辛丑月犯輿鬼 八月辛酉朔無辛丑

康帝建元二年正月壬午太白入昴 正月丁未朔無壬

午

永和二年四月景戌月又犯房上星 四月甲午朔無丙戌

八月壬申太白犯左執法 八月壬辰朔無壬申

四年十月甲辰月犯亢 十月庚戌朔無甲辰當從宋志作甲戌

八年八月戊戌熒惑入輿鬼 八月戊午朔無戊戌

景辰太白入南斗 八月無丙辰

十年正月己卯月蝕昴星 正月己酉朔無己卯己卯二月朔日下有癸酉知己卯字誤

三月甲申月犯心大星 三月戊申朔無甲申

升平二年十二月辛卯填星犯軒轅大星 宋志無十字

下有六月知宋志是也案十二月無辛卯辛卯十一日  
十一日

四年正月慕容雋死子暉代立慕容恪殺其尙書令陽騫  
等 陽騫卒于晉海西公太和二年十二月慕容恪卒  
于二年五月恪安得殺之乎恪所殺者太師慕容興根非  
陽騫也

五年九月乙酉月奄畢 九月乙未朔無乙酉

十月丁未月犯畢大星 十月甲子朔無丁未

太元十五年九月癸未熒惑入太微 九月丁未朔無癸

未

十月太白入羽林 宋志作十一月

十七年七月丁丑太白晝見 宋志作九月

二十一年四月壬午太白入天囷 四月甲辰朔無壬午

安帝隆安二年六月郗恢遣鄧啟方等以萬人伐慕容寶

于滑臺敗而還 寶當作德

五年十月甲子月犯東次相 宋志作十月戊子月犯東

蕃次相

元興元年三月戊子太白犯五諸侯 宋志作二月案三

月己巳朔戊子月廿日知宋志誤也

二年十月甲戌太白犯泣星 十月辛卯朔無甲戌

十一月丁酉熒惑犯東上將相 宋志作十一月丁丑熒惑犯填星案十一月庚申朔無丁酉

升平元年冬魏破姚興軍 升平字誤當作元興

三年正月戊戌熒惑逆行犯太微西上相 正月己未朔無戊戌

五月壬申月奄斗第二星 宋志無

填星入羽林 据通鑑曰錄填星上脫壬辰二字案五丁巳朔無壬辰

義熙元年九月甲子熒惑犯少微 九月己卯朔無甲子

三年二月庚申月奄心後星 二月辛未朔無庚申當从

宋志作庚寅

四年六月乙卯又犯左執法 六月癸亥朔無乙卯當从

宋志作己卯

五年閏月己巳月奄心大星 閏十月乙酉朔無己巳宋

志作己酉案上有丁酉辛亥則己酉亦誤

六年七月己亥月犯輿鬼 七月辛亥朔無己亥

七年十一月景子太白犯哭星 十月甲辰朔無丙子當

依宋志作丙午



八年七月癸亥月庵房北第二星己未月犯井鉞 七月

己巳朔無癸亥己未

十一月丁丑填星犯東井 宋志作十月誤十一月丁卯朔丁丑十一

日

九年誅劉蕃謝混討滅劉毅 九年當作九月

十年裕討司馬休之 十年當作十一年

十一年三月丁巳月入畢 宋志作二月誤三月甲寅朔丁巳月四日

十一月癸亥月入畢 十一月庚辰朔無癸亥

十四年三月癸巳太白犯五諸侯 三月丙申朔無癸巳

十月癸巳熒惑入太微 十月癸亥朔無癸巳

恭帝元熙元年正月乙卯辰星犯軒轅 通鑑目錄作己

卯案正月壬辰朔乙卯月之廿四日目錄作己卯誤也

七月己卯月犯太微太白晝見 七月己丑朔無己卯

十二月丁巳月入太白俱入羽林 十二月己巳朔無丁

巳

嘉平三年十一月癸亥有星孛于營室 宋志作癸未案

十一月癸卯朔無癸未宋志誤

元帝景元三年十一月壬寅彗星見亢色白長五寸 宋

志作五丈

太元十五年七月壬申有星孛于北河 本紀作丁巳

義熙十四年五月庚子有星孛于北斗魁中 宋志作壬

子

懷帝永嘉元年九月辛卯有大星如日白西南流于東北  
小者如斗相隨天盡赤聲如雷 九月戊申朔無辛卯當  
从本紀作辛亥

四年十月庚子大星鹵北墜有聲 本紀作西南

太寧二年王敦殺譙王承及甘卓 太寧二年當作永昌  
元年

永昌元年七月甲午有流星大如瓮長百餘丈青赤色从  
西方來尾分爲百餘岐或散 七月壬子朔無甲午

升平二年十一月枉矢自東南流于西北其長半天 宋

志作十二月

惠帝永興元年十二月壬寅夜有赤氣亘天砰隱有聲

十二月甲子朔無壬寅

本紀在大安二年

地理志上

此志領洋畢尚書有補正五卷蔡于經訓堂叢書凡畢氏所已糾正者皆不著錄畢氏之說亦間有可商者摘錄之

魏武所省者七

上郡朔方五原雲中定襄漁陽廬江

國志明紀青龍三年

正月己亥復置朔方郡是魏後復置朔方郡矣景初二

年六月省漁陽縣之狐奴縣復置安樂縣

安樂志屬燕國

劉靖

碑云東盡漁陽潞縣

水經注引案潞縣屬燕國

魏收地形志漁陽郡

于雍奴潞二縣則云晉屬燕國後屬于無終土垠徐無  
三縣則云晉屬右北平後屬張華傳父平魏漁陽郡守  
後又清惠亭侯京傳以漁陽郡益其國是魏後復置漁  
陽郡至晉始并入燕國也又考地形志云漁陽晉罷後  
復石勒載記趙國二十四郡其一爲漁陽則漁陽不久  
復立爲郡也宋書武帝紀遠祖某魏定襄太守是魏又  
置定襄郡矣志于并州幽州篇皆失補載未免漏略又  
案揚州篇云廬江郡漢置不云魏省宋志通典皆同考  
國志武紀亦不云省廬江郡又考漢末爲廬江太守者  
建安四年有太守劉勳五年有太守李術十九年有太

守朱光又劉靖于黃初中爲廬江太守疑魏武未嘗省廬江郡也志云魏省恐誤

河南郡統縣十二洛陽河南鞏河陰新安成臯緱氏陽城新城陸渾梁陽翟太康地志云新安縣屬河東郡又云

河南郡有東垣縣畢氏云晉志無東垣縣案魏收地形

志東垣縣二漢晉屬河東考漢書地理志續漢書郡國

志有垣縣無東垣縣晉志河東郡有垣縣云王屋山在

東北沈水所出案張湛列子

湯問

注云王屋在河東東垣

縣

郭璞山海經三北山經注王屋之山今在河東東垣縣北或以東字爲衍文誤

又郡國志垣

縣有壺丘亭杜預左氏襄元年傳注云河東東垣縣東

南有壺丘則垣縣卽東垣縣但二漢名垣縣晉名東垣志屬河東太康地志屬河南爲稍異耳非別有東垣縣也

滎陽郡泰始二年置 水經濟水注魏正始三年歲在甲

子被癸丑詔書割河南郡縣自鞏闕以東創建滎陽郡并戶二萬五千以李勝爲郡守魏略李勝傳亦云累遷

滎

毛本

陽太守

魏書曹爽傳注

又國志傅嘏傳拜滎陽太守孫禮

傳遷滎陽郡尉晉書魏舒傳爲滎陽太守亦在魏世則是郡非晉置明甚然宋書州郡志亦云太始元年分河南立豈魏後廢而晉復立邪又滎字當从火作滎此从

水作滎誤

陳留國統縣十小黃浚儀封丘酸棗濟陽長垣雍丘尉氏

襄邑外黃 州郡志云扶溝太康地志屬陳留地形志亦

云扶溝晉屬陳留是陳留所統者非僅十縣也 州郡

志又云晉惠分陳留爲濟陽國領考城

太康地志無

鄆城二

縣案元敬虞皇后傳濟陽外黃人是外黃亦屬濟陽矣

趙王倫子馥封濟陽王見倫本傳

濮陽國統縣四濮陽廩丘白馬鄆城 州郡志永初郡國

有東燕郡江左分濮陽立領燕縣白馬平昌考城凡四

縣燕前漢曰南燕後漢曰燕竝屬東郡太康地志屬濮



陽又地形志東郡東燕晉屬濮陽後屬是濮陽又有燕  
縣晉志不載疑誤脫也或据胡身之通鑑音注以爲晉  
初省燕縣故晉志不載案此說非也杜預春秋土地名  
凡四引東郡燕縣

隱五年燕

定八年瓦 僖二十四年昨

哀十六年平陽水經

河水注河水自酸棗東北過延津又東逕東燕縣故城

北通鑑

晉紀

永嘉六年石勒自葛陂至東燕胡身之曰兩

漢志東郡有燕縣無東燕縣其卽是歟元和郡縣志晉  
安帝時東郡燕縣流入入鍾離者于鍾離置燕縣又潘  
岳傳弟燕令豹皆晉有燕縣之證胡氏所言殊誤又東  
燕郡當置于惠帝時惠紀光熙元年九月進東嬴公騰

爲東燕王則東燕置郡當亦在是時騰于永嘉元年改封新蔡而東燕郡不廢毛虎生傳督東燕四郡領東燕太守是晉有東燕郡之證志旣失載燕縣因并其立郡事而亦不書未免遺漏又州郡志以東燕爲江左分立亦未免失考江東初立國境不逾淮沈州諸郡淪陷劉石雖兵威屢加亦隨得隨失又何暇畫野分疆析置郡縣乎至胡身之通鑑音注于永嘉二年則云漢東郡燕縣晉省而故城猶在曰東燕城後魏立東燕縣屬陳留于太和四年則云祖逖在豫州時所置兩說自相牴牾不足引以爲證也上司州篇云石季龍分司州之河南

河東宏農滎陽兗州之陳留東燕爲洛州則東燕置郡  
在本志亦有明文

濟陽郡漢置統縣九 考異曰漢無濟陽郡蓋濟陰之誤

卞壺傳濟陰冤句人州郡志于城武離狐二縣竝云晉

太康地志屬濟陰可證今志作濟陽乃傳寫之誤案州

郡志又云南濟陰太守二漢晉屬兗州杜預左氏集解

濟陰成武縣東南有郛城隱十年濟陰句陽縣東北有垂

亭隱八年曹濟陰定陶縣桓九年皆可證陽字之誤通典云

濟陰郡晉爲濟陽郡案樂安王鑒傳以濟陰萬一千二

百一十九戶改爲廣陽國立齊王問子冰爲王是改濟

陰爲廣陽非改爲濟陽也通志誤 郭璞穆天子傳六

注漯水今濟陰漯陰縣濟陰當作濟南漯陰卽濕陰漯  
陰漢書地理志屬平原郡國志作濕陰濕當作濕古漯  
字

高平國故屬梁國晉初分山陽置 晉武改山陽爲高平  
非分山陽置高平也志誤

陸湖縣 當作湖陸

濟北國東阿縣 州郡志云二漢屬東郡晉無與此異魏  
浚傳東郡東阿人似東阿仍屬東郡矣

泰山郡新泰縣故曰平陽 考異曰春秋宣八年城平陽

杜注今泰山有平陽縣卽此平陽矣其改名新泰据水經注在晉武帝元康九年元康或太康之誤案元和郡縣志云太始中鎮南將軍羊祜表改爲新泰縣吳蘭庭云祜泰山南城人非平陽人祜于泰始中自車騎將軍貶平南將軍咸寧二年除征南大將軍未嘗爲鎮南且杜預注左傳在祜卒後如已改新蔡何以復云平陽乎武帝疑惠帝之誤又云州郡志新泰令魏立屬泰山地形志亦云魏置則又似非晉置也

汝南郡南頓縣 梁王彤傳咸寧中以陳國汝南南頓爲次國是南頓嘗屬梁國本志失載

汝陽縣 州郡志汝陽太守太康地志王隱地道無此郡  
應是江左分汝南立咸康三年省併汝南後又立領汝  
陽武津二縣武津何不注置立案汝陽王熙傳初封汝  
陽公討劉喬有功進爵爲王則汝陽置郡當在惠帝時  
沈志云江左分立未詳所据

襄城郡泰始二年置州郡志云魏分潁川爲襄城郡與此微異

汝陰郡秦始二年復置 本紀秦始元年封皇叔父駿爲  
汝陰王則汝陰置郡當在秦始元年志云二年誤

梁國統縣十二  
太康地紀云梁國有陽縣今志無此縣

疑誤咸和中寇難南逼戶口南渡因置斯郡治于塗口  
志失載

安帝又僞立南義陽東義陽長寧三郡 水經沮水注沮  
水又東南逕汶陽郡北卽高安縣畋郡治錫城縣居郡  
下城故新城之下邑義熙初分新城立又云沮水又屈  
逕臨沮縣南晉咸和中爲沮陽郡治也汶陽沮陽二郡  
志皆失載案州郡志汶陽太守何志新立先屬梁州元  
嘉十一年度荊州宋初有四縣後省汶陽縣領僮陽沮  
陽高安三縣何志皆云新立似與酈注不合考南齊書  
蠻傳汶陽桓溫時割以爲郡則汶陽郡晉時已有之何

志非也

楊州統丹陽吳會稽吳興新都東陽臨海建安豫章鄱陽  
臨川安成廬陵南部十四郡 今數之止十三郡蓋脫廬  
陵一郡

鄱陽郡統縣八廣晉鄱陽樂安餘汗鄮陽歷陵葛陽晉興  
太康地志鄱陽郡有上饒縣

又於尋陽僑置松滋郡遙隸揚州 州郡志云僑立安豐  
松滋二郡遙隸揚州此脫安豐二字

桓帝分立高興郡靈帝改曰高涼 下云高涼郡吳置續  
漢志高涼屬合浦郡劉昭注補云建安二十五年孫權



立高梁郡州郡志建安二十三年吳分合浦置高涼則此云漢桓帝所立者誤矣

吳黃武五年割南海蒼梧鬱林三郡立廣州 廣州篇云南海蒼梧鬱林高梁四郡此脫高梁二字又誤四爲三也

交阯郡統縣十四龍編苟扇望海羸樓西于武寧朱鸞曲易交興北帶稽徐安定南定海平 太康地志平道縣屬交阯郡安定州郡志作定安

新昌郡吳置 通典云吳分置新興郡晉武改爲新昌州郡志無此郡

永安六年復分交州置廣州 六年當作七年

臨賀郡 臨賀 太康地志王隱地道記屬南海

桂林郡統縣八潭中武豐粟平羊平龍剛夾陽武城軍騰  
太康地志桂林郡有常安縣

寧浦郡統縣五寧浦連道吳安昌平平山 太康地志寧  
浦郡有始定縣

元帝分鬱林立晉興郡 水經斤江水注云侵黎水出廣  
州晉興郡郡以太康中分鬱林置

哀帝太和中置新安郡 州郡志無此郡又哀帝年號隆  
和非太和也疑誤

律麻志上

酉一萬九千六百八十二分之八千百九十二 八十二

當作三

故待續漢志作嚴崇

命十二律其二中不失一 其二中三字衍

律麻志中

三年十月十五日乙巳日加丑日加未蝕 案黃初三年

十月壬戌朔十五日爲丙子非乙巳十一月辛卯朔十

五日爲乙巳志疑脫一字

土以二年十一月二十五日壬辰見乾象十一月二十八

日丁亥見黃初十一月十八日甲申見先八日 案十一  
月丁卯朔壬辰二十六日丁亥二十一日與此差一日  
二十八日八字疑衍

土以三年十月十一日壬申伏乾象同壬申伏黃初己下  
十月八日戊辰伏先四日 案十月壬戌朔戊辰月七日  
與志亦差一日以十一日壬申推之知八字誤也

水以二年十二月十三日己酉晨伏乾象十二月十五日  
辛亥伏後三日黃初十二月十四日庚戌伏後二日 辛  
亥後己酉二日庚戌後己酉一日志誤

水以三年五月十八日辛巳夕見黃初五月十一日庚辰

見先一日 十一日當作十七日

水以三年十一月日于暑度十四日甲辰伏黃初十月八日戊戌先六日 十月當作十一月

律厯志下

以黃鍾之月爲律厯初 律字衍

紀歲中十二 一本紀下有日字

沒分六萬七千三百一十五 一本作二百

甲午紀第四交會差率七十二萬三千七百三十九 一

本作四十九

甲辰紀第五遲疾差率一萬八千八百四十八 一作一

十萬

甲寅紀第六遲疾差率十萬八千六百六十八 一作七

萬

求次月加大餘二十九小餘二千四百一十九 一作小  
餘二千百四十九

小寒十二月節限數千二百四十五 一作三十五

立春正月節間數千百四十七 一作三十七

雨水正月中限數千一百二十九間限千九十二 二十

九 一作一十二千九十二作千九十三

驚蟄二月節限數千六十七間限千四十六 千六十七

一作六十五千四十六作千二十五

小滿四月中限數八百二十三 一作二十二

大暑六月中限數八百二十五間限八百四十五 一作

四十二

白露八月節限數九百六十三 一作六十二

秋分八月中間限千五十 一本十下有一字

霜降九月中限數千百三十二間限千百五十七 一作

三十二一千百五十七宋志無千字

立冬十月節限數千百八十一 宋志無一字

小雪十月中限數千二百一十五間一限千二百三十九

一十五一作一十三三十九一作二十九

求次日日加一度分不加經斗除斗分分少進退一度

一宋志無進字

求次月小月加度二十三分八百六 一作二十二分

推弦望月所在 小分四十四 一作三十四

一日 盈縮績分盈初 初上一本有一字衍文

月行分二百八十 一作七十疑誤

二日 盈積分一十一萬八千五百四十四 一作三十

四

月行分二百七十七 一作百七十七疑誤



三曰 盈積分二十二萬三千三百九十二 一作九十

一

四曰 月行分二百七十一 一本無一字

五曰 月行分二百六十九 一作二百六十七

七日十三度七分損一 一無一字是也

盈積分四十八萬三千三百五十四 一作二百五十四

下八  
日同

十一曰 盈積分四十五萬一千四十二 一作三十五萬

一千四十三案十日盈積分四十一萬三百一十一

日不當更多三萬當以三十五萬爲是

十三日 月行分二百三十六 一作二百三十三疑是

十九日 月行分二百四十一 一作二百四十三疑是

二十日 縮積分四十七萬三千八百四十八 一作三

十七萬三千八百三十八疑是

二十一日十二度三分 一作十三度

二十二日十二度同

縮積分三十一萬三百二十 一作四十一萬三百一十

二十二日十二度七分損一 一本無一字是也

二十三日 縮積分四十二萬八千五百四十六 一作

四十一萬

二十五日十四度五分 一作三分

縮積分三十五萬五千六百三 一作六百二

二十六日 縮積分二十七萬八千九十九 一作六十

九

二十七日 縮積分十七萬三千二百四十 一作四十

二

周日 損二十五 五一作四

縮積分六萬二千八百二十六 二千一作三千

推合朔交會月餘 餘一作蝕

定大小餘以厯日餘乘所入厯損益率 厯日一作入厯

疑

冬至日中晷影丈三尺三寸 丈三二字疑衍

大寒十二月中虛半強 一本虛下有女字

日行黃道去極度百一十一太強 一作百一十太弱

續漢志

同

夜漏刻五十二二分 一作五十三

續漢志同

雨水正月中室八太弱 一作太強

明中星箕半 半下一有弱字

驚蟄日中晷影六尺五寸五分 一無五分二字

續漢志同

清明晝漏刻五十八三分 一作二分

穀雨明中星斗六半 斗續漢志作牛疑是

立夏四月節畢七 一作畢六太續志同

日行七十三少強 一作少弱續志同

芒種五月節并少半弱 少一作十續志同

少暑六月節柳三太弱 一作柳二太強

立秋晝漏刻六十二二分 一作三分續志同

夜漏刻三十七八分 一作七分續志同

處暑晝漏刻六十三二分 三字衍

白露日中晷影四尺二寸五分 一作三寸續志同

寒露日行黃道去極度九十六太強 一作少強

立冬十月節尾四半強 續漢志作房四度十九分退三

日中晷影丈八寸二分 一作一分續漢志作丈四寸二分

明中星張十五太 一本太下有強字

小雪昏中星室三半弱 一作半強續漢志作室二半強

大雪晝漏刻四十五五分 一作三分

明中星翼十五太 當依宋志作軫十五少強

木合終歲一千二百五十五 一作五十三

合月度法二萬一千八百四十一 一作三十一

火合終合數三千三百八十八 三千一作二千

日度法四百三十萬一千八百一十四 一作四百四十

萬一千八十四

月餘二萬二 一作二萬三

日餘三百五十八萬五千二百四十 四十一作三十

朔虛分九百三十三 一作三十二

斗分一百八萬六千五百三十 一作四十

土合終歲數三千九百四十三 一作二千

日度法七百一萬九百八十七 一作九千九百八十七

金日度法四百三十九萬五千五百五十四 一作五十

五

斗分一百八萬五千二百七十五 二百一作一百

水日餘二千三十四萬四千二百九十一 一作二千三

十四萬千二百六十

千二  
字誤

朔虛分二千 一本千下百四十四四字

度餘二千三十四萬四千三百六十一 三百一作二百

求後八月日 後小餘滿二千四百九十一 當作一十

九

木晨與日合伏順十六日九十九萬七千八百四十二分  
一作三十二分以下文証之則三字是也

凡一終三百九十八日九百九十九萬三千六百六十六  
十四分九百九十九萬 上九字衍



火晨行星五十六度百二十四萬九千九百三十五分

三十五分當作四十五分

土晨 三十二日半而旋逆日行七分之一 一作十七

分之一

金晨行星五十二度十九萬四千九十分 九十上脫九

百二字

一合二百九十三日十九萬四千九十分 一作二百九

十二日十九萬四千九百九十分

金夕與日合伏順四十二日百十九萬四千九百九十分

百十九萬一本無百字是也

六十一日行百一十二度 六疑當作四

九十一日行五度 五上疑脫百字

再合一終五百八十四日三十八萬九千八百八十分

四疑當作六

長麻說云日行一度月行十三度十七分之七有奇 釋

例作十九分度之七有奇

余爲麻諸論之後 諸字衍

至咸寧中善算者李修卜顯 釋例作夏顯

其四十七日蝕

三無甲乙

當作三十七日蝕

今長麻得七百三十六日三十日蝕失三十三日經傳誤

三十日當作三十三日

漢末宋仲子集七厯以考春秋 七當作十

禮志上

此志盧學士亦有校本槩于羣書拾補凡盧氏所著錄者不著錄

元帝渡江太興二年始議立郊祀議 宋志作元年誤

乃使侍中成粲草定其儀 宋志作袁粲

武帝咸寧二年春

衍分

大旱四月丁巳詔曰諸旱處廣加祈

請五月庚午始祈雨於社稷山川六月戊子獲澍雨 四

月辛巳朔無丁巳五月庚戌朔庚午月廿一日

涇渭長水雖不在祀典以所咸陽故盡得比大川之祠

所當作近

元帝太興二年皇太子講論語通 宋志作三年

尙書郎劉邵等 宋志無郎字

愍帝建興四年司徒梁芬議追尊之禮帝旣不從而右僕射索綝等 据本紀及綝本傳綝已于建興三年自右僕

射進左僕射此仍云右僕射誤也

盧云右譌

樂志上

正旦大會行禮歌 聖皇居四海應天期 居當作君應

上脫順人二字

樂志下

乃使轉毗王珣等增造宗廟歌詩 宋志曹毗造十一首

王珣造二首此志止載曹毗十首蓋脫歌穆帝一首歌

穆帝

曹毗

孝宗夙愆休音允臧如彼晨離耀景扶桑垂訓

華幄流潤八荒幽贊玄妙爰該典章鹵平僭蜀北靜舊

疆高猷遠暘朝有遺芳

漢時有短簫饒歌之樂

雍離

宋志作翁離

又作攤攤

景龍飛

景龍飛御天威聰鑒玄察動與神明協機從之

者顯逆之者滅夷文教敷武功巍弗違祥享世永長猛以

致寬道化光赫明明祚隆無疆帝績幽惟期有命既集崇

此洪基

武功巍下脫晉被四海萬邦望風莫不來綏聖

德潛斷先天弗違五句

補遺

地理志  
一則

荊州 懷帝又分長沙衡陽湘東零陵邵陵桂陽及廣州  
之始安始興臨賀九郡置湘州 州郡志云湘州晉懷  
帝分荊州之長沙衡陽湘東邵陵零陵營陽建昌江州  
之桂陽立無始安等三郡與此異案宋志是也譙閔王  
承傳有建昌太守長沙王循陶瞻傳歷廬江建昌二郡太守又云零陵  
太守尹奉出軍營陽是湘州有建昌營陽二郡之證然  
二郡置廢本末晉志失載考州郡志三建昌郡晉惠帝  
元康九年分長沙東北下雋諸縣立成帝咸康元年省  
晉志殆以其不久卽省故略而不載乎懷帝紀永嘉元

年八月分荊州江州八郡爲湘州與州郡志合

讀書雜識卷三終

勞檢校字

讀書雜誌卷第四

仁和勞格著

歸安丁寶書述

晉書校勘記

中

后妃傳

武悼楊皇后 中書監張華等 据華傳華是時爲太子

少傅非中書監也傳誤

惠羊皇后 帝還洛迎后復位後洛陽令何喬又廢后及  
張方首至其日復后位 何喬廢后在帝還洛之前上七  
字當是衍文



穆章何皇后 永興三年崩 永興當作元興

王祥傳

泰始五年薨 王隱晉書云泰始四年薨

國志□傳注

與本紀

合案下云時文明皇太后崩始踰月歿后崩亦在四年則云五年者誤矣

鄭沖傳

嘉平三年拜司空

沖封文陽亭侯見魏書此失載

何曾傳

父夔魏陽武亭侯

國志夔傳封成陽亭侯

正元中爲鎮北將軍遷征北將軍進封潁昌侯

魏書公

卿廢齊王奏

齊王紀注

司隸校尉潁昌侯曾則曾於嘉平中

已進封潁昌矣

何劭傳

遷侍中尙書惠帝卽位爲太子太師 劭于太熙初爲中

書令

據楊駿傳惠紀作中書監誤

元康元年八月白太子太師出爲

都督豫州諸軍事鎮許昌傳皆失載師字疑誤

趙王纂位以劭爲太宰永寧元年薨 本紀永寧元年十

二月司空何劭薨是劭又自太宰轉司空矣

是年梁王彤爲太宰

領司徒

子岐嗣

傳暢晉諸公傳贊作斐

石勒載紀有朗陵公

何襲何法盛中興書太元二年封何曾後闡爲朗陵侯  
皆宜補入

石苞傳

詔以苞不料賊勢築壘遏水勞擾百姓策免其官 紀傳  
皆不載苞免官年月通鑑依三十國春秋晉春秋置於  
泰始四年

又敕征東將軍琅邪王伷自下邳會壽春 通鑑攷異云

伷于五年二月始鎮下邳恐傳誤也案伷自撫軍將軍

出爲鎮東大將軍進拜大將軍亦未嘗爲東征也

是年  
衛灌

爲征東  
大將軍

苞曾孫樸位至司徒 据載記樸爲司空非司徒也

石崇傳

出爲征虜將軍假節監徐州諸軍事 案金谷詩序云監

青徐州諸軍事

文選別  
賦注

羊祜傳

其以祜爲尙書右僕射 本紀作左僕射御覽職官部九

引千寶晉紀載武帝詔亦作左僕射

封夫人夏侯氏萬歲鄉侯 李興碑云封萬歲鄉君

杜預傳

遣武昌監劉憲代之 武紀作留憲

陳騫傳

陳騫臨淮東陽人也 孫盛晉陽秋云字休淵

武帝受禪以佐命之勲進車騎將軍封高平郡公遷侍中

大將軍

案騫爲車騎將軍在魏元帝咸熙二年傳誤

官職

志武帝卽位陳騫爲大將軍又武紀泰始元年賈充爲車騎將軍可證此傳之誤

咸寧初遷太尉

本紀在泰始十年

孝武帝以騫玄孫襲爵卒弟子浩之嗣 中興書太元二

年封陳騫後浩之爲高平公與此異

裴秀傳

祖茂漢尚書令

魚豢魏畧云茂歷郡守尚書非尚書令

也

裴頴傳

子嵩嗣爵爲乞活賊陳午所害 中興書太元二年封裴秀後球爲鉅鹿公本傳失載

裴楷傳

長水校尉孫季舒 孫字衍

衛瓘傳

增封菑陽侯 菑陽宋書荀伯子傳作蕭陽

元帝以瓘元孫崇嗣 江夏公衛璠表云臣高祖散騎侍郎璠之嫡孫纂承爵中宗元皇帝以曾祖故右衛將軍

崇承襲則崇當是瓘曾孫傳作元孫疑誤

張華傳

初趙王倫爲鎮西將軍 鎮西當作征西

除佐著作郎頃之遷長史兼中書郎朝議表奏多見施用  
史字疑衍

安平王孚傳

時吳將諸葛恪圍新城以孚進督諸軍二十萬防禁之

吳圍新城在嘉平五年考魏紀孚以嘉平三年三月徙  
尙書令拜司空七月遷太尉此宜在代王淩爲太尉下  
傳列於前誤也又明悼后崩於景初元年今在此後亦

誤

隆立四年咸寧三年薨諡曰穆無子國絕 案國絕下疑

有脫文考武紀咸寧三年正月立安平穆王弟敦爲安

平王

禮志咸寧二年安平穆王薨無嗣以母弟敦繼獻王後

太康二年三月景申

薨五年改安平爲長樂國

懷宇記六十三

立南宮王子祐爲長

樂王

懷宇記作祐

又通典

禮五

穆帝太和六年

太疑永之誤

五月

九日安平王薨又孝武紀太元十一年八月丁亥安平

王邃之薨安紀義熙九年十二月安平王球之薨則江

左尙有嗣封安平者安得云國絕乎

河間王洪傳



魏原武太守

案魏無原武郡疑是原武典農也

地理志無原武

縣續漢書郡國志屬河南地形志云晉罷

更立混爲洪嗣 混本紀作英

隨王整傳

德政碑云字孔修

集古錄

兄奕卒以整爲世子歷位南中郎將封清泉侯先父望薨

金石錄跋尾引整頌云初仕魏拜郎中中郎議郎諫議

大夫騎都尉給事中轉拜治書侍御史咸熙元年出臨

鄱郡

南鄉

加宣威將軍又云謁者就郡拜君世子執節四

讓推與兄嗣固辭懇誠泰伯三美君又加焉又云太始

三年十一月使者奉詔策命君南中郎將牧就統宛都

史不載其餘官闕據史言整爲世子碑言推與兄嗣二說不同當以碑爲正

竟陵王楸傳

尋遷大鴻臚加侍中 本紀元康元年三月以東平王楸爲撫軍大將軍庚戌免本傳失書

齊王冏輔政繇復爲僕射舉楸爲平東將軍都督徐州諸軍事鎮下邳 據本紀楸鎮下邳在永寧元年八月東安復爵在九月傳誤

太原王輔傳

子宏立 宏惠紀作泓

輔弟翼傳

卷之三

以兄邕之支子承爲嗣封南宮縣王薨 武紀泰始六年  
五月立壽安亭侯承爲南宮王承封壽安亭侯本傳失  
載薨下疑有脫文攷武紀太康十年十一月徙南宮王  
承爲武邑王寰宇紀太康十年害長樂國武遂武邑觀  
津爲武邑國封南宮王承爲武邑王惠帝時承薨無後  
省還長樂蓋自南宮縣王進武邑郡王傳亦失載  
子祐嗣立承遂爲後 案立下疑有脫誤蓋祐封長樂王  
以嗣安平王敦非嗣封武邑王也

下邳王晃傳

出爲鎮東將軍都督青徐二州諸軍事 武紀云都督青

州諸軍事

惠帝卽位入爲車騎將軍尋守尙書令 惠紀元康元年

三月下邳王晃爲尙書令與傳微異

高陽王珪傳

遷右僕射

藝文類聚

職官部四

太平御覽

職官部九

引晉諸公贊

作左僕射晉起居注

初學記引

仍作右僕射任愷傳亦作右

僕射則左字誤也

常山王衡傳

以安平世子邕第四子敦爲嗣

敦當作殷武紀咸寧元

年十月常山王殷薨可證

高密王泰傳

從代下邳王晃爲尙書左僕射 武紀作右僕射案晃傳

亦作右僕射此本傳誤也

孝王略傳

遷安北將軍都督青州諸軍事懷帝卽位遷使持節都督  
荊州諸軍事征南大將軍開府儀同三司 惠紀永興元  
年十二月詔以高密王簡爲鎮南將軍領司隸校尉權  
鎮洛陽懷紀永嘉元年三月以征東將軍高密王簡爲  
征南大將軍都督荊州諸軍事鎮襄陽則略嘗由安北

進鎮南又自鎮南遷征東矣傳皆失載

新蔡王騰傳

封東嬴公 地理志無東嬴縣

轉持節寧北將軍都督并州諸軍事并州刺史 寧北當

作平北

北史衛操傳亦作平北

穎遣北中郎將王斌距戰 穎傳作幽州刺史王斌

南陽王模傳

遷鎮東大將軍鎮許昌永嘉初轉征西大將軍開府都督秦雍梁益諸軍事 本紀永嘉元年三月以征南將軍模爲征西大將軍是模嘗自鎮東遷征南矣本傳失書

南陽王保傳

是歲保病薨 本紀太興三年五月晉王保爲其將張春  
所害與傳異

范陽王虓傳

虓與東平王楙鎮東將軍周馥等上言 案馥傳惠帝幸  
鄴以馥守河南尹上官已敗復攝河南尹帝還宮出爲  
平東將軍代劉準爲鎮東將軍馥是時尙是河南尹傳  
作鎮東誤也

濟南王遂傳

子耽嗣立咸寧三年徙爲中山王是年薨 据本紀耽薨

於元康二年九月此疑有誤

勳兵少未能自固復還涼州  
涼當作梁

譙王遜傳

子定王隨立薨 惠紀隨薨于太安元年正月庚子水經  
陰溝水注過水南有譙定王司馬士會冢冢前有碑石  
榜云晉故使持節散騎常侍都督揚州江州諸軍事安  
東大將軍譙定王河內溫司馬公墓之神道其薨諡年  
月及所歷官位可補此傳之缺

譙王恬傳

補吳國內史又領太子詹事 武紀太元十一年四月譙



王恬爲尙書右僕射本傳失書

譙王尙之傳

前將軍王恂 恂當作珣

元顯稱詔西伐命尙之爲前鋒 本紀云劉牢之爲前鋒  
尙之爲後部傳誤

文思爲裕所敗而死國除 据北史休之傳文思從休之  
奔姚興後奔魏位懷荒鎮將譙王此云敗死微誤

司馬休之傳

竇朔將軍張暢之高平相劉懷肅自沔攻振走之 走之  
當作斬之

習陽亭侯順傳

順初封習陽亭侯 國志杜恕傳注作龍陽亭侯

西河王斌傳

西河繆王斌字子政 水經原公水注繆王作恭王子政

作子盛

三年改封西河 三年上脫咸寧二字水經注引斌碑云

王以咸寧四年改命爵土趙一清曰善長親見此碑或  
是史誤

清惠亭侯京傳

齊王問表以幾嗣後問敗國除 据問傳問三子淮南王

超樂安王冰濟陽王英無幾名且幾旣爲機嗣則不當亦名幾也疑傳誤

扶風王駿傳

又詔駿遣七千人代涼州守兵樹機能侯彈劾等欲先劫

佺兵 佺字恐譌

及齊王攸出鎮駿表諫懇切以帝不從遂發病薨 案齊

王出鎮事在太康三年駿薨于七年九月傳誤

新野王歆傳

武王薨後兄暢推恩請分國封歆太康中詔封新野縣公

邑千八百戶儀比縣王 水經注清又南逕新野縣故城

西晉咸寧二年封大司馬扶風武王少子歆爲新野郡

公割南陽伍屬

伍屬卽五縣

棘陽蔡陽穰鄧山都封焉

棘陽等四

縣晉志屬義陽此作南陽義陽故屬南陽也山都晉志屬襄陽

與本傳不合案酈注誤

也歆封新蔡据本紀在太康十年十月非咸寧二年也

是時封新野縣公非郡公也其進封郡王在惠帝永寧

元年則新野置郡當亦在是時地理志云惠帝分南陽

當作義陽

立新野郡盛宏之荊州記以爲在元康九年

### 梁王彤傳

進號安東將軍元康初轉征西將軍代秦王東都督關中  
軍事鎮護西戎校尉 本紀元康元年四月癸亥以征東

將軍梁王彤爲征西大將軍都督關西諸軍事則彤嘗  
自安東進號征東矣

代趙王倫鎮關中都督涼雍諸軍事 本紀云都督雍梁  
二州諸軍事

永康二年薨 永康當作永寧

近者太尉陳準異姓之人加弟微有射鉤之隙 微當作  
徽卽淮南王允傳中之太子左衛率陳徽也

子珍之立 檀道鸞續晉陽秋云字景度

樂安王鑑傳

咸寧初以齊之梁鄒益封 地理志脫梁字

王沈傳

武帝卽王位拜御史大夫守尚書令 案是時裴秀爲尚

書令傳疑有誤

王浚傳

遷寧北將軍青州刺史尋徙寧朔將軍持節都督幽州諸  
軍事 案晉無寧北將軍軍號考通典晉官名寧朔下有

寧遠將軍

寧朔第四品  
寧遠第五品

此傳寧北疑是寧遠之誤或以

爲當作平北者非是 又案宋書百官志上寧遠將軍

晉江左置則是時尙無寧遠軍號然考之山濤傳云出  
爲冀州刺史加寧遠將軍在武帝時胡母輔之傳尋除

寧遠將軍揚州刺史在懷帝時則晉中朝已有此官非江左置也沈氏誤

惠帝旋洛陽轉浚驃騎大將軍懷紀於永嘉二年三年兩書安北將軍王浚四年始書驃騎將軍王浚爲司空則浚之進驃騎當在永嘉三年以後矣

太元二年詔興滅繼絕封沉从孫道素爲博陵公中興書云封王沉後朴之爲博陵公與傳不合

義熙十一年改封東莧郡公地理志有東莞郡無東莧郡案易夬卦莧陸虞翻讀莧爲夫子莧尔而矣之莧今本論語从唐石經作莞釋文云莧古莞字

馮統傳

統兄恢自有傳 今本晉書無恢傳

楊駿傳

其以駿爲太尉太子太傅假節都督中外諸軍事錄尙書  
領前將軍如故

云云

詔成帝親視而無言自是二日而崩

案本紀太熙元年四月辛丑以侍中車騎將軍楊駿爲  
太尉都督中外諸軍錄尙書事己酉帝崩相去凡九日

傳云二日誤

天文志下  
作乙酉

魏舒傳

遷宜陽滎陽二郡太守 地理志宜陽縣屬宏農不云魏



立爲郡考國志高柔傳有宜陽典農劉翹則舒當是宜陽典農非太守也傳誤考魏武興屯田後置典農中郎將典農都尉典農校尉之官典農中郎將秩比二千石見魚豢魏畧不繫於郡亦有以太守領典農者孟康以恒農校尉見漢書敘例傳玄以宏農太守領典農校尉見本傳故太守典農往往互稱如河間王洪爲原武太守卽原武典農也國志后妃傳毛曾爲原武典農太原王輔爲野王太守卽野王典農也曹爽傳共分割洛陽野王典農部桑田數百頃安平王孚嘗爲野王典農中郎將見水經沁水注楊肇除野王典農中郎將見陞碑魏舒遷宜陽太守卽宜陽典農也或疑魏曾立原武野王宜陽三郡者非是

李熹傳

遷御史中丞尋遷大司馬以公事免 司馬下當有脫文  
司馬卬爲寧北將軍鎮鄴 寧北當从卬傳作寧朔

劉寔傳

遷太保轉太傅大安初以老病遜位 本紀永興三年三  
月太傅劉寔爲太尉本傳失書

王渾傳

封子澄爲亭侯 國志王昶傳注引晉書云封一子江陵  
侯

王濬傳

王戌克荆門夷道二城獲監軍陸晏乙丑剋樂鄉獲水軍督陸景 吳志陸抗傳二月壬戌晏爲王濬別軍所殺癸亥景亦遇害與傳微異

壬寅濬入於石頭

孫皓傳作壬申

武紀同

拜濬輔國大將軍領步兵校尉舊校唯伍置此營自濬始也 通鑑考異云職官志屯騎步兵長水越騎射聲校尉是爲五校竝漢官也則步兵之官非自濬始武紀是年六月丁丑初置翊軍校尉官疑濬所領者翊軍也案宋書百官志下云翊軍晉武帝太康初置始爲臺校尉而以唐彬爲之考彬傳亦云徵拜翊軍校尉則爲翊軍

者是唐彬非王濬也

山濤傳

太康初遷右僕射 本紀咸寧四年三月以尚書右僕射

山濤爲左僕射則濤之遷右僕射當在咸寧初傳云太

康初誤

太平御覽職官部九引晉書曰太康元年以山濤清虛恬簡轉爲左僕射

興中之後詔天下罷軍役濤因與盧欽論用兵之本以爲

不宜去州郡武備 盧欽卒於咸寧四年不逮平吳時也

傳誤

山簡傳

與宏農楊淮齊名 淮當作準

永嘉三年出爲征南將軍都督荆襄交廣四州諸軍事假

節鎮襄陽 襄當作湘

王濬傳

劉琨謂澄曰卿形雖散朗內實動俠以此處世難得其死  
動俠世說讒險篇作勁俠劉注引鄧粲晉紀亦作勁俠  
胡三省通鑑音注曰其性輕易動又豪俠自喜未免迂  
曲

盧欽傳

龔父爵大利亭侯 据國志盧毓傳初封關內侯進高樂  
亭侯更封大梁鄉侯封一子高亭侯不云封大利亭侯

也

華表傳

詔以爲大中大夫 華嶠譜敘云拜光祿大夫

司隸王宏等 譜敘作王密案密爲司隸在元康中宜从

本傳

華廙傳

廙棲遲家巷垂十載太康初大赦乃得襲封 案自咸寧

元年至太康初祇五年非十年也

進位光祿大夫開府儀同三司 晉諸公傳贊云追贈光

祿大夫開府與傳異

三子混蒼恒 混晉諸公傳贊作昆

石鑒傳

太康末拜司空 紀在太熙元年三月

劉毅傳

羽林左監北海王宮 宮疑作寔

和嶠傳

祖洽魏尚書令 案國志洽傳洽官至大常非尚書令也

父迥魏吏部尚書 迥國志作適誤

後與荀顗荀勖同侍帝曰太子近入朝差長進卿可俱詣之粗及世事既奉詔而還顗勖並稱太子明識宏雅誠如

明詔嶠曰聖質如初耳

案稱太子者于寶以爲荀勗

見魏

志荀或傳注

孫盛以爲荀勗

世說方正篇注

皆誤裴松之以爲荀愷

是也此云顗勗同侍亦誤

惠帝卽位拜太子太傅

賈愷傳云和嶠爲少保晉諸公

贊

御覽職官部四十二引

惠帝以吏部尙書和嶠爲太子少保

元康二年卒永平初策諡曰簡

平字疑誤

武陔傳

遷左光祿大夫

虞預晉書云右光祿大夫

子輔嗣

輔唐書宰相世系表

十四上

作越又云越生威遠

將軍嗣薛侯舖



侯史光傳

子施嗣東莞太守 施蔡豹傳作施

何攀傳

遂詣梁州拜表證晏不反 常璩後賢志云詣洛

出爲東羌校尉徵爲揚州刺史 常志云轉東羌校尉西

虜寇邊遣長史楊威討之遠攀指授失利徵還領越騎

校尉河南尹遷揚州刺史

卒於洛陽時年五十八 常志云年五十七追贈司農印

綬謚曰桓公

李重傳

父景秦州刺史都亭定侯

景永嘉流人名作康

世說賢媛篇注

王隱晉書作秉

國志李通傳注緒子秉字玄胃有雋才爲時人所貴官至秦州刺史

傳作

景係唐史臣避世祖嫌諱改

于時內官重外官輕兼階級繁多重議之見百官志

今

本晉書無百官志考臧榮緒晉書有百官志載重議曰

中書郎李重以爲等級繁多在職不得久又外選輕而

內官重以使風俗大弊宜釐改重外選簡階級使官人

議曰古之聖上

御覽作王

建官垂制所以體國經治而功在

簡易自帝王而下世有增損舜命九官周分六職秦採

古制漢仍秦舊倚丞相任九卿雖置五曹尙書令僕射

之職始於掌封奏以宣外內事任尙輕而郡守牧民之

官重故漢宣稱所與爲治惟良二千石其有殊政者

此下

御覽有輒璽書勉勵五字或賜爵進秩諒

御覽有禮遇豐厚得五字無諒字

爲治大

體所以遠

藝文類聚作追

蹤三代也及至東京尙書雖漸優顯

然令僕出爲郡守便入爲三公

藝文類聚郡守下有鍾離意黃香胡廣是也郡

守十一字無虞延第五倫桓虞鮑昱是也近自魏朝名

守杜畿滿寵田豫胡質等居郡十餘二十年

疑有脫誤或秩

中二千石假節猶不去郡

此下御覽有或還不易方五字

此亦古人苟

善其事雖沒世不徙官之義也漢魏以來內官之貴於

今最隆

此下御覽有太始以前多以散官補臺郎亦徑補黃門中書郎而今皆數等而後至眾職率亦

如此陵遲之俗未反篤尚之風未治四十五字而百事等級遂多遷補轉徙如

流能不以著黜陟不得彰此爲治之大弊也夫階級繁

多而望官久官不久而望治功成不可得云虞書云三

考黜陟幽明周官三平大計羣吏之治而行其誅賞漢

官法人或不直秩

御覽直作眞秩下有京房爲魏郡太守以八百石居之十三字

魏初

用輕資亦先試守不稱繼以左遷然則雋才登進無能

降退此則所謂有知必試而使人以器者也臣以爲令

宜大并羣官等級使同班者不得復稍遷又簡法外議

罪之制明試守左遷之例則官人理書

御覽人下有士之字書作盡

必量能而受爵矣居職者自久則政績可考人心自定

務求諸已

羣書治要

傅咸傳

中郎李重李義不相匡正請免戎等官 義當作毅李毅  
字茂修舊史闕其行事潘尼贈李郎詩序曰元康六年  
尙書吏部郎汝南李光彥遷汲郡太守其字不同

起以議郎長兼司隸校尉 長兼字當起于此胡三省以

爲始于孔愉非是

傳祇傳尋表兼廷尉表兼疑是長兼之誤

傳祇傳

宣帝暢行河陰令 閻鼎傳作河陽

昔魯芝爲曹爽司馬斬關出赴爽宣帝義之尙遷青州刺

史 夏侯湛爲魯芝銘于寶晉紀並云擢并州刺史考  
芝傳亦云爲并州刺史此云青州疑誤

向雄傳

初仕郡爲主簿事太守王經 案經爲司隸校尉辟雄爲

都官從事非河內太守也

雄河內  
山陽人

太守劉毅嘗以非罪答雄 劉毅當从世說方正篇作劉

準

今本作  
淮誤

閻纘傳

祖圃封平樂鄉侯 魏公卿上尊號奏有建節將軍平樂

亭侯臣圃卽閻圃也但此作鄉侯疑黃初中所進封也

父璞嗣爵仕吳至牂牁太守 案牂牁郡未嘗屬吳吳字

疑衍

駿從弟模告武陵王澹 駿字疑誤

阮瞻傳

舉止灼然 孫志祖曰止字疑衍灼然者晉世選舉之名  
于九品中正中爲第二品也溫嶠傳後舉秀才灼然二  
品鄧攸傳舉灼然二品爲吳王文學

向秀傳

後爲散騎侍郎轉黃門侍郎散騎常侍在朝不任職容迹  
而已 案任愷傳庾純張華溫顥向秀和嶠之徒皆與愷

善楊玘王恂華廙等充所親敬于是朋黨紛然則秀實  
係奔競之徒烏得云容迹而已哉

謝鯤傳

永興中長沙王乂入輔政 永興當作太安

曹志傳

武帝爲撫軍將軍迎陳留王于鄴 据武紀帝時爲中護  
軍非撫軍將軍也

九年卒 此太康九年也許猛與舊君不通服議曰元康

四年薨

見通典禮  
五十九

庾峻傳



祖乘漢司徒辟有道徵皆不就 元和姓纂云魏襄城令

父道廉退貞固 道字誤庾氏譜元和姓纂鄧名世姓氏

辨證皆作遁

庾珉傳

懷帝之陷劉元海也 劉元海當作劉聰

王接傳

東海王越率諸侯討黜尙書令王堪統行臺 晉諸公傳

贊曰東海王越表王堪爲尙書右僕射假節都督奉迎

諸軍事傳作尙書令微異

長子愍期流寓江南緣父本傳意更注公羊 愍期字門

子

陸德明經典釋文敘錄

歷溫嶠平南督護

成紀

陶侃太尉右司馬

加督護

陶侃傳

庾亮征西司馬

庾亮傳

南郡太守

庾翼傳

南蠻

校尉

宋書庾翼王欽之傳

散騎常侍辰陽伯注公羊十二卷

經典敘錄

羊論

二卷晉車騎將軍庾翼問王愆期荅亡

子尋之光

祿大夫孫肇之豫章公相

宋書

華譚傳

太康中刺史嵇紹舉譚秀才

据紹傳紹於太康中未嘗

爲揚州刺史譚傳嵇紹疑是嵇喜之誤

晉百官名曰嵇喜字公穆歷揚

州刺史嵇含傳作徐州

讀書雜識卷第四

終

勞檢校字



讀書雜誌卷第五

仁和勞格著

歸安丁寶書述

晉書校勘記

下

愍懷太子傳

以何劭爲太師

通典

職官十二

景帝諱師故改太師爲太師

則師字當是帥字之誤

太子太傅楊濟息

太傅當作太保

中護軍趙俊請太子廢后

俊字誤陸雲傳作趙浚

右衛督司馬雅

趙王倫傳作左衛司馬督

六月己卯葬于顯平陵 己卯當从本紀作壬寅

六月庚寅朔無

卯已

子臧永康元年四月封臨淮王己巳詔立臧爲皇太孫

本紀在五月宋書五行志

三

作四月丁巳

子尙永康元年四月封爲襄陽王 本紀在五月

陸喜傳

喜字恭仲

吳錄作文

仲

孫綽傳

揚州刺史殷浩以爲建威長史 建威當作建武

羅憲傳

時大將軍閻宇都督巴東襄陽記作右大將軍是也

時姜

維爲大將軍

憲距守經年救援不至据襄陽記憲被攻凡六月非經

年也傳誤

子襲至廣漢太守襄陽記追贈廣漢太守

滕修傳

滕循孫皓傳作滕循漢建循脩通用

竝子含討蘇峻有功封夏陽縣開國侯夏陽本紀作陽

夏竝法苑珠林

受福篇施福部感應緣

引冥祥記作普又云普子

含以蘇峻之功封東興興紀傳又異

馬隆傳

魏兖州刺史令狐愚坐事伏誅 据魏志王淩傳愚死于

嘉平元年以謀立楚王彪發冢剖棺暴尸非伏誅也

胡奮傳

遷左僕射

左當作右武紀太康九年可證

是年王渾爲左僕射

烈字武玄

晉諸公傳贊作元武

陶璜傳

交趾太守孫翊

南中志作孫靖

興尋爲功曹李統所殺帝更以建寧爨谷爲交趾太守

据南中志谷爲交趾太守在興未死之前

牙門王業爨能 南中志作王素爨熊

趙誘傳

子允遷西豫州刺史卒於官 西字衍

周處傳

處少孤未弱冠膂力絕人好馳騁田獵不修細行縱情肆

慾鄉里患之云云案此采自宋臨川王義慶世說予以處

傳及陸機傳覈之知係小說妄傳非實事也案處沒於

惠帝元康七年處碑作九年  
誤此依本紀年六十有二推其生年當

在吳大帝之赤烏元年陸機沒于惠帝太安二年年四

十三推其生年當在吳景帝之永安五年赤烏與永安



相距二十餘載則處弱冠之年陸機尙未生也此云入吳尋二陸未免近誣又考陸機傳年二十而吳滅退居舊里是吳未亡之前機未嘗還吳也或以爲處尋二陸當在吳亡之後其說亦非也考吳亡之歲處年亦四十三筮仕已久据本傳處仕吳爲東觀左丞無難督故王渾之登建鄴宮處有對渾之言如使吳亡之後處方厲志好學則爲東觀左丞無難督者果何人乎以此推之知世說所云盡屬謬妄晉書不加考核遽採入本傳可謂無識劉子元譏其好採小說誠非過也 又案處碑世傳陸機所撰亦有來吳事余厥弟之語此碑係唐陳

從諫所重樹竄改舊文事迹錯互不可盡據以爲信

仕吳爲東觀左丞孫皓木爲無難督碑云吳朝州縣交

辟太子洗馬東觀左丞中書右丞五官郎中左右國史

遷大尚書僕射東觀令太常卿無難督使持節大都督

塗中京下諸軍事封章浦亭侯傳止載其爲東觀左丞

無難督二官未免太略寰宇記章浦亭在宜興縣西二十五里浦側藏榮緒晉書周處

封章浦亭侯吳志孫皓傳天璽元年吳興陽羨山有

空石長十餘丈名曰石室在所表爲大瑞乃遣兼司徒

董朝兼太常周處至

陽羨縣封禪國山

入洛稍遷新平太守碑云初入拜諮議郎除討虜護軍

新平太守

追贈平西將軍元帝爲晉王將加處策諡云

碑云封關

碑云封關

內侯建武元年冬十一月甲子追贈平西將軍封清流亭侯

三子玘靖札 碑云四子靖玘札碩傳失載碩名又以靖爲玘弟皆非也

周玘傳

冰遣其將羌壽領數萬人距玘 廣韻十作羌迪

時右將軍陳敏自廣陵率眾助玘 据敏傳時爲廣陵度

支非右將軍也

密遣使告鎮東將軍劉準 陳敏傳作征東案劉喬傳詔

使征東大將軍劉準等攻范陽王虓于許昌在敏未反之前知此傳鎮字誤也

周撫傳

隗支鄧定等復反立范賢子賈爲帝撫與龍驤將軍朱壽擊破斬之 壽當作燾本紀亦誤

征西督護蕭敬文作亂殺征虜將軍楊謹 本紀作楊謙

周楚傳

以楚監梁益二州假節 海西公紀云監益寧二州

蜀盜李金銀 本紀作金根

周虓傳

後又與堅兄子苞謀襲堅 也載記作陽

周光傳

復除仲孫堅益豫梁之三郡 豫字衍梁州三郡巴西梓

潼宕渠也

汝南王祐傳

子義立官至散騎常侍薨 義武紀作義

西陽王羨傳

鎮南將軍裴楷與之親姻 鎮南楷傳作安南

趙王倫傳

遷平北將軍督鄴城守事進安北將軍元康初遷征西將

軍開府儀同三司鎮關中 本紀元康元年八月庚申以

趙王倫爲征東將軍都督徐兗二州諸軍事本傳失去

未載

尙書始疑詔有詐郎師景露版奏請手詔 廣韻五五帥

質帥

亦姓本姓師晉景帝諱改爲帥晉有尙書郎帥曷則此  
師字當是帥字之誤曷作景係唐史臣避世祖諱改

齊王冏傳

司徒王戎司空東海王越說冏委權崇讓 据戎傳時爲

尙書令非司徒也

幽其子淮陵王超樂安王冰濟陽王英于金墉 陵當作

南又樂安平王傳以濟陰萬一千二百一十九戶改爲  
廣陽國立冰爲廣陽王此仍作樂安王亦誤

太元中詔以故南頓王宗子柔之襲封齊王 頓傳云三  
子綽超演無柔之名南史孝義司馬暠傳高祖柔之以南

頓王孫紹齊王攸後則子宇當是孫字之誤

成都王穎傳

頓王太守鄭琰爲右長史 琰當作球

左將軍王輿 左下脫衛字

以平原內史陸機爲前鋒都督前將軍假節 機傳云假  
機後將軍河北大都督

左衛將軍陳眡 本紀作右衛眡太尉廣陵公準子

乃遣奮武將軍石超率兵五萬次于蕩陰 超傳作振武

平北將軍王浚 浚傳自寧朔將軍進安北將軍此云平

北誤也

惠紀作安北

寧北將軍東瀛公騰 寧北當作平北

浚屯冀州不進與騰及烏丸羯朱襲穎 羯朱水經濁漳

水注作渴末

穎自華陰趨武關出新野帝詔鎮南將軍劉弘南中郎將

劉陶收捕 陶字正輿時爲揚州刺史

永嘉中立東萊王蕤子遵爲穎嗣封華容縣王 遼東王



定國傳齊王攸以長子蕤爲嗣蕤薨子遵嗣則遵所嗣

封者東萊王

蕤自遼東徙東萊王

非華容縣王也遵字疑誤

### 河間王顥傳

元康九年代梁王彤爲平西將軍鎮關中 本紀作鎮西

永寧元年詔稱征西大將軍河間王顥則文載當由平

西進位征西本傳失載

李含傳趙王倫篡位以爲東武陽令河間王表請含爲征西司

馬則河間王之進位征西當在趙王篡位之後

詔以彭城元王植子融爲顥嗣改封樂成縣王薨無子建

興中元帝又以彭城康王釋子欽爲嗣 成紀咸和五年

九月甲辰徙樂安王欽爲河間王六年六月景申復故

河間王顥爵位封彭城王植子顥爲樂成王

考異曰句疑有誤欽

已嗣顥不當更有嗣樂成者亦不當與顥同名

疑有誤欽

予疑十一字當是衍文

字疑是融字之誤

欽爲散

騎常侍興寧三年三月癸酉薨

海西公紀

諡武王

司馬紹子

曇之嗣爲游擊將軍

謝玄傳

太元九年十月丁巳薨

武紀

景王

司馬墓誌

子國鎮嗣隆安三年二月甲辰薨

安紀

子道賜

嗣義熙十一年五月從司馬休之奔秦秦滅降魏

道賜

河間史無明文姚興載記作新蔡王惠宋受禪國除未嘗

奔秦也考北史司馬休之傳云姚泓滅休之與文思及

河間王子道賜等數百人將妻于降于長孫嵩魏書亦

云河間王曇之之子則道賜爲曇之

之子無疑載記新蔡當是河間之誤

東海王越傳

太安初帝北征鄴 太安當作永興

冀州刺史丁劭 劭當作紹

散騎侍郎高韜有憂國之言越誣以訕謗時政害之 案  
高光傳子韜放佚無檢東海王越輔政不朝觀韜知人  
心有望密與太傅參軍姜頤京兆杜概等謀討越事泄  
伏誅据越傳則韜當是忠直之士据光傳則韜實係凶  
險之徒二傳之中忠邪互異吾誰適從

孟觀傳

署爲安南將軍監河北諸軍事假節屯宛 河北當作沔  
北

永饒治令空桐機斬觀首

通志氏族畧

空相氏史記

商後有空相氏晉惠時有空相機

今本史記作空桐氏

廣韻四十漾

亦作空相機元和姓纂作京相誤

賈疋傳

愍帝以疋爲驃騎將軍雍州刺史封酒泉公

本紀加疋

征西大將軍

西平太守竺恢亦固守

西平當从載記作新平

新平屬雍州西

平屬涼州

周浚傳

父裴少府卿

裴當作裴裴著汝南先賢傳五卷見隋書

經籍志

鄉人史曜素微賤 曹嘉之晉紀曰曜字季茂官至中書

郎

藝文類聚

澹乃直指三江山 江字衍

臣叔父子恢稱重臣宗 朱學勤曰世說

品藻篇

引王隱晉

書曰恢仕至秦相秩中二千石祖斐永寧少府父隆州  
從事則浚之於恢當是兄弟之子非叔父子也傳誤

苟晞傳

後高密王泰討青州賊劉根 泰當作略

破汲桑故將公師藩敗石勒于河北進位撫軍將軍 懷

紀永嘉元年八月撫軍將軍荀晞敗汲桑於鄴則未破汲桑之前已進位撫軍矣

端承制以晞領太子太傅都督中外諸軍錄尚書 懷紀云晞自領尚書令

### 劉喬傳

使鎮南將軍劉弘征東大將軍劉準平南將軍彭城王繹與喬并力攻虓于許昌 下文又云又遣劉弘劉準彭城王繹等率兵援喬据本紀知同是一事而複出也

琨率突騎五千濟河攻喬 琨傳云乞師于王浚得突騎八百人東海王越傳云虓遣督護田徽以突騎八萬人

進人數多寡三傳不同未知孰是

喬眾不敵而潰喬復收散卒屯于平氏 下文又云喬眾  
遂散與五百騎奔平氏亦同是一事而複見也

越薨復以喬爲都督豫州諸軍事鎮東將軍豫州刺史卒  
于官 据石勒載記喬於永嘉五年爲石勒所害傳云卒  
于官誤也 禮志中 尙書安眾男臣先表中兵曹郎王  
祐名犯父諱求解職云云又劉湛傳湛出繼伯父淡襲  
封安眾縣五等男先當是祐之子淡當是先之子湛是  
淡弟柳之子皆宜補載

劉柳傳

出爲徐兗江三州刺史卒 案紀義熙十二年六月己酉

新除尚書令都鄉侯劉柳卒柳爲尚書令封都鄉侯本

傳失書

劉琨傳

永嘉元年爲并州刺史加振威將軍 本紀永嘉四年十

月平北將軍劉琨爲平北大將軍本傳失載

屬上黨太守龔醇降于聰雁門烏丸復反琨親率精兵出

禦之聰遣子粲及令狐盛乘虛襲晉陽 案本紀龔醇

降賊

龔醇本紀作雁門

事在永嘉三年七月晉陽降粲在永嘉

六年七月二事本不相蒙疑傳誤又通鑑考異引琨上



太子賤云聰以七月十六日復決計送死臣卽自東下  
率中山常山之卒並合樂平上黨諸軍未旋之間而晉  
陽傾潰十六國春秋亦云琨收兵常山傳云琨出禦烏  
丸亦誤

留其將箕澹段繇等戍晉陽 箕澹石勒載記作姬澹  
移居陽邑城 陽邑當作陽曲

冠軍將軍允護軍將軍繇 据愍紀允時爲領軍將軍繇  
時爲安東將軍

屬石勒攻樂平太守韓據 据本紀作韓據  
祖述傳

帝乃以逖爲奮威將軍豫州刺史 元紀建武元年六月

石季龍圍譙城平西將軍祖逖擊走之又太興二年兩  
書平北將軍祖逖是逖嘗由奮威進號平西由平西轉  
平北傳皆失載

陳川以眾附石勒逖率眾伐川石季龍領兵五萬救川逖  
設奇以擊之季龍大敗 本紀大興二年五月平北將軍  
祖逖及石季龍戰于浚儀王師敗績此云季龍大敗非  
其實也

石勒使成皐縣修逖母墓因與逖書求通使互市逖不報  
書而聽互市收利十倍 案石勒載記云逖遣參軍王

愉使于勒贈以方物修結和好勒遣左常侍董樹報聘  
與此不合案土稚志清中原無緣與石勒通使疑當從  
本傳爲是

李矩傳

劉岳以外援不至降于石季龍 載記云季龍攻劉岳于  
石梁石梁潰執岳送襄國傳云降于石虎恐誤

段匹磾傳

建武初匹磾推劉琨爲大都督結盟討勒 案下文又云  
琨與匹磾結盟俱討石勒亦同是一事而重出也

匹磾著朝服持節賓從出見季龍 載記云匹磾輿櫬出

降與此不合

郭默傳

默將張丑宋侯等 陶侃傳作宗侯

東海沖王祗傳

泰始九年五月受封 本紀在三月

通鑑同

淮南忠壯王傳

太康十年徙封淮南仍之國都督揚江二州諸軍事鎮東  
大將軍假節 案地理志元康元年割揚州之豫章鄱陽  
廬陵臨川南康建安晉安荊州之桂陽安成武昌合十  
郡置江州則是時未有江州江二二字疑衍或允後進

督江州傳終而言之

譙定王石榜云都督揚州江州諸軍事

徽兄淮時爲中書令 淮當作準卽廣陵公陳準也

清河康王遐傳

子銓 二年立爲皇太子 本紀在元年三月庚午

洛京傾覆沒於劉聰 太子被害年月不見於懷紀考王

彌傳彌等陷京城殺皇太子詮則詮當沒于永嘉五年

又元紀太興三年五月景寅孝懷帝太子詮遇害於平

陽則詮當沒于太興三年非永嘉五年也紀傳牴牾未

知孰是考王導傳孝懷太子爲胡所害始奉諱云云始

知太子實沒于永嘉五年江左以太興三年始奉諱故

繫之元紀雖似不同實未始不合也詮謚殤太子見禮志

吳王晏傳

吳敬王晏 上文李夫人生吳孝王晏愍紀亦作孝王傳云敬王疑誤

祥嗣淮南王允 淮南王允傳齊王問以息超繼允後問敗起被幽後更以吳王晏子祥爲嗣則祥之嗣淮南當在太安元年以後考本紀永寧元年八月己巳徙南平王祥爲宜都王是祥未嗣淮南之前初封南平改封宜都傳俱不載

國初封漢王改封濟南 固惠紀作國又始平王裕傳以淮南王允子迪爲嗣改封漢爲趙王倫所害固封於永寧元年在迪被害之後疑固亦出繼始平也

東海王沖傳

隆安三年安帝詔以會稽忠王次子彥璋爲東海王 本紀在四年十一月

會稽王道子傳

左將軍謝琰 左當作右

王導傳

咸和五年薨時年六十四 咸和當作咸康以戴洋傳考

之則導當生於咸寧二年丙申下距咸康五年得年六十五非六十四也

王珣傳

二年恭復舉兵假珣節進衛將軍都督琅邪水陸軍事  
本紀三年四月乙未加尙書令王珣衛將軍在王恭舉  
兵之後

四年以疾解職歲餘卒 紀在四年五月景寅

王協傳

元帝撫軍參軍 元帝未嘗爲撫軍疑是簡文之誤

王謐傳



護軍將軍劉毅 護軍當作冠軍

劉弘傳

字和季 晉陽秋云字叔和水經沔水注引襄陽耆舊傳云字和季

爲監朔將軍假節監幽州諸軍事領烏丸校尉封宣城公水經□□水注引□侯陵過紀云元康四年君少護烏丸校尉監朔將軍封宏鄉侯本傳失載

太安中張昌作亂轉使持節南蠻校尉荊州刺史時荆部守宰多闕弘請補選帝從之 晉陽秋云帝在長安命宏得選用宰守與此不同

陶侃傳

振威將軍周訪 訪傳作振武

王機勸弘取廣州 機傳作交州是也

又遣部將許高討機斬之 機傳云討機走之病死於道

溫嶠傳

鄱陽內史紀瞻 紀瞻成紀鄧岳傳作紀睦案紀瞻卒於

明帝時距咸和三年已四年矣且瞻亦未嘗爲鄱陽內

史

奮威長史滕含抱天子奔於嶠船 本紀作建威長史蘇

峻傳作輕車長史

郗鑒傳

遷車騎將軍都督徐兗青三州軍事兗州刺史假鎮廣陵

本紀云都督青兗二州軍事

輔軍將軍虞潭 輔軍當作輔國

郗隆傳

尋加監東將軍 監字疑誤

顧榮傳

子毗嗣官至散騎侍郎 孫恩傳有嘉興公顧盾

賀循傳

征東將軍周馥上循領會稽相 征馥傳作鎮

劉隗傳

拜鎮北將軍都督青徐幽平四州軍事假節加散騎常侍  
率萬人鎮泗口 元紀云鎮淮陰  
戴若思傳

出爲征西將軍都督兗豫幽冀雍并六州諸軍事假節加  
散騎常侍鎮壽陽 元紀云司兗豫并冀雍六州諸軍  
事司州刺史鎮合肥當是時劉隗督幽州疑是傳誤  
戴邈傳

卒諡曰穆子謚嗣 据此則邈當有封爵傳旣不載所封  
之爵邑則此句無根

應詹傳

鎮南將軍山簡 鎮當作征

封觀陽縣侯 成紀作觀陽伯誤

以咸和六年卒 六當作元

卞壺傳

父粹右軍將軍 趙王倫傳作左軍

征東將軍周馥請爲從事中郎 征馥傳作鎮

卞敦傳

及勒寇彭澤 本紀云攻陷下邳是也

明帝之討王敦也以爲鎮南將軍假節 本紀云右將軍

卞敦守石頭與此異袁瓌傳王敦平爲鎮南將軍卞敦傳同

庾亮傳

戰於建陽門外 本紀庾亮又敗於宣陽門內

寇陷邾城亮陳謝自貶三等行安西將軍有詔復位尋拜司空餘官如故固讓不拜 本紀亮爲司空在咸康四年五月趙陷邾城在五年九月此書拜司空在邾城旣陷之後未免失次

三子彬羲繇 彬庾氏譜作會

世說方正篇注

庾羲傳

初爲吳興內史 義又爲會稽內史見庾楷傳吳國內史  
見南史本傳失書

子準 寶泉述書賦注云準字彥祖

準子悅義熙中江州刺史 宋書悅傳云以口廣口之功  
追封新陽縣五等男此失書

庾懌傳

贈侍衛將軍 侍字下疑有脫誤

庾冰傳

出補吳興內史 興一作國國字是也

以本號除都督江荆益梁交廣七州豫州之四郡軍事

領江州刺史假節鎮武昌 康紀都督荆江司雍益梁六  
州諸軍事江州刺史與此異

庾希傳

太和中希爲北中郎將徐兗二州刺史 紀在隆和元年  
此云太和誤又興元元年希加都督青州諸軍事此失  
書

庾翼傳

授都督江荆司雍梁益六州諸軍事 穆紀都督江荆司  
梁雍益寧七州疑後所增督也

破蜀將李桓於江陽 康紀作李恒



桓豁傳

逐太守桓淡據苑城以叛 苑當作宛

桓石虔傳

太元十三年卒 本紀十四年誤蓋爲荊州石民非石虔也

桓振傳

後與馮該子宏自出湏城 据桓元傳乃符宏非馮宏也

桓石民傳

與石虔攻符堅荊州刺史梁城等於竟陵 城當作成

本作成

尋而苻堅敗於淮肥 堅敗石民未口荊州之前此誤當  
作尋而苻堅敗亡

桓石綏傳

走江西塗中 當作涂中

後爲梁州刺史傳歆之所殺 宋書傳弘之傳作傳韶

桓沖 又從溫破姚襄及虜周城 城當作成

堅使其將郝貴守襄陽 本紀作都貴

又遣上庸太守郭寶伐堅魏興太守褚垣上庸太守段方  
並降之新城太守麴常遁走三郡皆平 据本紀此事在  
太元九年傳列于此未免失次

王坦傳

追贈安北將軍 謝濤墓誌作平北

荀崧傳

潁川臨潁人 荀彧傳云潁陰人

父潁羽林右監安陵鄉侯 据彧傳潁嗣廣陽鄉侯非安陵鄉侯也

荀羨傳

穆帝又以爲撫軍參軍 穆帝當是簡文帝之誤

尋遷建威將軍吳國內史 本紀作建武

時年二十八 宋書謝晦傳二十七南史作二十九並誤

及慕容儁攻段蘭于青州 蘭當作龕

升平二年卒時年三十八 二年當作三年說見前

范汪傳

除都督徐兗青冀四州揚州之晉陵諸軍事 本紀都督

青兗徐冀幽五州

劉惔傳

宏弟演字冲皞 晉諸傳贊演作漢冲作仲

魏志管輅傳注

張憑傳

祖鎮蒼梧太守 張蒼梧碑曰字義遠泰安中除蒼梧太

守討王含有功封興道縣侯

王舒傳

時敦被徵爲秘書監 敦傳云永嘉初徵爲中書監此誤

王允之傳

除建武將軍錢唐令 王羲之與郗公書作建威

王廙傳

子頤之嗣 謝濤墓誌云字脩年

胡之子茂之 南史王裕之傳云字興元

王彪之傳

長安人雷弱兒梁安等詐云殺苻堅苻昌 苻堅當是苻

健之誤

虞潭傳

除祈鄉令

劉弘傳作汭鄉

水經注作祁鄉祁鄉屬新城太康地志作汭

蘇峻反加潭督三吳晉陵宣城義興五郡軍事

三吳會

稽吳郡吳興也并晉陵等三郡凡六郡此云五郡誤

顧眾傳

父祕交州刺史

晉百官名云字公眞

從弟護軍將軍颺爲威遠將軍

護軍將軍當依王舒傳

作護軍參軍是時庾亮爲護軍將軍颺蓋亮之參軍也

陸曄傳

代紀瞻爲尙書左僕射

左當作右

是時荀崧爲右僕射

成帝踐跽拜左光祿大夫 左帝紀作右

陸玩傳

轉尙書左僕射 据本紀在咸和五年傳載於蘇峻反之  
前誤也

諡曰康 陸玩別傳云贈太尉

讀書雜誌卷第五

終

勞檢校字

讀書雜識卷第六

仁和勞格著

歸安丁寶書述

賈逵國語注

汪輯本  
失采

秦聚也

文選三十一袁陽源効  
曹子建樂府白馬篇注

若未晚矣

文選三十一  
江文通雜體

詩注

孝經鄭注

嚴輯本  
失采

孝經曰從父之令焉得爲孝乎鄭玄曰委曲從君父之令

善只爲善惡只爲惡又焉得爲忠臣孝子乎

臣軌上匡  
諫章注

孝經曰子不可以不諍於父臣不可以不諍於君鄭玄曰



君父有不義臣子不諫諍則亡國破家之道也

同上

論語鄭注

古訓本無

論語曰孝悌也者其爲人之本歟鄭玄曰言人有其本性則成功立行也

臣軌上至忠章注

論語曰危而不持顛而不扶

則將焉用彼相矣鄭玄曰相扶工者也

臣軌上匡諫章注

孔子

曰人而無信不知其可鄭玄曰不知其可者言不可行也

臣軌下誠信章注

大車無輓小車無軌其何以行之哉鄭玄曰

大車栢車小車羊車輓穿轅端著之軌因轅端節之

以下十五

字古訓無

車待輓軌而行猶人之行不可無信也

同上

子貢問

政子曰足食足兵人信之矣鄭玄曰政有此三者則國強

也

同上

子貢曰

至

人無信不立鄭玄曰言人所特急者食

也自口皆有死必不得已食又可去也

同上

劉道真錢塘記

本

防海大塘在縣東去邑一里往時郡議曹華信家富乃議

立此塘以防海水始開募有能運上石一斛卽與錢一升

范作

千旬日之間來者雲集塘未成而謫不復取土於是載

土石者棄置而去塘以之成既過絕潮源一境蒙利

太平御覽

七十回

後漢書

縣本名泉亭於是改錢塘百姓懷德立

碑塘所

賦十類

靈隱山北有石穴傍入行數十步有清流

水廣丈餘昔有人採鍾乳水際見異迹或云是龍迹聞穴

襄隆隆有聲便出不測所採近遠

御覽九百八十七

臨平山在

縣東周四十五里山弦石遠近資用鑿穴傍入深至數十

丈

原本北堂書鈔一百五十八

靈隱山四布似蓮花中央夾生穀樹

甚高大

御覽九百六十

靈隱山穀樹樹下生莢鬱茂若沃土所

生

御覽九百九十七

石姥山有一石甌厥狀殊似屠絕嶺之巔

大數十圍下有三石足支之

御覽四十六

縣西有姥山絕嶺

之上有石甌一人搖之輒動縱使千百人引之與一人不

異

御覽七百五十七

明聖湖在縣南去縣三里父老相傳有金

牛時見神化莫測故以明聖垂名

御覽六十六

去邑十里有

詔息湖故老相傳昔秦始皇巡狩經塗暫憩因以詔息爲

名同

縣東南有峴山長老相傳採金於此

御覽八百十一

咸淳臨安志

五十

劉道真一本作真道宋元嘉十三年

文帝遣揚州治中從事巡行上表曰錢唐令劉道真餘杭令劉道錫爲二邦之首最治民之良宰文帝嘉之

晉公卿禮秩

校

御覽

七百七十三

晉公卿禮秩安平王孚齊王攸梁王彤給青

蓋車達九旒駕四馬太常何曾太傅楊駿梁王彤乘車入殿依漢田千秋故事光祿魏館軺車施黑孚薨葬給徘徊黑耳車一乘諸王及縣主皆給青徘徊車花爪蓋孤李降給雲母陽遂車一乘犢車二十乘鹿車五十乘案達九

當作建九太常當作太宰魏館當作魏舒孤李當作孫  
秀陽遂當作陽燧以意校

庾開府集

哀江南賦序云新野有生祠之廟河南有胡書之碣 吳  
兆宜箋新野河南廟碣必庾氏先世事今無考格案元  
和姓纂六庾會爲新野太守百姓爲之立祠支孫庾告  
雲爲青州刺史羌胡爲之立碑吳注失考

古文苑

校

一 宋玉笛賦

奇篠異幹

文選南都賦薛  
注引作奇篠

董仲舒七不遇賦

若不返身於素業兮

不字据文選  
任彥昇爲范

尚書讀吏部封  
侯第一表注補

七 雍州收箴 自彼互羌

當作  
氏羌

東觀箴 在強奮矯而戮彼逢干

疑左強考史  
記日者傳

侍中箴 暉彼宗夷用肆其虐

疑榮  
夷

城門校尉箴 國有城溝家有柝柙各有攸堅民以不

虞

疑攸堅詩假  
樂攸堅是也

八 桐柏廟碑 遣行承事

疑遣丞行事後漢書西域  
傳西域長史索班稱行事

九 漢金城太守殷君碑 其艾檐輪旌顯才良

其艾疑貝  
艾御覽八

百七引相貝經曰有青地緣文謂之綬貝  
蔡中郎集五光武濟陽宮碑銀艾封侯

劉騶駢集

隋書經籍志

別集

後漢書校書郎劉駒駰集一卷

集佚逸

句見北堂書鈔文選注等書又藝文類聚

產業部

有劉駒

駰上書諫鑄錢事案此是劉陶之誤與後漢書劉陶傳文相同惟節去數句及字句稍異耳當改正

陳琳集補

据各書節引

大荒賦

韻補云魏人有文集九卷在建安諸子中字學最勝大荒賦幾三千言用韻極奇古尤爲難知

武庫賦

韻補案當作武軍爲是抱朴子外篇云等稱征伐而出車六月之作何如陳琳武軍之壯

乎

車渠碗賦

韻補武帝以車渠爲酒杯古今注曰魏

柳賦

文選注二初

學記二十

悼寇賦

韻補

荅客難

同上

韋端碑

文選注三十五

北史廣平王懷傳

校補

崔豹古今注

獸十

北史後魏廣平王懷嘗獵於河北馬場

間逐一麀入草命人圍遶將自射之田已先經燒不見其出遂失麀所在惟有塼塔存焉懷乃悵然動仁恕之心解鷹放犬遂不復獵 今本懷傳已缺

華陽國志

校補

太平御覽六十

張翕字子陽巴郡人爲平陰郡布衣蔬食儉以化

民自乘二馬之官久之一馬死一馬病翕曰吾將步行矣夷漢甚安其惠愛在官十九年卒百姓號慕送葬者千數天子嗟歎賜錢十萬爲立祠堂後太守數煩擾夷人叛亂翕子端方察孝廉天子起家拜越雋太守迎者如雲 案



華陽國志三越嶲郡上脫一葉僅存九字

### 陳囂

虞預會稽典錄陳囂山陰人宗正劉向黃門侍郎揚雄薦囂待義可厲薄俗孝成皇帝特以公車徵囂時已年七十每朝請上常待以師傅之禮御覽四百七十四陳囂與民紀伯

爲鄰伯夜竊蕃地自益囂見之伺伯去後密拔其蕃一丈以地益伯伯覺之慙惶旣還所侵又却一丈太守周府君

高囂德義刻石旌表其閭號曰義里

御覽百五十七

會稽典錄

太中大夫山陰陳囂漁則化盜居則讓鄰感侵退藩遂成義理攝養車軀行足厲俗自揚子雲等上書薦之粲然傳

世

吳志傳注

官本東觀漢記校云未審係何時代他書亦無可考編附於二十一卷

田休子

輯本 隋書經籍志 梁有田休子一卷

黃帝時有草生於帝庭階若佞臣入朝則草指之名曰屈軼是以佞人不敢進也

文選王元長曲水詩序注

少昊氏之時赤燕

一雙

御覽作 銜羽

而飛集少昊氏之戶遺其丹書

藝文類聚 祥瑞部下

堯爲天子蓂莢生於庭爲帝成曆也

文選曲水詩序注

商湯爲

天子都於亳有神手牽白狼口銜金鈎而入湯庭

類聚祥瑞部下

堯時獲獬豸緝其尾以爲帝帳

御覽八百九十

渠搜之人服

夏禹德獻其珍裘毛出五彩光曜五色 少昊氏都於曲

阜鞬鞬毛人獻其羽裘並御覽六  
百九十四

隨巢子輯本  
志隨巢子一卷  
隋書經籍

大聖之行兼愛萬物疏而不絕賢則欣之不肖則矜之太平

御覽四  
百一禹產於碣石啟生於石王韶之云啟生  
母即化為石  
御覽  
五十

一召人以環絕人以玦又六百  
九十二昔三苗大亂龍生於

廟犬哭於市又九  
百五天命夏禹於玄宮有大神人面鳥身

降而福之司祿益富而國家實司命益年而民不夭海錄  
碎事

十

王逸正部論輯本  
隋書經籍志梁有王逸正  
部論八卷後漢侍中王逸撰亡

或問玉符曰赤如雞冠黃如蒸栗白如猪肪黑如純漆玉

之符也

文選四十二與鍾大理書注

易與春秋同經總一機之織經

營天道以成人

事御賢六百九

屈原宋玉枚乘相如王褒揚

雄班固傅毅灼以揚其藻斐以敷其艷

原本北堂書鈔百

仲尼

門人舖道醇飲道宗

御覽四百三

顏淵之簞瓢則勝慶封王

杯何者德行高遠能絕殊也

藝文類聚七十三

或問張騫可謂

名使者歟曰周流絕域東西數萬里其中胡貊皆知其習

俗使還始得大蒜菖蒲苜蓿等

御覽七百七十九

自幽厲禮壞

樂崩天綱弛絕諸侯力攻轉相吞滅德不能懷威不能制

至於赧王遂喪玉斗

又七百六十五

草有元巨暢威熹木有扶

桑梧桐松柏皆受氣渟美異於羣類者也

又九百九十四

索引稱一作王逸正部一作王逸子一作王叔師正部  
何校文選正改玉陳同非也

孫綽子

輯本 隋書經籍志  
孫子十二卷孫綽撰

銜轡衡軛無心於馬而所以御馬典籍禮度無心於治而  
所爲治 典籍文章之言也理出於天辭宣於人

並御覽  
六百八

撫明鏡則好醜之貌可見

文選謝靈運晚  
出西射堂詩注

或問賈誼

不遇漢文將退耕於野乎薄遊於朝乎

文選二  
十七注

或問雅

俗曰判風流正位分涇渭殊流雅鄭異調題帖分明標榜

可觀斯謂之雅俗矣

文選三  
十八注

或問人物曰察虛實審真

僞斷成敗定終始斯可謂之人物矣

又

莊多寄言渾沌

得宗象罔得珠旨哉言乎

又

聖賢極其標榜有大力矣

文選四十七注

海人與山客辨其方物海人曰橫海有魚額若

華山之頂一吸萬頃之波山客曰鄧林有木圍三萬尋直

上千里傍蔭數國東極有大人斬木爲策短不可杖釣魚

爲鮮不足充餽

御覽三百七十七

動而不乘不理若汎舟而無

柁

又七百七十一

仲尼見滄海橫流故務爲舟航

又七百七十

北

阜有木焉名曰時好

又九百六十

火光明於天者燈燭何施

焉

又八百七十

案引稱孫綽子者當以別於兵家之孫子書錄解題云

孫子十卷題晉孫綽興公撰恐依託唐志及中興書目  
並無之陳氏未及細檢故云爾

### 鄭康成墓

太平寰宇記

廿四

鄭康成墓在密州高密縣西北十里高士

傳曰

案今本高士傳無此文

袁紹屯兵官渡謂元隨營不得帶病至

魏郡元病篤卒葬於劇東後以墓壞歸葬之礪阜郡守以  
下纓經者千餘人礪阜在高密城西北五十里唐貞觀十  
一年詔去墓面十步禁樵採焉

萬疋梁郡國志高密縣

西有鄭康成宅亦曰鄭城後移葬於礪阜墓側有稻田十

萬頃斷水造魚梁歲收億萬號爲

疑

疋梁

殷芸小說郭

玄葬城東後墓壞改遷厲阜縣令車子義爲玄起墓亭名

曰昭仁亭

續談助四

案郭是鄭之誤小說此卷並後漢人物

附錄

海錄碎事

八

鄭玄與傅嘉同門學相友善注同門謂同

師也

### 婦人集

婦人集曰沒太子妻李氏爲夫所遣婦與夫書并致安眾

扇兩雙

御覽七百二

案安眾縣屬南陽郡見兩漢志沒當作

汲北戶錄

二

婦人集汲太子妻李與夫書云致尙書墨

十螺

左輔頓僚西嶽廟中刻石記

開元二十四年十月



刻石記已分裂爲三段碑題年月皆殘泐首行僅存刻石

記三字今據復齋碑錄校補

寶刻叢編十引

文多殘闕難讀縮

審記文有云

上缺八字

十月

缺九字

師左馮翊太守魯

缺八字

之

事句有二日奉迎云云又云自明辟而下逮王公卿士

泊趣馬小

下缺

云云考舊書元宗紀開元二十四年十月

戊申車駕發東都還西京甲子至華州丁丑至自東都

新紀則云十月甲子次華州免供頓州今歲稅賜刺史

縣令中上考丁卯至自東都所記年月與此記正同蓋

是時玄宗自洛陽還長安同州刺史於華州奉迎供頓

故其僚因刻石于西嶽廟中也記所稱左馮翊太守魯

一公不詳其姓名考文苑英華

四百三

孫逖授孟溫太子賓

客等制稱金紫光祿大夫使持節同州諸軍事行同州

刺史上柱國魯國公孟溫同州卽馮翊郡時代正合當

卽其人元和姓纂

四十

孟珩居相州十一代孫唐禮部

尙書溫蓋記其所終之官也記所載勾掾功掾馮翊朝

邑澄城河西韓城諸宰尉皆同州屬官俱頓僚也惟碑

錄云李珣八分書石刻則云韓城縣主簿杜繹書微有

不同

孟溫疑卽孟溫禮溫禮事迹詳郎官石柱題名考主客員外郎下

夢真容碑

開元廿九年六月

夢真容碑後刻博州刺史李成裕奏成裕兩唐書俱無傳

考新書宰相世系表隴西李氏姑臧大房給事中亶子

成裕祕書監舊書李揆傳祕書監贈吏部尙書成裕子

張曲江文集附錄載張九齡授洪州刺史制稱大中大

夫前行尙書都官郎中上柱國始

疑姑臧

縣開國子李成

裕體仁以善率禮以訓守官闕以獨茂履忠信而不騫

可使持節金州諸軍事守金州刺史散官勳封如故末

署開元十五年三月十三日則在博州刺史之前又舊

書禮儀志

四

天寶十載正月宗正少卿李成裕祭北嶽

安天王

大唐郊祀錄同

厯官始末大略可考者如此又据成裕

奏請於開元觀具寫綸言勒於貞石諸州亦望准此云

云知當時諸州俱刻此勅赤城志四載台州天慶觀有

唐開元眞容應見碑開元二十九年立後題朝散大夫

使持節臨海郡諸軍事守臨海郡太守賈長源亦其一

証今所存者僅此爾蓋厓本系後人重模今不數

大唐嵩陽觀紀聖德感應頌天寶三載二月

感應頌題額者裴迥兩書無傳結銜稱太中大夫守河南

尹河南水陸運使上柱國賜紫金魚袋兼東京留守判

留司尚書省事考李華唐故東光縣主神道碑銘少子

德位兼盛曰迥今河南尹兼東都留守上柱國唐文粹五十五

結銜與此正合舊史良吏傳天寶中長史裴迥委洛陽

尉蔣沈以推覆檢勾之任新書地理志河南伊水有石  
堰天寶十載尹裴迥置蓋卽其人又新書紀王慎傳女  
東光縣主適太子司議郎裴仲將碑云開喜公不書名則是迥之  
父宰相世系表不載此枝當以是房無入相者故耳錢  
少詹事跋尾引本紀天寶三載二月河南尹裴敦復討  
吳令光云未審迥與敦復卽一人否今考敦復開元十  
二年將帥科及第累官考功員外郎檢校吏部郎中中  
書舍人陳留太守河南尹刑部尙書嶺南五府經畧等  
使貶淄川大守天寶六載爲羅希夷所殺詳見郎官石  
柱題名考王氏疑此碑立於二月五日而敦復討吳令

光在二月丁丑推長厯二乙丑朔丁丑是十三日其時  
敦復尙任河南尹而此已云裴迥案敦復時已去任特  
未落下河南尹結銜耳文苑英華載孫逖授裴敦復刑  
部尙書制亦稱河南尹是其證也

宣州刺史陶府君德政碑

寶刻類編二 宣州刺史陶大舉德政碑僧靈廓撰陶德甄  
書永昌元年二月十三日立 輿地碑記目一 陶府君大  
舉德政碑在太平州當塗縣東六十里丹陽鎮南之禪那  
院乃唐僧所撰永昌元年己丑建碑今存 集古錄跋尾  
五 陶雲德政碑雲字大舉河南伊闕人高宗時爲恆州刺

史碑永淳三年立 案叢編六引錄目同則雲卽大舉特  
是時以字行爾陶君厯刺十二州位望通顯恆州宣州  
皆碑頌德政顧舊新書俱不爲立傳何耶碑載君在宣  
州有禦亂之勳而碑文殘缺不見亂者姓名以時地考  
之當指徐敬業又金石錄目錄五第九百五十一唐懷  
州刺史陶大舉碑姚崇撰徐嶠之正書開元八年類編引同  
蓋卽其所終之官也

鄭準墓誌銘 大和四年八月

唐故右內率府兵曹鄭準墓誌銘潁川陳齊之撰準字口  
道其九榮陽人曾王父璿河南少尹王父溥尙書右部

郎中厯青邢相衛兗幽懷七州刺史入爲左庶子皇考  
華駕部郎中吉州刺史準子宗儒宗韞宗慶宗遜一子  
奉釋氏教名曰宏直考宰相世系表璿官河南少尹子  
溥左庶子平吉州刺史溥子華太常博士失書準名又  
所載官位亦微有不合皆當以此爲正此誌歐趙諸家  
皆不著錄惟古刻叢鈔錄有全文相與比校間有不同  
如而未嘗滑其□石刻無而字其名曰宏直無其字嗚  
呼作嗟乎權窆作權葬有女二人作有女三人請文於  
余作請余於文又叢鈔僅缺十四字今則殘缺者廿三  
字漫漶者十一字然如叔季之季字卽以是年之卽字



叢鈔已缺今則字甚完好疑是覆本也唐書職官志有  
右司郎中無右部郎中此誌右部當是右司之誤然叢  
鈔亦作右部殊可疑也

東林寺題名

昇元三年

朝議郎檢校兵部尚書賜紫金魚袋上黨郡公食邑一千  
戶景迢自京城隨侍伯父江上歸郡獲從家兄桂陽郡公  
訪諸絕景時春林鬪芳晚雨新霽躡步忘倦塵心頓清竟  
日方還故絕於此昇元三年太歲己亥三月二十三日書  
景迢當姓徐非姓景也江上當作江王陸游南唐書烈  
祖本紀昇元元年十月丁亥封弟知證爲江王又徐知

證廬山太乙真人廟記云予撫江民之五稔後有昇元

三年云云則昇元初元鎮江州者正是知證知證弟爲

知謬此云伯父江王則當是知謬之子傳僅云十桂陽子皆貴顯

郡公名景邈烈祖本紀昇元元年十一月丁巳立姪景邈爲桂陽郡公南唐書失載

景迢名故此遂以爲景姓耳又南唐書知證事吳厯州

刺史至節度使烈祖初王江改王魏不書所厯方鎮据

此則昇元初鎮江州又廟記末云予再任宣州之二載

是時昇元六禩歲在壬寅秋七月有六日給銜稱應運

匡國佐聖功臣寧國軍節度宣州營田觀察處置等使

特進檢校太尉兼中書令使持節宣州諸軍事宣州刺

吏上柱國食邑一萬戶韓王知證記可補南唐書之闕

知證初任宣城當在楊吳時其自江州移宣州當在昇元五年

郭求

元和姓纂

十九

司農郎中懷州刺史郭齊宗曾孫求校書

郎京兆人

唐摭言

二府元落郭求

元和元年

文苑英華

一百一

八十有郭求省試日暖萬年枝詩

重修承旨學士壁記

郭求元和十一年十一月六日自藍田尉史館修撰充八

月遷左拾遺十一月八日出守本官 韋執誼翰林院故

事元和已後郭求藍田尉授集賢校理充拾遺又充出守

本官

朝苑羣書上案壁記年月有誤

新書韋貫之傳韋貫之罷相翰林

學士左拾遺郭求上疏申理詔免求學士

按憲宗紀元和十一年八月壬

寅韋貫之罷

舊文宗紀

下

大和五年九月甲辰貶太子左庶

子郭求爲婺王府司馬以其心疾與同僚忿競也唐會

要

七十

元和二年四月賢良方正能直言極諫科郭球及

第白居易吟四維詩有云家雖貧猶富於郭庶子注云

分司同官中庶子求貧苦最甚

白氏文集二十九

### 王右丞集

王維汧陽郡太守王公夫人安喜縣君成氏墓誌銘曾祖  
休寧某官祖某某官襲封常山公貳公執帛調護儲闈九  
伯剖符典司方岳父某某官漢雄右輔實拜翁歸周命僕

臣惟茲伯罔夫人卽太僕府君之第二女也 長子濡前

某官次子澄某官

文苑英華

九百二十

楊炯唐贈荊州刺史成公

知禮

神道碑

曾祖休寧後魏汾州刺史齊特進左右衛大將軍宇文  
朝江州刺史隋城陽郡公諡曰武祖少遐北齊民曹郡  
中宇文朝地官上士襲城陽公父君綽隋金紫光祿大  
夫唐深州刺史上柱國公襲城陽公厯箕州平城洛州  
邯鄲二縣令 長子司衛少卿兼檢校魏州刺史大辨  
中子左鷹揚將軍大方少子朝議大夫行司漢主簿大  
琬等据知禮碑則成氏誌當有脫文其刺同州官太僕

若未知卽大辨否

河東先生集

河東先生集二十柳宗元故弘農令柳府君墳前石表辭刺

史盧杞加禮褒旌考績絕尤推君之政風於下邑命爲吏

部尙書郎庾河南受命黜陟狀君理績殊異宜升天朝

注建

中元年二月命起贊衛晏洪案命爲吏部尙有誤庾河

經綸等十一人分巡天下

南疑庾何之誤南字衍新書陸贄傳德宗立遣黜陟使

庾何等十一人行天下

皇甫持正文集

韓文公神道碑復爲兵部侍郎銓不鎖入吏選父七十

母六十身七十悉與三利取才財勢路絕 考異曰三利

取才未詳其義疑銓法有此語或是有脫誤也王云三

利恐當作書判因版本漫滅致誤唐以書判取士凡試

判登科謂之入等選未滿而試判三條謂之拔萃中者

卽予官公選士專憑書判是爲書判取才以財勢求官

者皆不取是謂財勢路絕

以上王  
氏說

格案三利當作三科

三科者拔萃科宏詞科平判入等也三科俱吏部主之

三科亦見東  
觀奏記下

又案悉與二字爲句蓋選人有父年七十

母年六十及已身年七十者悉與注官不復駁放也王

氏誤以悉與屬下三利取才爲句故疑身七十下有闕文

李文公集

昭德先生郡齋讀書志

上四

李翱集十八卷集皆雜文無歌

詩前有蘇舜欽序云唐之文章稱韓柳翱文雖辭不追韓

而理過於柳

洪盤洲集

六十

右李文公集十八卷以唐

藝文志校之多八卷蓋常山宋次道所定也建陽小本獨  
多答開元寺僧書一篇亦不著目其辭反復溫潤與他文  
相類而集中又有所作鍾銘知其爲習之文昭昭矣既是  
正之冠以蘇公序附其傳於後

明

邵武郡守蜀馮師虞刻本前有賜進士出身

通奉大夫廣西等處承宣布政司使布政使王融何宜



序總一十八卷凡一百三首

二首元闕

第九卷

疏數引見待制官問以時事

元注闕

第十二卷

歐陽詹傳

元注闕

第十五卷

馬少監墓誌

有目無文書少監史館修撰馬君墓誌

文苑英華有秘

第十八卷

未有戲贈詩一首毛本退入跋中云鄙拙之甚又於燈錄載其贈藥山僧一首又韓文

公遠遊聯句亦載一聯俱見毛跋

今本十八卷無答開元寺僧書當卽宋次道定本惟前

無蘇序後無傳知非從洪本錄出

蘇學士文集不載此序

置考判官

選部舊制每歲孟冬以書判選多士至開元十八年乃擇

公廉無私工於文者考校甲乙丙丁科以辨論其品是歲

公受詔與徐安貞王敬從吳鞏裴肱李宙張烜

英華作恆

等十

學士參焉凡所

英華究所

升獎皆當時才彥考判之目由此始

也

毘陵集八權  
徹神道碑

初吏部試判別差考判官三人校能否

元和初罷之七年吏部尙書鄭餘慶以疾請告乃復置考

判官以兵部員外郎韋顓屯田員外郎張仲素太學博士

陸亘爲之楊於陵白東都來言曰本司考判自當公心非

次置官不知曹內公事考官祇論判之能否不計闕員本

司祇計員闕幾何定其留放置官不便宰執以已置顓等

祇令考科目選人其餘常調委本司自考

舊書楊  
於陵傳

堂印

遼史國語解堂印博采之名劉攽漢官儀李清照打馬圖  
皆有堂印杭堇浦云堂印不獨爲契丹語格案唐時已  
有之唐語林六李程謂李石曰汝向忙鬧時把唐印將  
去又玉泉子鳳翔從事以骰子祝夏侯孜王生曰二秀  
才若俱得登第當擲堂印舊書杜讓能傳崔紹緯鄭延  
昌喪堂印公服故博采家因謂重四爲堂印

文苑英華辨證補

百七十七唐太宗餞中書侍郎來濟詩 舊來濟傳永徽二年

拜中書侍郎

都穆跋云宋之間詩

三百五十九

歐陽詹唐天志云貞元七年清河張公式爲冬官

之五年 彭云式川文作或刊本文集亦作或案或當

作或工部侍郎張彧見通鑑

唐紀四十八

貞元二年攷權載

之文集

四十

祭故呂給事文張式於貞元九年官尚書

駕部郎中知制誥舊書鄭餘慶傳張彧貞元十三年官

刑部郎中

三百八十八

授韓滉戶部侍郎制

蒙上孫逖韋濟制作前人

誤案舊書韓滉傳大厯六年自尚書右丞知兵六年改

戶部侍郎判度支舊文苑傳孫逖上元中卒前人二字

衍

三百九十二 賈至授柏庭昌憲部員外郎制稱監察御史柏庭

昌 案柏當作桓新書宰相世系表桓氏京兆尹臣範

子庭昌刑部郎中

三百九十七 孫逖授武三思鴻臚卿制金紫光祿大夫行國子

祭酒武三思 全文九百六十二校云逖知制在開元二十

四年時三思久誅新舊書亦不載三思官鴻臚卿題與

樞人必有一誤今存疑編入闕名格案思當作忠三字

衍舊書后妃傳上元宗貞順皇后武氏同母弟忠累遷

國子祭酒新傳同新書宰相世系表武昕忠鴻臚卿元和姓纂

同昕當是忠兄表誤合一人姓纂單作忠歷官與此制正合

四首蘇頲授楊嶠國子祭酒制魏州刺史上柱國北平縣開  
國子楊嶠案楊當作陽新陽嶠傳其先北平人世徙  
洛陽北齊尚書右僕射休之四世孫再爲魏州刺史入  
爲國子祭酒

三百三孫逖授盧詢太子詹事制稱太中大夫使持節華州

諸軍事守華州刺史上柱國盧詢可太子詹事員外置  
同正員彭云詢當作綸下同格案詢綸二字俱誤當  
作綸新書上李林甫傳帝愛兵部侍郎盧綸臣醞籍稱  
美之林甫因出爲華州刺史俄授太子員外詹事綸由  
是廢事跡正合

四百三十三

安養百姓及諸改革制云其中岳等三方典禮猶

闕朕以眇身

顧澗濱云猶闕下有脫朕上脫去題

目是別一篇誤連十年前在文局讀得今記於此道光

乙酉八月思適居士書

四百五十三

授李燧

總目作燧

平盧軍節度使制

玉堂遺範

新蕭倣傳

宣宗以李璡爲嶺南節度使倣封還詔書資治通鑑

唐紀

六十

大中十二年五月以右金吾大將軍李燧爲嶺南

節度使給事中蕭倣封還詔書

考異曰此出東觀奏記不知何時按實錄大中

十二年四月李璡自司農卿爲右金吾大將軍蓋於此除也

格案李燧奏記作李璡

明本考異亦作李璡李璡當是宣宗時人

又

授王安實天雄軍節度使制正議大夫前守右金吾將

軍上柱國太原縣開國男食邑三百戶賜紫金魚袋王

安實可起復忠武將軍守

一本脫

金吾衛將軍兼秦州刺

史御史大夫充天雄軍節度秦州

一本城誤

河渭等州營田

觀察處置等使散官勳賜如故

案安實當作晏實資

治通鑑

唐紀六十六

咸通四年二月置天雄軍於秦州以成

河渭三州隸焉以前左金吾將軍王晏實爲天雄觀察

使新書王晏宰傳子晏實祖智興自養之故名與諸父

齒劉稹平擢淄州刺史終天雄節度使

又

授鄭涯山南東道節度使制有云屢解交於都座兼尹



正於二原 彭云交字疑格案漢官儀漢制八座丞郎

初拜並集都座交禮遷又解交御覽二百十三引晉書職官志

宋書並同又云今惟八座解交丞郎不復解交

四百六十六 常袞答元和南省請上徽一作尊號表尾注元和十四年

常袞卒於建中四年正月見舊書當改入憲宗

四百六十七 常袞太皇答顏真卿賀肅宗卽位表 常袞寶應

二年始選爲翰林學士見舊書案顏魯公文集二不載

常袞名全文四百十五常袞文亦誤載三十元宗文已載當

校併

又魏知古答張九齡賀西幸延期表 舊書開元三年魏

知古卒此非知古文案唐丞相曲江張先生文集三十亦

不載知古名少前首五字全文三十元宗文已載又百

三十魏知古文誤載當校併

五百九十七良士代韋令公謝先人贈官表表云贈臣父

尚書右丞司農卿先臣某揚州大都督此是韋玠元甫

見郎官石柱題名考左中全文良士無考案舊房式傳劉

闢反高崇文至成都房式王良士崔從盧士玖等白衣

麻躡銜土請罪崇文寬禮之表其狀末云彷彿海隅是

韋元甫無疑本是二首一脫其文一脫其目耳

六百裴度李大夫請朝覲表裴度集無李大夫未詳何人表

云始事憲宗過蒙驅策復事先帝猥加爵命又云起在山南不遠旬服又云李光顏薛平皆武臣也淮海以爲要重然猶邈迤而至述職明庭臣儒臣也梁漢無事道途孔邇考舊書裴度傳穆宗時裴度出爲山南西道節度使長慶四年復兼同平章事實厯元年十一月度疏請入覲京師明年正月度至則鎮山南者卽是裴度此表當是人代裴度作者故度集無之英華誤

又

呂頌爲張侍郎乞入覲表

德宗時任黔中府觀察使

略云貞元五年

於延英殿賜面辭之曰親奉進止令臣一考卽來者又云自到黔中首末三年更入新正卽及四載案張侍

郎名無考舊德宗紀亦不載其名据再請入覲表云近

日已來楊

或作暢案暢是

悅孫成李速裴腆皆在遐裔相次喪

亡李速於貞元五年觀察黔中則張當卽繼李速之任

者然考英華

五百八十五

呂頌黔州刺史謝上表云去年某

月日恩勅授臣使持節都督黔州諸軍事守黔州刺史

兼御史中丞

類表大夫

今年某月日到所部上訖又權載之

文集

四十

祭故呂給事文不著頌名案其事迹與謝上

表正合有云出領符竹澄清遠部少拜黃扉昭宣王度

前署貞元九年正月則頌拜黔中當在九年之前考舊

德宗紀貞元五年三月以大理卿李速爲黔州刺史黔

中觀察使八年五月戊午以光祿少卿崔穆爲黔州觀察使据再請表則李速當卽於五年喪亡而呂頌卽繼其任當亦在五年至頌人拜給事而崔穆代之則當在八年自貞元五年至八年首末正得四年中間不容又有張侍郎其人爲張侍郎四字當是衍文英華於此類誤謬甚多如柳冕青帥乞朝覲表裴度李大夫乞朝覲表之類不可盡依

六百三十八 裴冕舉杭州刺史韋臯自代狀 臣在福建與韋臯鄰近諳其爲政甚得人心逃亡悉歸遠近皆悅頃在京兆以公造出官今領餘杭以理行高第云云豈裴冕

曾爲福建觀察使耶然攷舊書韋臯傳不云刺杭州攷  
韓臯傳貞天十四年自京兆尹貶撫州司馬員外置同  
正員無幾移杭州刺史與狀文正合知韋臯是韓臯之  
誤又舊柳冕傳出爲婺州刺史貞元十三年兼御史中  
丞福州刺史充福建都團練觀察使時正相接則裴冕  
當作柳冕

八百一

顧況湖州刺史廳壁記云泊于頔大夫作塘貯水溉

田三千頃今使君辭也唐景皇帝七代

一有之字

孫先公尙

書先公大夫奕葉之勛

一作勛

有功於民公實嗣之案

三千頃下今使君上文義不屬當有脫文下文云天王

褒拔于公陟襄陽節度李公陟當道觀察統諸道鹽鐵  
轉運二牧旣陟唯公盤桓云云今記上文僅述于頔無  
李公名攷吳興志湖州刺史于頔後有劉全白玉浦李  
錡李詞諸人攷舊書李錡傳貞元中累至湖杭二州刺  
史多以寶貨賂李齊運由是遷潤州刺史兼鹽鐵使記  
所云李公當卽李錡則三千頃下蓋述李錡政蹟疑因  
錡以反誅故刊去其文爾唐文粹七十  
三與英華同新書宰相世系  
表上大鄭王房有太子賓客守散騎常侍詞子太祖正  
七代孫卽記所稱使君辭也詞高祖臨川郡公刑部尙  
書德懋父司農卿諡曰敬亦與記文先公尙書先公大

夫語合又舊書李齊運傳薦李鉤爲漸西觀察使受賂  
數十萬計舉李詞爲湖州刺史旣而邑人告其贓犯上  
以齊運故不問而遣之吳興志李詞正元十六年自萬  
年縣令授遷光祿少卿統記作十四年案記未署貞元十五年  
十二月哉生魄統記是

八百九

韋表微翰林學士院新樓記有云貞元四月中書鄭舍  
人駕部郎中皆以鴻文碩學爲侍講學士案重修承  
旨學士壁記大和元年四月二十三日鄭澣自中書舍  
人許康佐自度支郎中改駕部郎中充侍講學士此記  
郎中上脫許字



八百五十九

李華台州乾元國清寺碑

碑云盈川非古邑也

襟東江山因而城之則此寺當在盈川案舊書地理志

台州無盈川縣惟如意元年析衢州龍丘置盈川縣

新志

同又云元和七年省

又元和郡縣圖志

六

分信安龍邱兩縣置

不云曾屬台州則此台州當作衢州

讀書雜識卷第六

案

勞檢丁士諤校字

讀書雜誌卷第七

仁和勞格著

歸安丁寶書述

孔子弟子考補

劉給事文集二有改瑕邱伯叔仲會爲寧陽伯仲邱伯公  
西輿如爲北鄉伯制畧云夫子道爲百世師今從祀弟子  
封爵之地乃斥其名於爾安乎爰命封論悉加改訂以稱  
朕尊仰之意 曝書亭集孔子弟子考失載改封事當据  
補

特勅

雙溪醉隱集二 凱樂歌詞曲取和於注和林城苾伽可汗  
之故地也歲乙未聖朝太宗皇帝城此起萬安宮城北  
七十里有苾伽可汗宮城遺址城東北七十里有唐明皇  
開元壬申御製御書闕特勤碑按唐史突厥傳闕特勤骨  
咄祿可汗之子苾伽可汗之弟也名闕可汗之子弟謂之  
特勒開元十九年闕特勤卒詔金吾將軍張去逸都官郎  
中呂向齋璽書使北弔祭并爲立碑上自爲文別立祠廟  
刻石爲像其像迄今存焉其碑額及碑文特勒皆是殷勤  
之勤字唐新舊史凡書特勤皆作銜勒之勒字誤也諸突  
厥部之遺俗猶呼其可汗之子弟爲特勤特謹字也則與

碑文符矣碑云特勤苾伽可汙之令弟也可汙猶朕之子也唐新舊史並作毗伽可汙勒苾二字當以碑文爲正

校聞人詮本唐書間有作特勤字張長遜傳號爲割利

特勤

官本改勒

新書則作特勒

### 水經注

水經注潢水東逕應城南故應鄉也應侯之國詩所謂應侯順德者也又南逕應城西地理志曰故父城縣之應鄉也周武王封其弟爲侯國應劭曰韓詩外傳稱周成王與弟戲以桐葉爲圭曰吾以封汝周公曰天子無戲言王乃應時而封故曰應侯鄉亦曰應鄉按呂氏春秋云成王以

桐葉爲圭封叔虞非應侯也汲郡古文殷時已有應國非

成王矣

趙云呂氏下是臣瓚說見漢志注師古曰武王之弟自封應國非桐葉之事應氏之說蓋失之焉又

据左氏傳云邢晉應韓武之穆則應侯武王之子又與志說不同

案以應侯爲成王弟

是韓詩說御覽

打建部二

引陳留風俗傳曰周成王戲其弟

桐葉之封周公曰君無二言遂封之於唐唐侯常慎其

德其詩曰媚茲一人唐侯慎德是也唐字當係後人妄

改然考續漢書郡國志潁川郡父城縣有應鄉

杜預左氏傳集

解應國在襄陽城父縣西南後漢書馮異傳注引杜注作襄城城父不屬陳留當考

### 魏書

三國志夏侯玄魏畧曰玄自從西還不交人事不畜華妍

文房四譜一引作不畜筆硯當据改

魏書

荀彧世語寓名見顯著子羽嗣位至尙書世說新

語

下之

排調注引寓作寓顯著作頭責當据改子羽下

五字疑衍

太平御覽二百六十五

三國典畧曰梁李膺字公胤廣漢人也西昌

侯藻爲益州以爲主簿使至建昌梁武悅之謂曰卿何如  
昔日李膺對曰勝問其故對曰昔事桓靈之主今逢堯舜  
之君梁武嘉其對以如意擊席者久之又二百六十三魏志

曰

蒙上魏志作又曰

李膺自蜀使至都武帝悅之謂曰今李膺

何如昔對曰今勝昔問其故對曰昔事桓靈之主今逢

堯舜之君帝嘉其對以如意擊席者久之乃以爲益州

別駕案魏志二字誤

御覽七百四十四

晉中興書紀瞻字士遠爲鎮東

疑脫瑯琊二字

王左長

史丹陽宣城新安三郡中正王常幸瞻家同乘而還府瞻甚見遇鄉郡榮之士遠晉書誤思遠

董昆

董昆字文通餘姚人清約守貧并日而炊茹菜不獻

北堂書鈔

三十八引曾稽先賢贊

少遊學師事潁川荀季卿受春秋治律令明

達理法又才能撥煩縣長潘松署功曹史刺史盧孟行部垂念冤結松以孟明察於法令轉署崑爲獄吏孟到崑斷

正刑法甚得其平孟問崑本學律令所師爲誰昆對事荀

季卿孟曰史與刺史同師孟又問昆從何職爲獄吏松具

以實對孟歎曰刺史學律猶不及昆召之署文學太平御覽六百

三十八引建初三年遷廷尉持法清峻一作正閉門不發私

書北堂書鈔三十補大司農帑藏逐有脫坐無完席書鈔三十

先賢傳

### 周齊防戍城鎮考

熊和三州庾信大將軍崔說神道碑除使持節大將軍

中黃蘆至木柵一十戍諸軍事辨證曰北史作熊和忠

三州當從周書作熊和中三州案隋志後周時宜陽曰

熊州陸渾曰和州新安當屬崇德防周書武帝紀天和

置中州皆在河南郡雄州四年九月辛卯遣



柱國齊國公憲率眾於宜陽築崇德等城隋書李穆傳  
天和十中持節緩集東境築武申旦郭慈澗崇德安民交城  
等諸當屬周書劉雄傳天和四年從齊  
鎮熊州安義防公憲出宜陽築安義等城建中

防中九曲防周書韋祐傳大統九年拜車騎大將軍儀

率弘農九曲孔城伏流四城士馬討平魏玄傳大統十六年  
保定末出爲中州刺史九曲城主通典河南府壽安縣  
有九曲城所安樂防周書明帝紀二年遣寧蜀公三

謂九河也安樂防尉遲迴於河南築安樂城  
泉防和伏流防周書魏玄傳大統十三年與開府李義

之尋移鎮伏流韋祐傳與李延孫并勢置柵於伏流

武帝紀保定二年於伏流城置和州魏玄傳天和四年  
轉和州刺史伏流防主隋書地理志河南郡陸渾縣  
東魏置伊川郡領南陸渾縣開皇初郡廢改縣曰伏流

周張防平泉防固安防蟹口防疑蟹谷一字通谷

防黃蘆戍起谷戍王晏戍供超戍牽羊戍

溫狐戍 交河戍 大嶺戍 避雨戍 木柵戍 州中白

超防 周書魏玄傳天和二年除白超 中 通洛防 周書武帝紀保

定五年十月辛亥改函谷關城爲通洛防 隋書李穆傳

大司空奉詔築通洛城 周書賀若敦傳保定五年除中

州刺史鎮函谷 韓德與歷官持節車騎大將軍 慈澗

儀同三司通洛慈澗防主邵州刺史任城縣男 同軌防 武申

防 隋書地理志河南郡壽安縣後魏置 同軌防 武申

鎮 旦郭鎮 安民鎮 交城鎮 鹿盧鎮 孔城防 周書

魏玄傳大統十三年與開府李義孫攻拔伏流城又剋孔

城卽與義孫鎮之尋移鎮伏流 裴寬傳除孔城城主大

統十六年遷河南郡守仍鎮孔城 武帝紀天和四年八

月庚辰盜殺孔城防主以其地入齊 通鑑音註魏收志

漢晉河南新城縣後魏置新城郡治孔城其地在隋河南

郡伊闕縣界 通典河南府壽安縣高齊置孔城防以備

周在今 州 勳 樂昌防 州 勳 胡營防 州 勳 新城防 柏壁城

永寧防

相里防

河雞鳴防

周書武帝紀建德六年六月癸亥於河州雞鳴

防置旭州

隋書地理志臨洮郡

洮源縣後周置曰金城并立旭州

甘松防

周紀甘松防置芳州元

和郡縣志周明帝武成中西逐諸戎始有其地乃於三交

口築城置甘松防武帝建德中改為芳州

同昌郡封德縣後

周置又立芳州

立弘

州

鹽川防

隋書元景山傳周時累遷儀同三司賜爵文昌縣公授鹽川防主

平業

續漢書劉昭序叔駿之書是謂十典矜緩殺青竟亦不成

二子平業俱稱麗富

平業孫

星衍

改平業云二子司馬

彪華嶠也平業八志十典也

續古文苑十一

格案平業當作卒

業

卒別作平因誤作平

見晉書華嶠傳

沈仁偉

元和姓纂

四十  
七寢

浙東觀察澤潞節度沈詢生仁偉

原誤  
衛

進

士吳興武康縣人

北夢瑣言

五

沈詢子

原誤  
字

仁偉官至

丞郎人物酷似先德所謂世濟其美

劉崇望授中書舍

人崔凝右補闕沈文

總目  
作仁

偉並守本官充翰林學士制三

代絲綸一門冠蓋不墜其業者伊文偉有之墨妙詞芬策

名試第謙無矜物敏以適時

文苑英華三  
百八十四

益州名畫錄

上僖宗皇帝幸蜀回鑾之日蜀民奏請留寫御容於大聖

慈寺宣令常重肩中和院上壁及寫隨駕文武臣寮眞殿

上御容前寫翰林學士中書舍人沈仁偉

案此湖州志

人物傳未載

李翊李珣

新書李翊傳大和八年十月李仲言遷周易博士兼翰林  
侍講學士於是諫議大夫李珣等共劾仲言儉人天下共  
知不宜在左右帝不聽 舊文宗紀下 大和九年十一月  
戊辰以給事中李翊爲御史中丞 唐會要十六開成元年  
五月上御紫宸殿宰相李固言奏曰御史中丞李珣在臺  
雖無甚過以爲人疏易不稱此官此官乃天下紀綱有司  
繩準苟用人非當則紊亂典章上曰李翊官業應不甚舉  
然爲人豈不長厚耶固言對曰臣所奏緣與御史中丞不

相宜人卽長厚難任彈奏且憲司事亦至難官要得宜者

舊書文宗紀

下

開成二年六月丁巳以給事中李翊爲

湖南觀察使

元稹李翊監察御史制畧云前監察御史

裏行李翊文學周敏操行端方執喪有聞俯以就制復爾

故秩勉修乃誠可行監察御史

元微之文集四十七

參攷諸書李

翊李翊疑卽一人

李貺

新書宗室世系表雍王房宗正少卿漢子貺

不詳歷官

舊書

李漢傳子貺亦登進士第

重修承旨學士壁記李貺大

中十二年十二月二十四日自權知右拾遺內供奉充十

四年五月十二日召對賜緋加右補闕十月二十六日召對賜紫咸通二年三月十一日加左補闕依前充三年二月二十日加職方員外郎知制誥充九月十四日守本官出院

翰苑羣書上

舊書懿宗紀咸通十三年五月辛巳敕貶

給事中李貺蘄州刺史于琮之親黨也爲韋保衡所逐

王泉子咸通中韋保衡路巖作相除不附己者司戶李

貺勤州

南部新書癸誤張讀

舊僖宗紀乾符二年十月以秘書少

監李貺爲諫議大夫

韋鎮

新書宰相世系表韋氏鄭公房端子鎮

不詳歷官

舊書文宗

紀下開成元年正月丁未以祕書監韋縝爲工部尚書

劉禹錫傷韋賓客縝詩

自注自工部尚書除賓客

韋公八十餘位至六

尚書五福惟無富一生誰得如桂枝攀最久蘭省出仍初

海內時流盡何人動素車

劉賓客文集三十

郁羣老大唐常州

江陰縣興建寺碑銘于郡守韋公縝剛毅公廉仁明愛人

搢紳之徒其從如水頻由台鼎方領此郡用弗擾政慰安

罷民先張刑法以威之次施道德以育之視百姓如同小

子勤兇絕豪護持大梵

全唐文七百四十一

石刻大唐華州下邽

縣丞京兆韋公夫人墓誌銘哀子前鄉貢進士縝謹撰并

書

誌曰有子五人曰縝貞元六年二月

石刻韋紆唐故朝散大夫祕書



省著作郎致仕京兆韋公

端

玄堂誌淮夷削平之明年皇

帝在宥天下方弘孝理詔百辟父母存有顯擢歿有褒贈  
時鎮爲工部郎中又云鎮工部郎中

蘇特

元和姓纂

十一模

工部侍郎蘇弁兄冕生特持生循楨

新

書賈餗傳太和九年上巳詔百官會曲江故事京兆尹自  
門步入揖御史賈餗自矜大不徹扇蓋騎而入御史楊儉  
蘇特固爭餗曰黃面兒敢爾儉曰公爲御史能嘿嘿耶大  
夫溫造以聞坐奪俸旣相會李宗閔得罪指儉特爲黨斥  
去之 舊文宗紀

下

太和九年七月癸亥貶殿中侍御史

蘇特爲潘州司戶 吳興志大中二年五月自陳州刺史

拜除鄭州刺史 南部新書 湖州歲貢黃黿子連蒂木

瓜李景先自和牧謫爲司馬戲湖守蘇特曰使君貴郡有

三黃黿子五蒂木瓜特頗銜之 因話錄 三 蘇少常景肩

登第與堂兄特並時亦士林之美 劉禹錫高陵令劉君

師遺愛碑渠成之明年寶應二年涇陽三原二邑中又攤其衝

爲七堰以折水勢使下流不厚君詣京兆索言之府命從

事蘇特至水濱盡撤不當攤者絲是邑人享其長利劉賓客文

舊五代史唐書三十六蘇循傳父特陳州刺史 新書藝

文志乙部史錄蘇特唐代衣冠盛事錄一卷 案石刻天

雜傳記類

寧寺經幢後題大中大夫使持節湖州諸軍事守湖州刺史上柱國蘇特等名鐵橋漫稿云蘇特不見於史惜未之詳考耳

### 楊瑱

唐會要

七十

故國子祭酒贈秘書監楊瑱諡貞

吳興志

湖州刺史楊瑱正元四年自濮州刺史授遷國子祭酒

統記

云興元元年

舊文苑傳

下

王仲舒與楊瑱梁肅裴樞爲忘形

之契

舊書德宗紀

上

建中三年七月以兵部郎中楊真

爲御史中丞京畿觀察使

南都新書

癸

建中元年貶御

史中丞元全柔二年貶中丞楊瑱皆四月晦日

二年下有脫文

殷亮顏魯公行狀大厯七年九月公拜湖州刺史以遊客  
前大理司直楊昱爲判官委閱簿檢吏接詞政之務於昱  
等而境內晏然又云今檢校國子祭酒楊昱自御史中丞  
京畿採訪使除爲漢州刺史轉湖州刺史以舊府之恩乘  
州人之請紀公遺事刊石立去思碑於州門之外卽今都  
官郎中陸長源之詞也又云公之密親懿友重其器悅其  
能者今檢校國子祭酒楊公昱顏魯公文集陸贄奉天薦袁  
高楊勉已上二人並曾任御史中丞昨蒙宣示中書進擬量移官令臣  
審看可否者因晤貶降之輩其中甚有可稱臣以素所諳  
知兼聞公議此狀之內僅得十人狀所不該又有三四或

因連累左黜或遭讒忌外遷互有行能咸著名跡寘之清  
列皆謂良材若但準例量移及令仍舊出守固非陛下愛  
賢之意亦非海內望理之心倘蒙特恩追赴行在試垂訪  
接必有可觀陸宣公集十四全  
唐文楊勉作楊頊劉禹錫唐故監察御史  
贈尚書右僕射王公俊神道碑娶頊川韓氏主客員外郎  
衢之女國子祭酒楊頊之外孫 參考諸書楊頊楊昱楊  
瑱楊真當卽一人疑本名瑱餘俱宋人避神宗諱所改

沈迴

元和姓纂

四十  
七寢

沈忌生迥吳興武康縣人

唐會要

七十  
六

貞元元年九月賢良方正能直言極諫科沈迴及第 石

刻蜀丞相諸葛忠武侯新廟碑銘山南西道節度行軍司

馬檢校尚書刑部員外郎□□御□沈迴撰

貞元十一年  
陝西沔縣

文苑英華

百八十八

沈迴省試小苑春望宮池柳色詩一首

張昔黎逢丁  
位沈迴等

案唐詩紀事

六十三

黎逢登大曆十二年進

士沈迴當卽是年進士

全唐文小  
傳未詳考

李瓚

新書宗室世系表

下

小鄭王房文宗相宗閔子桂管觀察

使瓚字公錫

重修承旨學士壁記李瓚咸通四年四月

七日自荆南節度判官檢校禮部員外郎賜緋充翰林學  
士其月十日遷右補闕內供奉充九月十八日加駕部員

外郎充十二月二十八日加知制誥五年六月一日改權

知中書舍人出院

翰苑羣書上

舊書李宗閔傳子瓚大中朝

進士擢弟令狐綯作相特加獎拔瓚自員外郎知制誥歷

中書舍人翰林學士綯罷相出爲桂管觀察使御軍無政

爲卒所逐貶死

新傳畧同案瓚咸通四年入翰林乾符中任桂管俱在綯罷相後傳誤

新

書僖宗紀乾符四年十二月安南戍兵亂逐桂管觀察使

李瓚

唐語林

六

李瓚故相宗閔之子自桂州失守貶昭

州司戶後量移衛州刺史給事中柳韜疏之復貶韜始與

瓚相善瓚先達而弃韜瓚旣重爲所貶性強躁憤且死鄭

舍人穀之父瓚座主也乃爲書曰與穀受恩未穀極苦累

十點筆落而卒

案穀疑作穀鄭薰子見新書鄭畋傳

語林

薛調季

當作李

璲同年進士調美姿貌人號爲生菩薩璲

俊爽人號爲劍調寬恕而璲猜忌論者以時人所稱協其性也

### 梁令瓚

石刻李林甫等奉勅注御刪定禮記月令表命待

制

官安定郡別駕梁令瓚等爲之注解

新書馬懷素傳開

元九年以將任郎梁令瓚文學直麗正書院後以右率府

兵曹參軍而罷終恆王府司馬

舊書方伎僧一行傳開

元中敕令率府長史梁令瓚等與工人創造黃道游儀以



考七曜行度互相證明

後山叢談秘閣畫有梁文

令璣

五星二十八宿圖李公麟謂不減吳生婦女疑蜀手也

春明退朝錄

下

祕府書畫予盡得觀之其畫梁令璣二十

八宿真形圖

褚庭誨

石刻

張九齡

大唐故光祿大夫

集作行

侍中兼吏部尚書

□□□

集作引文館

學士贈太師□□忠獻公□□

集作裴公碑銘

後

列奉勅檢校模勒使朝議大夫□□議大夫上柱國□庭

誨一行

元和姓纂

八語

國子祭酒管國公褚無量生廷誨

給事中錢塘人

唐會要

七十

開元五年文儒異等科褚

庭誨及第 蘇頲贈禮部尚書褚公神道碑次子左拾遺

庭誨

文苑英華八  
百九十六

孫逖授褚廷誨給事中制門下朝議

大夫守諫議大夫上柱國褚廷誨師臣舊業官序良才文

儒實百行之資翰墨當一時之妙駁正爲務疇咨所難宜

遷左禁之榮式允中朝之望可守給事中散官勳如故

文苑

英華三百  
八十一

案當從石刻作庭誨

### 武少儀

舊書德宗本紀

下

貞元十一年正月乙未以衛尉少卿武

少儀爲鹽官經畧使

舊書

南

詔蠻傳元和四年正月

以太常少卿武少儀充弔祭異牟尋使 舊書于頔傳元

和八年春詔御史中丞薛存誠刑部侍郎王播大理卿武  
少儀爲三司使按問于敏 新書  
宦者 竇文場傳德宗晚  
節聞民間訛語禁中事而北軍捕太學生何竦曹壽繫訊  
人情大懼司業武少儀上書有如罪不測願明示四方俄  
得釋 武少儀見全唐文小傳未詳考

盧瑱

新書王虔休傳澤潞節度李抱真之喪軍司馬元誼據洛  
州叛虔休遣將李廷芝討之戰長橋斬級數百次雞澤又  
破之守戍皆奔魏博卽決水灌城將壞遣掌書記盧瑱入  
見誼陳利害誼請朝卽以瑱爲洛州別駕使守洛誼出亦

奔魏 新書宰相世系表上盧氏第二房檢校郎中政子

璠不詳璠弟瑱澤州刺史 通幽錄貞元六年十月范陽

盧瑱家於錢唐妻弘農楊氏其姑王氏早歲出家隸邑之

安養寺瑱宅於寺之北里家貧假食於郡內郭西堰去宅

數十步又云盧瑱秉志剛直

太平廣記  
三百四十

### 杭州刺史考

武德 雙士恪 乾道臨安志三雙士恪右咸清志衛

大將軍定相二州總管杭州刺史呂國公天水郡人見元

和姓新書高祖紀武德五年九月壬寅定州總管雙

士洛疑敗突厥於恆山之陽 咸清志歲月事蹟無考

楊令矩

乾道志三

楊行矩蔡州總管杭州刺史上

蔡人

見元和姓纂案  
今本姓纂缺

咸淳志歲月事蹟無考

史令卿

咸淳志歲月事蹟無考

貞觀

柳楚賢

舊書柳沖傳父楚賢貞觀中累遷光祿少卿

交桂二州都督皆有能名卒於杭州刺史

新傳

新書

宰相世系表東眷柳氏慶孫子楚賢光祿少卿杭州刺

史

薛萬徹

舊書本傳貞觀十八年授左衛將軍尚丹陽

公主拜駙馬都尉尋遷右衛大將軍轉杭州刺史遷代

州都督

潘求仁

補

元和姓纂

二十  
六桓

潘子義隋尚書右丞孫求仁

唐屯田郎中杭州刺史廣宗人

元神威

補

元和姓纂

二十  
二元

梁州刺史元願達生神威杭

州刺史

獨孤義順

補

新書宰相世系表

五

獨孤氏隋淮州刺史

武安公子佳子義順字偉悌虞杭簡三州刺史洛南郡

公

案新書地理志義寧元年置安邑郡武德元年曰虞  
州貞觀十七年州廢又簡州武德三年置義順刺杭

當在武德

貞觀間

載延

崔元獎

新書宰相世系表清河大房崔氏太子洗馬

世濟子元獎吏部侍郎杭州刺史

咸淳志歲月事蹟

無考

李自挹 新書宰相世系表趙郡李氏西祖房右司郎

中公淹子自挹杭州刺史 咸淳志歲月事蹟無考

志誤

士挹

中裴惓 新書宰相世系表中眷裴氏中書舍人元武公

義宏子蜷字翁喜杭州刺史 金石錄

口錄五

杭州刺史

裴惓碑族子子餘撰

開元三年九月

宋璟 舊書本傳中宗時自檢校貝州刺史爲武三思

所擠又歷杭相二州刺史中宗晏駕拜洛州刺史 顏

魯公文集

四

中宗時兼貝州刺史俄而眞拜轉杭州又

遷相州尋入爲洛州刺史

開元

劉幽求

資治通鑑

唐紀二

開元三年十一月劉幽求

三年

自杭州刺史徙郴州刺史

舊書本傳自睦州刺史歲

餘稍遷杭州刺史三年轉桂陽郡刺史

薛瑩

新書宰相世系表薛氏西祖房待聘子瑩杭州

刺史

新禧无量傳母喪詔州刺史薛瑩弔祭

正十

皇甫忠

補

唐會稽太守題名記開元十年八月自杭州

刺史授越州都督

會稽授英總集十八

元和姓纂

十一唐

瀉州刺

史皇甫恡生忠殿中監安定朝那縣人

一十

韋湊

補

文苑英華

九百十四

韋述唐太原節度使韋湊神道



年碑開元十年自河南尹以屬官時洛陽主簿犯賊有犯出爲杭

州刺史 舊書本傳以公事自河南尹左授杭州刺史

轉汾州刺史

三十三年袁仁敬 新書許景先傳開元十三年帝自擇大理少

卿袁仁敬爲杭州刺史

崔恂 新書宰相世系表二鄭州崔氏利州刺史玄籍

子恂杭州刺史清河男 咸淳志歲月事蹟無考

李昇期補文苑英華八百六十一李華杭州餘杭縣龍泉寺故

大律師碑故李大理昇期崔河南希逸嘗撫本州麾幢

往復律師天寶十三年化滅

崔希逸

補

同上

盧成務

補

新書宰相世系表盧氏大房太子詹事廣陽

邵公承泰字齊卿子成務壽杭濮沼魏五州刺史文

苑英華

八百三十一

梁肅京兆府司錄西廳盧氏世官記盧

成務肇久吏職發於京兆綱紀之任開元初罷錄岐下

軍事實居其任其後作牧于壽于杭于濮于沼于魏繼

受玄社以處太原

杜元志

補

新書宰相世系表襄陽杜氏卽州司馬敬則

子元志考功郎中杭州刺史

新書藝文志

丁部集錄

杜元

志集十卷

字道監開元考功郎中杭州刺史

李良

補

李太白文集

十八

有與從姪杭州刺史良遊天竺

寺詩

陸彥恭

新書宰相世系表陸氏豫章尉元之子武后

相元方弟彥恭杭州刺史

虞集開元宮碑杭故有開

元宮唐開元中刺史陸彥恭用詔書所作

李構

新書宰相世系表蔣王惲曾孫襲潯陽公右武

衛將軍森子構杭州刺史

天寶張守信

補

唐會稽太守題名記天寶七年自杭州刺史

六

授越州都督

會稽掇英總集十八

石刻源少良等題名監察御

史源少良陝縣尉陽陵此郡太守張守信天寶六載正

月二十三日同遊

下天竺摩崖

九載

李處祐

補

唐會稽太守題名記天寶九年自杭州太守

授十口年致仕

會稽掇英總集十八

李力牧

新書宰相世系表漢中李氏高宗相安期孫

宗墨子力牧餘杭太守咸淳志歲月事蹟無考

薛自勉咸淳志歲月事蹟無考

嚴損之

補

毘陵集十墓誌銘

至德

劉晏

舊書本傳遷度支郎中杭隴華三州刺史

咸淳志誤

元謝載晏

元載

補

李華杭州刺史廳壁記

載崔渙 新書宰相世系表至德二載八月甲申門下侍

郎同中書門下平章事江南宣慰使崔渙罷爲左散騎

常侍兼餘杭郡太守

文苑英華

九百三十六

穆員相國崔

公墓誌銘自左常侍領杭州刺史俄轉常州徵拜祕書

監太子賓客大理卿

乾元楊慧

補

吳興統記乾元二年遷杭州刺史慧一作惠

吳興

二志楊慧至德元年自奉元年縣令授免官與統紀異

三侯令儀 舊書本紀乾元三年正月以杭州刺史侯令

儀爲昇州刺史充浙江西道節度兼江寧軍使

賀若察

補

毘陵集

七吏部郎中廳壁記歲在乙巳河南

賀若公實蒞厥位往歲公爲員外郎也東曹朗然如得

水鏡治餘杭也吳人熙熙若逢陽春

案乙巳永泰元年据壁記察當自吏

部員外郎出爲杭州刺史自刺史入爲郎中也

劉隨州文集

八

奉送賀若郎

中賊退後之杭州詩江上初收戰馬塵鶯聲柳色待行

春雙旌誰道來何晚萬井如今有幾人

盧幼平

補

新書宰相世系表

三

大房盧氏暄子湮杭州

刺史湮弟幼平太子賓客

案湮刺杭未詳何年壁記亦不云兄弟繼守是州疑有誤

李華杭州刺史廳壁記詔以兵部郎中范陽盧公幼

平爲之又云未逾三月降者遷忠義歸者喜生育

未題永泰

元年七月二十五日

吳興志寶應三年白杭州刺史授湖州刺

史統記云永泰元年

案寶應無三年

廣德

張伯儀

李華杭州開元寺新塔碑廣德三年三月西

三年

塔壞太常卿兼杭州刺史張公伯儀忠簡帝心威靜吳

越

文苑英華八百六十

舊書代宗紀大曆二年七月以杭州刺

史張伯儀爲安南都護

相里造

毘陵集

祭相里造文江人杭人頌德不暇

洛表耆老奚公而蘇

結銜稱河南少尹贈禮部侍郎蓋白江州遷杭自杭遷河南少尹也

劉隨州文集一朱放自杭州與故相使君立碑回因以

奉簡吏部楊侍郎製文

白居易冷泉亭記先是領郡

者有相里尹造作虛白亭

咸淳志歲月事蹟無考

僅云

柑里君

大歷

杜濟

舊書代宗紀八年五月乙酉貶京兆尹杜濟杭

八年

州刺史坐典選也

顏魯公文集

八

京兆尹御史中丞

梓遂杭三州刺史劍南東川節度使杜公神道碑銘自

京兆尹出爲杭州刺史不逾周歲風化大行不幸感疾

卒又京兆尹兼中丞杭州刺史劍南東川節度使

杜公墓誌銘自京兆尹出爲杭州刺史公務清簡庭落

若無吏焉不幸感風疾以大曆十二年薨於常州

建中

元全柔

舊書德宗紀上建中元年四月壬戌以御史

元年

中丞元全柔爲杭州刺史

二年九月戊辰以杭州刺



年二 史元全柔爲黔中經畧招討觀察等使

李泌 舊書本傳自檢校御史中丞充澧朗硤團練使  
無幾改杭州刺史以理稱興元初徵赴行在授左散騎  
常侍

房孺復 舊書本傳德宗時自浙西節度韓滉幕累拜  
杭州刺史坐妻杖殺侍兒貶連州司馬

貞元 王顏 乾道志三 王顏貞元六年爲杭州刺史見國一

年六 禪師塔銘 文苑英華五百四十五 追樹十八代祖晉司空

太原王公神道碑銘 孫顏由進士官厯臺省除洛陽  
令移典杭州入大理少卿拜御史中丞

年八 于邵 舊書本傳貞元八年自太子賓客出爲杭州刺

史以疾請告坐貶衢州別駕

三十 李錡 吳興志貞元十三年四月自杭州刺史授湖州

年 刺史 統記作十二年

殷亮 權載之文集 二十 叔父故朝散郎華州司士參

軍府君 隸墓誌銘夫人陳郡殷氏故給事中杭州刺史

亮其兄也 貞元九年 咸淳志歲月事蹟無考

賈全 唐詔林 六 貞元中賈全爲杭州于西湖造亭爲

賈公亭未五六十年廢

十二 韓臯 舊書順宗紀貞元二十一年四月戊辰以杭州

一  
年刺史韓臯爲尚書右丞

實錄作五月己巳

舊書本傳貞元十

四年自京兆尹貶撫州司馬員外置同正員無幾移杭

州刺史遷尚書右丞

新傳同

蘇弁

舊本傳弁與韓臯得起爲刺史授滁州轉杭州

永貞張綱

咸淳志引餘杭志張綱永正初爲守奏置餘杭

倉宇四十二間築倉城周回四里

元初杜陟

咸淳志十七元和初郡守杜陟請慧琳於永福寺

登壇

三年裴常棣

淳祐志定業院唐元和元年刺史裴常棣建

咸淳志元和三年刺史裴常棣請慧琳臨天竺登壇

新書宰相世系表南來吳裴氏太子中允春卿孫常棣

杭州刺史

陸則 咸淳志歲月事蹟無考

杜信 新書宰相世系表襄陽杜氏杭州刺史元志子

見信字立言刑部員外郎杭州刺史 咸淳志歲月事

蹟無考

封亮 新書宰相世系表封氏希奭子亮司封員外郎

杭州刺史 咸淳志歲月事蹟無考

年盧元輔 舊書本傳字子望進士擢第再遷左司員外

郎歷杭常絳三州刺史 白氏文集五十盧元輔杭州

刺史制河南縣令盧元輔 唐文粹六十 胥山銘元和

十年冬十月朝散大夫使持節杭州諸軍事杭州刺史

上柱國盧元輔視事三載塵天子書云云白居易冷

泉亭記有盧給事元輔作見山亭

二十嚴休復 元微之文集五十 永福寺石壁法華經記元

年和十二年嚴休復爲杭州刺史又云杭州刺史吏部郎

中嚴休復

五十元蓺 元微之文集四十 元蓺宋本與文苑英 杭州刺

年史等制勅朝散大夫守饒州刺史元蓺等自天子至于

侯甸男邦大小之勢不同子育黎元其揆一也是以郎

官出宰百里牧守入爲三公此所以前代稱理古也近俗偷末倒置是非省寺以地望自高郡縣以勢卑自劣盤牙不解稂莠不除此有之患由此起今餘杭鍾離新安順政三有財用一鄰戎狄將有所授每難其人以蕪之理課甄明以弘度之奏議詳允以玄亮之學古從政僉命爲邦庶可勝殘而去殺矣敬奉詔條用慰煢獨可依前件

案新安志九續定命錄並云元和十五年崔元亮自密州刺史遷歙州刺史則蕪遷杭州

亦當在是年

困學記聞

七十

柳子厚荅元饒州論春秋又論

政理按鄱陽志元興也艾軒策問以爲元次山次山不

與子厚同時亦未嘗爲饒州

今本艾軒集無此策問

長慶白居易 舊書穆宗紀長慶二年七月壬寅出中書舍

二年白居易爲杭州刺史 舊書本傳秩滿除太子左庶

三年子分司東都 白氏文集二十除官赴闕留贈微之去

四年年十月半君來過浙東今年五月盡我發向關中

李幼公 西天目祖山志 三自太府卿授 新書宰相

世系表隴西李氏姑臧大房肅宗相揆子幼公杭州刺

史 咸淳志歲月事蹟無考 又謨分李幼李幼公爲二人

崔鄩 西天目祖山志 三自刑部郎中授 咸淳志歲

月事蹟無考

路異 西天目祖山志 三自刑部郎中授 咸淳志歲

月事蹟無考

大和裴弘泰

補

劉賓客文集七  
汝州舉裴大夫自代狀稱正

年八

議大夫使持節杭州諸軍事守杭州刺史上柱國賜紫

金魚袋裴弘泰前爲九卿出領兩鎮頃因微累遂有左

遷令授遠州物情未塞臣前任鄰接具知公才舊屈未

伸輒舉自代云云

舊禹錫傳大和自蘇州刺史陝滿入朝授汝州刺史不詳年月攷姑蘇

志二劉禹錫太和五年冬除六年二月六日到任八年

移汝州則弘泰除杭州亦在是時舊文宗紀下大和

五年三月甲申貶新除桂管觀察使裴弘泰爲桂管經略使

以除鎮淹程不進爲憲司所糾故也所云兩鎮卽指黔中桂管

寶姚合

補

讀書志

八

清塞詩



開成 李宗閔 舊書文宗紀開成三年二月丁酉以衡州司

年三 馬李宗閔爲杭州刺史四年十二月以杭州刺史李宗

年四 閔爲太子賓客分司東都舊傳

年五 裴夷直 資治通鑑唐紀六 故事新天子卽位兩省官

會昌 同署名武宗卽位諫議大夫裴夷直漏名十一月出爲

年元 杭州刺史 新傳武宗立夷直視冊牒不肯署出爲杭

州刺史 舊武宗紀開成五年八月御史中丞裴夷直

爲杭州刺史坐知樞密劉弘逸薛季稜黨也會昌元年

三月貶杭州刺史裴夷直驩州司戶

年五 李播補 樊川文集九 唐故進士龔軺墓誌會昌五年十

六年二月某自秋浦守桐廬路由錢塘時刺史趙郡李播

未詳蕭憲神唐語林七方干貌陋唇缺味嗜魚鮮性多譏戲

時代蕭中丞典杭軍倅吳傑患眸子赤會宴於城樓飲促召

武附傑傑至目爲風掠不堪其苦憲笑命近座女伶裂紅巾

宗朝方寸帖臉以障風

大杜勝補雲溪友議六杜勝給事在杭州後爲度支侍郎

出鎮天平案東觀奏記上杜勝任刑部員外上面授給事中据資治通鑑在大中二年十二月則爲

杭州當在宣宗時

二十李遠九國志二李濤傳祖遠唐杭州刺史趙郡人

年資治通鑑二百四十九大中十二年十月令狐綯擬李遠杭

州刺史

崔涓

補

新書崔瑛傳子涓性開敏爲杭州刺史受署未

盡識卒史乃以紙各署姓名傳襟上過前一閱後數百人呼指無誤終御史大夫

咸通

崔彥曾

新書地理志咸通二年刺史崔彥曾開錢塘

二年

沙河塘

盧潯

補

羅隱陳先生集後序甲申春告予以婚嫁之牽

詳未

制東歸青門摻執之後余亦東遊逮大梁時故杭州盧

代時

員外潯在幕齋其文軸謂余曰陳君罷而東豈期斯文

咸通

之終室乎子東及之爲我歸其文而激其來余至維揚

及歸其文遵其言相懽月而後別曰爲我謝范陽公龍

門之役不復顧矣

案甲申爲咸通五年

宋震

補

禪月集

十

寄杭州靈隱寺宋震使君詩有云罷

郡歸侵夏仍聞靈運居

嚴陵集

貫休寄杭州宋使

君詩注公初罷睦州

集無

令狐纁

補

禪月集

九

上杭州令狐使君詩

神仙感遇

傳錢道士初從杭州太守令狐纁至京師

當在懿宗朝

李邕

補

資治通鑑

唐紀七十六

乾亨二年二月董昌卽皇帝

位以前杭州刺史李邕爲相

光  
啟裴覺

補

萬姓統譜

十五

長安人光啟中爲杭州刺史屬董

昌作亂兵興道阻覺遂留家於杭

董昌 咸淳志

昭宗錢鏐 咸淳志

以裴有敞補定命錄唐杭州刺史裴有敞疾甚令錢唐縣

不知主簿夏榮看之太平廣記一百四十九

時韋夔補元和姓纂八韋氏鄆公房韋夔虞部郎中杭州

刺史

宋楚璧補元和姓纂二遂安令宋元恭生楚璧兵部郎

中杭州刺史廣平人

鄧溫補元和姓纂四十刑部尚書淮陽子鄧憚疑生溫

杭州刺史南陽人

裴珏補新書宰相世系表南來吳裴氏河南府司錄參

軍克子珏杭州刺史

劉暹補新書宰相世系表曹州南華劉氏武功丞知晦

子暹字士昭杭州刺史















